

*Continet
justitia in sese Virtutes comprehensit*

CATECHESIS
DAVIDIS
CHYTRÆI.

Postremò nunc ab ipso Au-
tore recognita, &
multis in locis
aucta.



L I P S I A E,
EX OFFICINA TYPOGRA-
phica ABRAHAM LAMBERGI.

M. D. XCIV.

PIO ET CANDIDO
LECTORI.

FILIVM DEI DOCTOREM ET SER-
uatorem nostrum IESVM CHRISTVM
ardentibus votis quotidie precor, vt omnes
in Scholis docentes & discentes, & me in eis, Spi-
ritu suo sancto, ipse doceat & gubernet, vt ipsi
grata, & teneræ ætati, quæ seminarium est Eecle-
siæ & Reipublicæ, salutaria discam & doceam. Cû
autem in hac Balthici litoris Sarepta studijs serui-
rem: tradidi auditoribus, inter cætera, hæc Cate-
cheseos Christianæ elementa, ex locis Theologi-
cis præcipuè ediscenda. Quæ ante viginti annos,
me planè inscio & ignaro, à præceptore & collega
rùm meo, D. Iohanne Aurifabro, primùm typo-
grapho data & exprimi cœpta sunt. Ea cû aliquo-
ties à me deinceps retexta & aucta, in multis scho-
lis vsurpari intelligerem: denuò adhibitis collegis
meis, hoc mense relegi. Ac ne prolixitas discentes
remoraretur: typis grandioribus, pauca, quæ pue-
ris ad ediscendum initiò vtiliter proponi iudicavi-
mus; cætera verò, quæ statim mandari memoriæ
non est necesse, exilibus literis, excudi à typo-
grapho petiuimus. Et quanquam tenuem adhuc
& puerilem hunc libellum esse, & multiplici lima
indigere ipse agnosco: tamen nihil in eo mutare
deinceps decreui. DEVM precor, vt studijs piæ
iuuentutis benedicat, & depositum veræ doctrinæ
purum & illibatum inter nos custodiat & tueatur.

Vespera iam venit, nobiscum CHRISTE
maneto: Extingui lucem nec patia-
re tuam. Die Lucæ. Anno

.A 5 7 5.



CLARISSIMI
VIRI, NOBILITATE
GENERIS ET VIRTU-
TIBUS PRAESTANTIS, D.
Petri à Menzingen, equitis aurati, & Me-
ccenatis, optimè de se meriti,
filio Bernhardo à Men-
zingen.

David Chytræus.

DELICATISSIMA ET
optima pars generis hu-
mani, & seminarium ac
flos Ecclesiae Dei præci-
puus, est tenera ætas, quæ
donum Spiritus sancti in
Baptismo acceptum retinens, veram de
Deo & redemptore nostro IESU CHRIS-
TO doctrinam studio sè discit, & casta
mente, simpliciq; ac pura fide Deum in-
uocat, & alacri ac læto corde pro benefi-
cij ab eo acceptis gratias agit, & in stu-
dijs ac reliquæ vitæ partibus mandata of-
ficia exequens, Deo & parentibus reue-
renter obedit.

E P I S T O L A

Præcipuè igitur placent Deo primæ ætatis studia: inuocatio, obedientia, & laudes quantumuis infirma & balbutienti voce Deum celebrantes. Sicut hac ingenti gloria ornatur à Christo, quòd non modò probetur, & iucunda ac curæ sit Deo, verùm etiam laudes Deo perficiat, & Christo inserta, regni cœlestis ciuis existat. *Talium est enim regnum cœlorum: inquit Christus. Et: Non est voluntas Patris cœlestis, ut pereat vnus de paruulis istis. Nisi cōuersi fueritis, & fiatis sicut pueri, non ingrediemini in regnum cœlorum. Item, Ex ore infantium & lactentium perfecisti laudem.*

Hæc ampla & gloriosa reneræ ætatis præconia, singuli parentes & præceptores, in suis cubiculis & Musæis inscribant, & quantus thesaurus ipsis commendatus sit in docenda & regenda iuuentute considerent, & se præclare de Ecclesiâ Dei mereri, & cultum Deo gratissimum præstare sciant, cùm in suis familijs & scholis, *παισὶν ἡρώδεια διδάσκουσιν*, & pueritiam de Deo & Redemptore nostro I E S U

CHRISTO.

DEDICATORIA.

CHRISTO fideliter erudiunt, & vnâ cum primis artibus & literis, seu potius cum lacte nutricis, succo veræ agnitionis Dei & pietatis ac cæterarum virtutum Deo placentium imbuunt. Omninò enim teneris puerorum mentibus instillari necesse est, quidquid radices agere & firmiter hæere in omni reliqua ætate volumus.

Prima autem & summa omnium, qui homines à Deo conditi, & per Filiû ipsius redempti sunt, cura & sollicitudo hæc esse debet, vt Deum Conditorem & Redemptorem nostrum IESVM CHRISTVM rectè agnoscât, & vero timore ac fide, & omnibus pietatis officijs ab ipso mandatis religiosè colant. Etsi enim non omnes, qui in studijs versamur, ex professo Theologi esse possumus: nam hæc hominum vita multis etiam alijs artibus indiget: tamen omnes, qui se homines dici volunt, aliquid temporis discendæ veræ de Deo doctrinæ, quàm immensa bonitate certis scriptis comprehensam Deus Ecclesiæ tradidit, & veræ sui agnitionis & inuocationis, & consiliorum actionumq; vitæ omnium normam esse voluit, tribuendum esse intelligunt. Cumque agnitio & inuocatio Dei, Filij ipsius

E P I S T O L A

Domini nostri IESV CHRISTI, ad omnes homines, & ad omnes ætates pertineat: profectò non senes tantum, & prudentia ac eruditione præstantes, sed teneram quoq; & puerilem ætatem imbui vera pietate & agnitione Dei, & ad librorum sacrorum & doctrinæ in eis traditæ lectionem & studia, & præsertim in scholis & familijs Christianis, assuescieri oportet, sicut gravissimæ hæc oracula diuina, primæ ætatis studia doctrinæ à Deo traditæ mandant: A puero sacras literas noueris, quæ te possunt erudire ad salutem perfidem in CHRISTO IESV. Item, Erunt verba, quæ ego præcipio tibi hodie, in corde tuo: & narrabis, seu, vt Ebraei fontes habent, A c v l s ea liberis tuis, hoc est, diligenter & accuratè limata & illustrata propones & assiduè repetes & inculcabis, & seuerè à liberis tuis diligentiam discendi exiges, & dictata reposces. Notum est & Pauli præceptum: *Educate liberos in disciplina et doctrina Domini*: quod non tantum mores primæ ætatis honestè & diligenter regi, & ingenia literis ac optimarum artium cognitione excoli, verum etiam doctrinam de DEO in Domino nostro IESV CHRISTO

DEDICATORIA.

CHRISTO in libris sacris traditam
 ipsis legendam & discendam proponi, & as-
 siduè inculcari & infigi iubet, Et Psal. 78.

*Mandauit patribus nostris, nota
 facere ea filijs suis, & filij, qui na-
 scentur, narrabunt ea filijs suis, ut
 ponant in Deo fiduciam suam, &
 non obliuiscantur operum Dei, &
 mandata eius seruent. Psal. 119.*

*Quare mundam facit adolescens viam
 suam? custodiendo sermones tuos.*

Hæc seuerissima mandata Dei, quæ &
 ipsis adolescentibus, sacrarum litera-
 rum & verbi diuini studium & custodi-
 am diligentem præcipiunt, & parentes
 præcipuè ac præceptores, qui in paren-
 tum locum succedunt, liberis suis ac di-
 scipulis semina veræ de Deo doctrinæ in-
 stillare iubent: Me etiam impulerunt, ut
 in hac Balthici littoris Sarepta, in quam
 fato quodam meo delatus sum, pro offi-
 cij mei ratione, iuuentuti studiosæ sum-
 mam doctrinæ diuinitus traditæ, distri-
 butam in paucos locos, & additis defini-
 tionibus ac partitionibus illustratam, an-
 te sedecim annos proponerem: & velut

E P I S T O L A

ἡμετέροις locorum Theologicorum Philippi, quos tunc profitebar, tradere conarer.

Eam veræ de Deo doctrinæ methodum, superiori anno à me recognitam, & multis definitionibus, alijsq; utilibus quæstionibus auctam, Tibi, carissime BERNHARDE, dedico: tum vt clarissimi patris tui, & beneficiorum, quæ ab ipso, sumtus studiorum mihi in aliquot Academijs benignè & liberaliter suppeditante, amplissima & planè paterna accepi, memoriam graram me conseruare, qualicunque testimonio ostenderem: tum vt tibi studia doctrinæ & virtutis, magna cum spe & expectatione omnium nostrum ingresso gratularer: & quam scio, à viris eruditissimis & optimis præceptoribus tuis eadem te isthic quotidie audire: tamen meo etiam loco horrator essem, vt eximiam generis nobilitatem, eximiæ eruditionis & virtutis ornamentis augeres, & cæterarum artium & linguarum studijs, veram de Deo & redemptore nostro IESV CHRISTO doctrinam adiungeres.

Cùm enim fines studiorum proximi & immediati sint, sapientia seu cognitio rerum, & facultas rectè & perspicuè de rebus

DEDICATORIA.

rebus propositis dicendi aut scribendi:
 primus & summus sapientiæ & virtutis
 gradus est agnitio Dei seu pietas vera, vt
 grauissimè dixit religiosa antiquitas: ἡ δὲ
 θεῶν γνώσις σοφία ἐστὶ καὶ ἀρετὴ ἀληθινή, ἡ δὲ ἀγνοία,
 ἀμαθία ἥδη καὶ κακία ἐναργής. Vt autem alijs
 animantibus homines ratione & oratio-
 ne excellunt: ita homo homini præstat
 his ipsis dotibus doctrina excultis & po-
 litis.

Maximè igitur natos in familijs nobi-
 libus & heroicis, quos reliquæ hominum
 multitudini præesse, & publica guber-
 nationis consilia regere Deus voluit, præ
 cæteris se doctrina liberalium artium,
 diuinarum humanarumq; legum noti-
 cia, & imprimis agnitione Dei, iusticia
 & pietate vera instruere & exornare de-
 cet, vt quemadmodum loco & ordine,
 seu splendore familiæ & opibus, ita etiam
 sapientia, pietate & iusticia ac doctrina
 cæteris hominibus antecellant. Funda-
 mentum enim veræ nobilitatis est, non
 maiorum dignitas tantum & opes poste-
 ris relictæ, sed virtus, sapientia, iusticia,
 fortitudo, doctrina & eloquentia eximia,
 quæ Dei gloriæ, patriæ, Ecclesiæ ac Rei-
 publicæ seruit, & de reliquo genere hu-
 mano benè meretur. Etsi autem, cùm di-

unitus ordinum distinctio facta sit, præstantes ad virtutem inclinationes, & motus animorum acriores & ardentiores, in familijs Heroicis propagari consentaneum est: tamen hos doctrina & legibus ac disciplina, & exemplis honestis exuscitari, regi & expoliri oportet.

AC LEGES & Regulas consiliorum & actionum vitæ honestarum ferè omnium, tum in multis alijs, præcepta institutionis vitæ & morum laudabilium continentibus scriptis, tum verò etiam in hoc Catecheseos libello breuiter expositas habes, virtutum omnium & officiorum Deo & alijs hominibus, & nobis ipsis debitorum, Definitiones, in Decalogi præcepta distributas, ad quas tanquam normas, non facta solum & dicta, verum etiam consilia & cogitationes nostræ omnes sunt dirigendæ.

Exemplum autè pij & iusti viri, & prudentia politica, omniumq; virtutû Deo placentiam complexione ornati Herois, & industriæ ac seduli patris familias, tibi in clarissimo patre propositum est. Ad quod si literarum etiam, & latinæ eloquætiæ decus adiunges, novæ & amplioris Nobilitatis initium, & illustrioris virtutis exemplum posteris futurus es.

Doctri-

EPIST. DEDICAT.

annum 1568, qui est ab initio mundi annus 1530. Quem ut felicem & faustum tibi, & nobilissimæ matri tuæ, & toti Ecclesiæ ac Reipublicæ tribuat Fi-

LIVS DEI nobis datus,
toto cum pectore
precor.



CATE,

I
CATECHE-
SIS DOCTRINÆ
CHRISTIANÆ.

Quid est Catechesis?



EST SUMMA DOCTRINÆ
Christianæ certa methodo
comprehensa.

*Quid est Theologia seu doctrina
Christiana?*

Ram:

*Theologia ē
doctrina bonæ
vivendi.*

THEOLOGIA est doctrina de
DEI essentia & voluntate ac beneficijs
generi humano propter Christum Me-
diatorem exhibitis, & cultibus ipsi vi-
cissim debitis, patefacta in verbo DEI,
per Prophetas & Apostolos tradito, & il-
lustris testimonijs miraculorum con-
firmata, per quam Deus verè efficax est,
& veram sui agnitionem, remissionem
peccatorum & vitam æternam credenti-
bus impertit.

*Vel
Theologia
ē doctrina
bonæ beatæ
vivendi.*

*Quæ sunt capita doctrinæ Chri-
stianæ præcipua?*

Duo.

Duo.

ALEX DEI, seu præcepta Decalogi & **EVANGELION**, seu promissio Gratiæ DEI & vitæ æternæ, propter Christum gratis donandæ.

Ex his duobus fontibus, qui velut metæ & normæ sunt totius sacre scripturæ rectè intelligendæ, omnes reliqui doctrine Theologicae loci nascuntur & emanant: & ad duo hæc prima puerilis Catechismi nostri capita, videlicet Decalogum, & Symbolum fidei, omnes sacre scripturæ conciones, dogmata & Historia referri possunt. Sed tamē ut series & summa doctrinæ amplissima, in plura membra distributa, illustrior sit, & facilius conspici & insigi animo ab adolescentibus possit: numerabimus sine superstitione **DECIMUM LOCOS** Doctrinæ Christianæ præcipuos, ad quos omnia, quæ in verbo Dei, Patribus, & quibuscunq; alijs scriptis concionibus, lectionibus & disputationibus Theologicis legunt, vel audiunt studiosi, referre, & velut in classes certas, seu membra unius corporis aptè inter se coagmentatas, digerere, animoq; complecti queant.

**LOCI DOCTRINÆ
CHRISTIANÆ PRÆCI-
PVI DECIMUM SVNT.**

I. DE DEO, seu vera Agnitione & Innuoca-

Inuocatione vnus veri DE I Patris, Filij,
& Spiritus sancti.

II. DE HOMINE ad imaginem Dei
creato.

III. De LEGE DEI.

IIII. De PECCATO.

V. De EVANGELIO annuncian-
te Remissionem peccatorum propter
Christum, & de FIDE IUSTIFI-
CANTE.

VI. De Noua obedientia seu BONIS
OPERIBVS.

VII. De Pœnitentia & absolutione.

VIII. De SACRAMENTIS, Baptismo,
& Cœna Domini.

IX. De ECCLESIA, & de Cruce ac
consolationibus Ecclesiæ.

X. De Immortalitate Animæ, Resur-
rectione corporum, extremo Iudicio, &
VITA AETERNA.

*Quid est RELIGIO Chri-
stiana?*

RELIGIO Christiana est in Chri-
stum credere, & DEVM colere iuxta
ipsius verbum: Vel RELIGIO CHRIS-
TIANA, est praxis Theologiæ, videli-
cet vnum verum Deum Patrem, Filium, &
Spiri-

Spiritum sanctum, iuxta doctrinam ab ipso patefactam agnoscere, & verè timere iram ipsius aduersus peccata, & credere propter CHRISTVM mediatorem sibi peccata remitti, & DEVM propitium esse, & hanc fidē Sacramentis à Christo institutis obsequiare, & prælucēte hac fide, eum invocare & colere bonis operibus. Quibus se in suo verbo coli praecepit, propter hunc finem, vt Deus honore afficiatur. Ignatius, ὁ μόνον καλεῖται, οὐκ ἔστιν ἄλλος, ἀλλὰ καὶ εἶναι, καὶ τὸ λέγειν, ἀλλὰ τὸ εἶναι, μακρότερον τοῦ λέγειν.

Duplex est discriminem Christianam et Eth-
Quod est discriminem Christianam et Eth-
nicam?

RELIGIO Ethnica est sine certo Dei verbo, sine vera in Christum fide vagantem, loco vnius veri Dei varia & commenticia numina & idola multiplicia colere ceremonijs & operibus ac sacrificijs humano arbitrio electis, quibus peccata sua compensari, & Deos sibi placatos & propitios reddi, & velut emi ab illis bona fingunt.

Etsi autem Cuius, Plato, Seneca & similes Ethnici saniores, ex lege naturae, & opificio mundi, agnoscunt, esse Deum, mentem aeternam, conditricem mundi, sapientem, iustam, vindicem scelerum. Ethnica destituta est primo expresso Dei verbo: Perfecta legis cognitione Christiana vero Religio habet expressum Dei verbum & perfectam legis cognitionem. Quartum Ethnicorum religio constat multis diis, Christiana vero uno Deo.

CHRIST. ET ETHN. §

rum: & de officijs virtutum & externis moribus multa honestissimè præcipiunt: tamen hi ipsi, cum non regantur verbo Dei, contra ipsius naturæ iudicium idolatricos monstrosa multitudinis deorum cultus retinent, & pariter creatorem mundi, Angelos bonos, daemones, diabolos & Heroes mortuos, DEOS nominant: & hac idola, ut lege & more quolibet loco recepta sunt, colenda esse sanciant, sicut Pythagoras, summam religionis Ethnica complectens præcipit. Ἀθανάτους μὲν ἀεὶ ὄντα θεοὺς, ὡς δὲ δεινὰ ἔργα, τίμα.

Deinde, Ethnici Evangelium de Filio Dei Domino nostro IESU Christo, & de gratuita remissione peccatorum, & vita æterna credentibus gratis propter Filium mediatorē donanda, prorsus ignorant. Nulla est autem vera religio, & Ecclesia Deo placens, ubi non est vera noticia Christi, Ioh. 14. Nemo venit ad Patrem nisi per me. Iohan. 3. Qui non credit Filio, non videbit vitam, sed ira Dei manebit super eum.

Præterea etiam Legis Dei & virtutum doctrina apud Ethnicos mutila & manca, & multipliciter depravata est, ut Cicero in officijs, & Aristoteles in Ethicis, ex professo virtutum explicationem instituentes, nullam ferè mentionem faciunt Dei & primarum virtutum, Pietatis erga DEVM, Timoris Dei, Inuocatio-

nis Gratiarum actionis, &c. quarum tamen notici-
am aliquam natura in mentibus hominum lucere,
Platonis etiam & Homeri sententia ostendunt.
Deniq; totius primæ tabulæ Decalogi & sexti et-
iam præcepti noticia, & tota doctrina de interiore
cordis immundicie, quam Lex arguit, & perfecta
cordis obedientia, quam Lex flagitat, apud Ethni-
cos planè obscurata & corrupta, & serè prorsus de-
leta fuit.

Quæ est causa certitudinis in do-
ctrina Christiana?

Summa & præcipua causa certitudinis est au-
toritas & P A T E F A C T I O diuina, in libris
Prophetarum & Apostolorum comprehensa, seu,
DIXIT DOMINVS: qui veritas ipsa est, &
mentiri nescit.

*Veritas est
doctrina christi
na confirmata*
Huic æternæ & immotæ veritati, Spiritu san-
cto duce assentientes plurimum etiam sequentia
Testimonia confirmant: vt certius statuunt, quòd
sola hæc doctrina de D E O, in scripturis sanctis
tradita, sit certa, vera, diuina, & sola hominibus
arcanam voluntatem Dei patefaciat.

I. M I R A C U L A propriæ naturæ diuinæ & o-
mnipotentis, vt resuscitatio hominum mortuorum,
repressus cursus solis, & similia, quibus sola doctri-
na Christiana confirmata est.

II. Vniuersalis experientia omnium piorum in
quotidiana inuocatione & exercitijs pœnitentiæ.

III. Antiquitas Doctrinae Moysis & Prophetarum.

IIII. Varicinia illustra & perspicua de rebus maximis, de voluntate Dei, de aduentu Christi, de serie & mutationibus imperiorum, qua omnia sic euenerunt, & predicta sunt.

V. Ipsam genus doctrina, patefaciens arcana & ignota humane rationi.

VI. Miranda conseruatio Ecclesie.

7. Odiū Diaboli aduersus hanc doctrinam.

8. Series doctorum & instauratorum doctrina continua, inde vsq. ab initio Ecclesie.

Series annorum mundi continua, qua nusquam alibi conseruata est.

Noticia Legis Dei integra.

Doctrina de coniugio & castitate. qua in sola etiam Christiana religione illibata permansit.

XII. Sanguis omnium Martyrum.

XIII. Pœna blasphemorum & persecutorum.

Testimonia scripturæ, 1. Thess. 2. Accepistis non verbum hominis, sed sicut reuera erat, verbum Dei, quod & efficax est in vobis credentibus. 2. Pet. 1. Non voluntate hominum allata est doctrina Prophetia, sed à Spiritu sancto impulsī, locuti sunt sancti Dei homines, &c.

*Quæ est optima ratio studendi
in Theologia?*

Tria sunt præcipua instrumenta, (quæ Luthe-

rus in prefatione primi Tomi Germanici, ex Psalmo 119. commemorat) quibus vera & salutaris doctrina Christiana cognitio parari potest.

I. PRECATIO ardens & quotidiana, ut Deus ipse nos doceat: & studia nostra Spiritu suo sancto gubernet & adiuvet, sicut David precatur: Domine, fac cum seruo tuo secundum misericordiam tuam, & iustificationes tuas doce me. Servus tuus sum ego, da mihi intellectum, ut discam testimonia tua. Vias tuas Domine ostende mihi, & semitas tuas edoce me. Dirige me in veritate tua, & doce me: Nulla enim studia sunt felicia & salutaria, nisi à Deo mentes regantur. Irenaeus: Deum discere nemo potest, nisi Deo docente.

II. Studium seu meditatio & diligentia in discendo.

III. EXPERIENTIA seu PRACTIS, quae doctrina discendo percepta, in quotidiana invocatione & exercitijs poenitentiae, in doloribus ortis ex sensu irae Dei & poenarum, in studijs & laboribus nostra vocationis, in petendo & expectando Dei auxilio, denique in toleranda sancta cruce, & temptationibus ac arumnis multiplicibus, ad usum transferatur: in quibus fides, invocatio, spes, patientia, humilitas, & ceterae virtutes, in quarum cultura religio Christiana potiss. sita est, exercentur, crescunt & expoluntur, & vis ac efficacia verbi divini experiendo cognoscitur.

Studium autem Theologicum, seu labores

bores discendi, hisce regulis gubernentur.

Prima cura sit, ut TEXTVM BIBLIORVM nobis familiarissimè notum reddamus, ex quo solo tanquam ex augusto & perenni fonte, vult Deus doctrinam de vera sui agnitione & aeterna salute nostra hauriri. Et hoc vno modo & non aliter, quam per lectionem & cogitationem Textus verbi diuini efficax est, & veram sui cognitionem, iustitiam, & vitam aeternam in cordibus accendit. Quotidie igitur manè postquam surrexerunt, & vespèri cum cubitum ituri sunt, vnum caput in Biblijs studiosi legant, & ordine ea euoluant & præcipua dicta, & historias, in partes Catecheseos, seu in locos, qui summam doctrinæ Christianæ continent, digestas meminerint.

2. Summa Doctrina Christiana, continens præcipuos articulos pia & erudita methodo expositos, animo complectenda est: ad quos omnia, quæ in Theologia, legimus, audimus, discimus, dextrè referantur. Hanc commodissimè ex libello Examinis vel locorum Theologicorum assiduè & attentè lecto & relecto, studiosi discant.

3. LINGVÆ Ebrææ & Græcæ cognitio necessaria est, ut ex fontibus, veram de Deo doctrinam haurire, & cum Filio Deo, Prophetis & Apostolis sine interprete colloqui possimus.

4. Dialectica Methodo in discenda & docenda

cœlesti doctrina & refutandis veritatis corruptelis opus est.

5. Disputationum & declamationum exercitia suscipienda sunt, quæ & iudicium de veris sententijs confirmant & acunt, & facultatem propriæ & perspicuæ orationis, ad explicationem dogmatum necessariæ, pariunt.

6. Aliorum eruditorum & Patrum commentarij legendi sunt, vt iudicijs & consensu Ecclesiæ catholicæ nostram fidem confirmemus.

7. Historia totius Ecclesiæ & inprimis veterum certaminum & iudiciorum primitiuæ Ecclesiæ, quæ Apostolorum temporibus vicinior fuit, cognoscenda est, ex Patribus vetustissimis, & scriptoribus historie Ecclesiasticæ, & actus consiliorum, ex canonibus Iuris pontificij, Magistro sententiarum, &c.

8. Totius Philosophie, artium dicendi, Ethicæ ac Politicæ, Arithmeticæ, Physicæ, Astronomiæ, Geographiæ, & ceterarum artium, quæ in Scholis traduntur, cognitio, in explicanda doctrina & libris sacris, magno vsui, & alioqui Ecclesiæ singulari presidio & ornamento est.

Quid sunt Scholæ?

SCHOLÆ sunt ^{se famulæ} cœtus docentium & discentium literas, linguas & artes, Deo gratas, & Ecclesiæ Dei ac Reipublicæ necessarias.

Propter

Propter quas causas necesse est co-
li in Scholis studia litera-
rum et præcipuè Cate-
chesin disci?

Homines ideò conditi sunt, ut Deum
conditorem & Filium ipsius redempto-
rem nostrum IESUM CHRISIVM
agnoscant, inuocent, & colant, iuxta do-
ctrinam ab ipso ^{inquit} traditam, & libris Pro-
phetarum & Apostolorum comprehen-
sam. Quare aliquos homines esse oportet
^{qui hunc librum} literarum peritos, qui hunc librum
doctrinæ cœlestis legere, & alijs prælege-
re, & explicare possint.

Præcipuè igitur singuli ad discendum mouean-
tur primùm seuerissimis Dei mandatis, qui præcipit
doctrinam à se traditam audiri, disci, propagari.

Matth. 17. Aeternus pater de cælo iubet au-
diri Filium. HVNC AVDITE. Necesse est igitur
conciones seu doctrinam Christi, in Euangeli-
stis, Prophetis & Apostolis descriptam legi, cognosci
& alijs cognoscendam perspicuè & disertè proponi.

1. Timot. 4. Attende lectioni & doctrinæ.

Col. 3. Sermo Christi habitet in vobis opulen-
ter cum omni sapientia.

Iohan. 14. Christus iubet seruari, hoc est, disci.

ac custodiri sermonem suum, & amplissimam promissionem addit, quod custodes sue doctrinae domilia & templa totius diuinitatis futuri sint.

2. Timot. 3. A puero sacras literas noueris, quae te possunt erudire ad salutem. Omnis enim scriptura *θεοπνευτος* & utilis est ad docendum, &c.

Deinde Finis ad quem conditi sumus, in discendo & docendo nobis propositus sit, ut Deum recte agnoscamus, & gloriam ipsius illustremus, 1. Corint. 10. Matth. 5. 1. Petr. 4.

Tertiò, ut prosumus Ecclesiae Dei, adiuuantes conseruationem ministerij Euangelici, & gubernationem Ecclesiae.

Quartò, ut Reipublicae, quae hospitium est Ecclesiae Dei, in consilijs, iudicijs, legationibus, negocijsq; omnibus, ad communem tranquillitatem & salutem pertinentium, seruire possimus. Tit. 3. Discant & nostri, ut possint bonis operibus praesse ad necessarias vsus, ne sint infrugiferi.

Quintò etiam, ut honestum locum in communi vita, victum, & necessaria, ad vitam honestè sustinendam consequamur: *εποδιον δὲ ἡ ἀρετὴ δίδωκεν.*

Sed principalis finis semper nobis in conspectu sit, videlicet, Vera Dei agnitio & celebratio, iuxta doctrinam ab ipso Deo per Christum patefactam. Ideoq; prima cura omnium nostrum esse debet, ut Catechesin doctrinae Christi discamus. Matth. 6. Primum querite regnum Dei.

Quid

*Quid vocatur Catechesis, &
unde est appellatio?*

C A T E C H E S I S in genere significat formam institutionis, in qua viua voce auditoribus initia alicuius doctrinae in certos locos methodicè distributa traduntur: & auditores ea, quæ ipsis tradita sunt, & quæ didicerunt, vicissim reddere & recitare coguntur.

A verbo κατεχειν, quod significat audire, sonum ab alio accipere, docendo dictata reponere, behören.

Propter quas causas Catechesis, hoc est, talis forma institutionis, quæ fit per examen, in Ecclesia usurpatur? seu,

Quæ sunt utilitates Examinum in genere?

Examina augent in discentibus diligentiam, intentionem animi, & curam rectè & integrè discendi ea quæ proponuntur, cum sciunt sibi ea, quæ audiuerunt, in examine reddenda esse. Deinde in Ecclesia necesse est singulos homines edere confessionem suæ fidei. Ideò in primitiua Ecclesia instuebantur

Essentia spiritalis, curior
Scriptura ad in Ecclesiam per baptismum reciperentur, testari
seu confiteri solebant, se veram doctrinam de Chri-
sto amplecti. Inde examen in ceremonijs baptismi
reliquum est. Pertinet etiam ad fidelitatem Pasto-
rum & docentium in Ecclesia, scire quid intelli-
gant, quomodo proficiant discentes.

Ad id quod dicitur, ad officia totum cursum studiorum examina in-
tra certas metas continere, ne vagentur & aber-
rent. Adigunt ad discenda necessaria & vilia, o-
missis non necessarijs & inutilibus. Plerumque enim,
ut Seneca ait, necessaria ignoramus, quia non ne-
cessaria didicimus.

Corrigunt errores prius animo conceptos.

Augent acumen ingeniorum, & formant iu-
dicium. Alant & augent facultatem loquendi, &
facundiam extemporalem.

Adiuuant memoriam, ut ea, qua percepit,
promte & celeriter, ubi resposcit, reddere possit.

Tollunt superbiam & inanem persuasionem
doctrinae ac sapientiae.

Adsu faciunt ad communicationem sermonis
& humanitatem in omni vita.

Formant pronuntiationem seu actionem, in
moderanda voce, vultu & vitandis gestibus ineptis.
Denique Colloquia de doctrina salutari, dulcis con-
solatio sunt bonarum mentium, in doloribus & e-
mulationibus, ut in veteri versu dicitur: Quis vos-
sionis eius iactos logos, & sunt imago celestis
illius

Quomodo probas esse unum Deum? *1^o Th. 1 unus
Deut. 6 Audi Israel Dominus Deus unus
unus Deus unus
modum dicitur Deus
hominum homo*
EXAM. UTILITATES. *1^o Th. 1*

illius scholæ, in qua coram audiemus Doctorem Fi-
lium DEI, & cum præceptoribus nostris, Prophe-
tis & Apostolis colloquemur, & dictata reddentes
plura ab eis discemus.

Has utilitates recitavi, cum plerique adolescent-
tes, vel ignavia, vel superbia fugiant examina, ve-
aliquas bonas mentes ad amorem $\kappa\alpha\tau\alpha\chi\eta\sigma\epsilon\omega\varsigma$, seu
examinum, cum in ceteris artibus, tum verò prae-
pue in doctrina Christiana exerceant.

Nunc singulos doctrina Christiana locos, eo ordine, quo propositi sunt, breuiter & perspicue exponemus.

PRIMVS
LOCVS.

DE VERA DEI AGNI.

TIONE ET INVOCATIONE. *Quot habet partes*
Deus essentia spiritualis *Trinna explicat*
tributa seu dona

Quid est Deus?

Simplicissima & optima definitio DEI
Est SYMBOLUM APOSTOLO-
RVM, vel Nicenum: quod iuniores omnes
 accuratè ediscere, & nos grandiores etiam quoti-

die & Recitat p. apu
us D. i. octu
nar.

Deum esse probare duo ex modis. 1. ex libro naturæ & ex libro scripturæ. Liber naturæ sunt opera creationis ut coelum, terra, mare &c. Liber scripturæ sunt tota G. l. & p. sancti in scriptis conscripti. Gen. 1. Deus dixit fecit &c. & ex opibus ab ipso factis & ex liberatione populi israelitici ex ægypto &c. & die & attentè recitare utilissimū est, ut nos ad cognitionem pharaconem de Deo, & de tribus personis, de omnibus ony.

Dei operibus & beneficijs, de creatione, de redemptione generis humani per Filium, de persona, officio, passione, morte, resurrectione & regno Christi, de perpetua Ecclesie collectione, de extremo iudicio, de remissione peccatorum, & vita æterna, exsuscitemus: & hac cogitatione per vocem C R E D O in pijs sit applicatio beneficiorum Christi, et ipsa recitatio est confessio contra Diabolos, & in doloribus ac arumnis consolatio dulcis & efficax.

Deinde & visitata descriptio D E I tenetur:

D E U S est essentia spiritualis, vnica, æterna, verax, iusta, misericors, omnipotens, Pater æternus, & Filius imago Patris, & Spiritus sanctus à Patre & Filio procedens: patefacta in creatione mundi & verbo Ecclesie tradito, iuxta quod solum ab hominibus agnosci & coli vult, & in omni æternitate celebrari.

Quod sunt Personæ Diuinitatis?

Personarum diuinitas probatur. Gen. 1. v. 1. & 2. Math. 28. 19. Mar. 16. 19. Ioh. 1. 1. & 2. & 3. & 4. & 5. & 6. & 7. & 8. & 9. & 10. & 11. & 12. & 13. & 14. & 15. & 16. & 17. & 18. & 19. & 20. & 21. & 22. & 23. & 24. & 25. & 26. & 27. & 28. & 29. & 30. & 31. & 32. & 33. & 34. & 35. & 36. & 37. & 38. & 39. & 40. & 41. & 42. & 43. & 44. & 45. & 46. & 47. & 48. & 49. & 50. & 51. & 52. & 53. & 54. & 55. & 56. & 57. & 58. & 59. & 60. & 61. & 62. & 63. & 64. & 65. & 66. & 67. & 68. & 69. & 70. & 71. & 72. & 73. & 74. & 75. & 76. & 77. & 78. & 79. & 80. & 81. & 82. & 83. & 84. & 85. & 86. & 87. & 88. & 89. & 90. & 91. & 92. & 93. & 94. & 95. & 96. & 97. & 98. & 99. & 100.

Pater, Filius, & Spiritus sanctus.

Quid est Persona?

Perfo-

Persona est substantia individua, intelligens, incommunicabilis, non sustentata in alio.

Cur tantum tres Personæ Divinitatis agnoscendæ & invocandæ sunt, & non plures vel pauciores?

Quia D E V S sic se patefecit in Baptismo Christi, & in institutione baptismi nostri, & alijs testimonijs. Matth. 28. Baptizate eos in nomine Patris & Filij, & Spiritus sancti. Psal. 2. Dominus dixit ad me, Filius meus es tu, Osculamini Filium. Psal. 33. Verbo Domini cæli firmati sunt, & spiritu oris eius omnis exercitus eorum.

Fundamentum autem totius doctrinæ Theologicæ est hæc sententia. Quod non aliter sit de Dei essentia, & voluntate & cultibus ipsi præstandis sentiendum aut docendum, quam sicut se Deus, in suo Verbo, per Prophetas & Apostolos tradidit, patefecit.

Deut. 4. 12. Non addetis ad verbum, quod vobis loquor, nec auferetis ex eo. Esaie. 8. Si non dixerint iuxta verbum hoc, non erit eis matutina lux.

Recita

distinctione personarum confirmanda ex 6 cap: Esa: v. 2. ex 3 Math: 17
et ecce vox de caelo auditur & dicitur Hic est filius meus dilectus sicut
2 Pet: 1 v. 17 Hic est ille filius meus dilectus in quo mihi complacuit
Coloss: 1 v. 13. Luc: 1 v. 32 Hic est Filius magis & Filius altissimi vocabitur.
Ioh: 14 v. 16. I & c. ego rogabo patrem et alium consolatorem dabitur his
ut maneat vobiscum in aeternum. Spiritus sanctus qui procedit a Patre & Filio
2 Corint: 13 v. 13 Gratia Domini Iesu Christi & charitas Dei & communicatio
spiritus sancti sit cum omni vobis.
Eph: 2 v. 18. Quia per illum habemus aditum utriusque in unum spiritu ad patrem.
Denique ex Cyrillano de Baptismo Christi
a psalmo: ventis magis ubi in ego. Ioh: 1 v. 3. omnia per ipsum facta sunt
ad extra Christi patri & consubstantialis Patri est prima persona diuinitatis
huius creatis omnium. **PATER** est prima persona diuinitatis, quæ ab æterno genuit Filium coæternum imaginem suam, & vnâ cum Filio & Spiritu sancto omnes res ex nihilo condidit & conseruat.

FILIUS est secunda persona diuinitatis, genita ab æterno à Patre, & est substantialis & integra imago æterni Patris, qui Filius postea fuit intercessor inter Deum & primos homines lapsos, & constitutus mediator, assumpsit ex virgine Maria humanam naturam, factus est victima pro nobis, & per eum, ac propter eum solum, datur ab æterno Patre remissio peccatorum, iusticia & vita æterna.

SPIRITVS SANCTVS est tertia Persona diuinitatis, quæ à Patre & Filio procedit: & mittitur, vt ministerium docendi in Ecclesia gubernet, & per Euangelium corda piorum regeneret & sanctificet.

Testimonia de Diuinitate Filij Dei Domini nostri Iesu Christi?

Rom. 9.

Rom. 9. Christus est super omnia, Deus benedictus in secula.

1. Iohan. 5. Sumus in vero (Deo) in filio eius Iesu Christo. Hic est verus Deus.

Jerem. 23. Inuocabunt eum, IEHOVA iusticia nostra.

Iohan. 20. Dominus meus, & Deus meus.

Iohan. 1. ὁ θεὸς ὡς ὁ λόγος, Et Deus erat illud verbum.

Quare Filius Dei nominatur λόγος seu Verbum.

Primum respectu aeterni Patris, quia est imago Patris, in qua integrè lucet sapientia & bonitas ac essentia Patris: sicut noster sermo cogitationum mentis effigies est.

Deinde respectu nostri. Quia primus dixit humano generi promissionem Euangelij, ex arcano sinu Patris prolatam, & subinde in colloquijs cum patribus eam repetiuit, (Ioh. 1. Filius, qui est in sinu Patris, ipse enarrauit.) Et per ministerium huius sui verbi seu Euangelij efficax est, & dicendo seu verbo suo, veram agnitionem aeterni Patris, veram consolationem & vitam accendit. Matth. 11. Nemo nouit Patrem nisi Filius, & cui voluerit Filius reuelare, Ebr. 4. Vivam verbum Dei & efficax. Psal. 119. Verbum tuum viuificat me.

Testimonio

*Testimonia de Diuinitate
Spiritus sancti.*

Matth. 28. Baptizate eos in nomine Patris & Filij, & Spiritus sancti. Cùm enim Baptismus sit fœdus cum vero Deo: nosq; non solum in nomen Patris & Filij, verùm etiam Spiritus sancti baptizemur: necesse est Spiritum sanctum etiam eadē diuinitate, potentia, maiestate & gloria cum æterno Patre & Filio, præditum, & vtriq; ὁμοούσιον esse. Deinde multa sunt testimonia, in quibus palàm DEI & Domini seu IEHO-VAE nomen Spiritui sancto tribuitur. 1. Corinth. 12. 6. 3. 2. Corinth. 3. Act. 5. 28. Esaiæ. 6. Postremò, propria solius diuinæ & omnipotentis naturæ opera & effectiones, vt creatio, regeneratio, viuificatio: item omniscientia, omnipresencia, Spiritui sancto in sacris literis ascribuntur. Iob. 33. Spiritus Dei fecit me. Iob. 26. Spiritus Dei ornavit cælos. Psal. 33. Verbo Domini (λόγῳ & πατρὶς) cæli firmati sunt, & spiritu oris eius (non creato, sed creante) omnes exercitus (omnes stellas) eorum. Et Ecclesia canit: Veni creator Spiritus, Imple superna gratia, qua tu creasti pectora.

*Quæ persona Diuinitatis assum sit
humanam naturam?*

Secun-

Secunda persona, videlicet Filius Dei, assumptam ex substantia virginis Mariæ humanam naturam personali vnione sibi copulauit, ita vt sit vna persona I E S V S C H R I S T V S Emanuel, noster mediator, redemptor, iustificator, & saluator.

Quid est incarnatio Filij Dei?

IN C A R N A T I O F I L I I D E I, est vnio personalis duarum naturarum, diuinæ de substantia æterni Patris ab æterno genitæ, & humanæ ex substantia Mariæ virginis assumptæ, facta mirando consilio diuinitatis, in Christo mediatore, vt sit Emanuel, æterno Deo Patri & nobis hominibus ἐμὸς υἱός, reconcilians nobis Deum, & sufficienti λύτρωσιν placata iustissima ira Dei aduersus peccatum, æternam iusticiam & vitam hominibus restituat.

Cur Filius Dei nominatur

Emanuel?

E M A N V E L, id est, N O B I S C V M D E V S, vocatur propter quatuor causas. Primum propter assumptionem no-

stræ naturæ, quia *θεάνθρωπος* seu DEVS
homo & frater noster, caro de carne no-
stra, & os ex ossibus nostris factus est,
Iohan. 1. Verbum caro factum est, & habitat in no-
bis, seu assumpta nostra natura, non tantum esse-
ctiue & separabiliter, sed *συναντικῶς*, ita, vt sit
vna persona.

Deinde, Quia PRO NOBIS apud
æternum Patrem intercedit & depreca-
tur, & precium redemptionis persoluit.
Rom. 8. Est ad dextram Patris, & interpellat pro
Nobis. Si Deus pro nobis quis contra nos. 1. Tim. 2.
Vnus mediator Dei & hominum homo Iesus Chri-
stus, qui dedit seipsum precium redemptionis pro o-
mnibus.

Terriò, Quia IN NOBIS fide cum
agnoscentibus habitat Filius DEI, &
corda nostra regit & sanctificat, & sibi
conformia reddit Galat. 2. Vuit in me Chri-
stus, Ephes. 3. Habitat Christus per fidem in cordi-
bus nostris.

Postremò, A PV D NOS in omnibus
periculis, doloribus & morte ipsa præ-
sens adest Emanuel noster, Deus & homo,
protegens & saluans nos, vt dixit: Ecce ego
vobiscum sum vsq; ad finem seculi. Psal. 46. Domi-
nus Zebaoth nobiscum, protector noster Deus Ia-
cob. Psal. 91. Cum ipso sum in tribulatione.

Quid

Quid est Mediator?

MEDIATOR, est Persona inter Deum irascentem Peccato, & genus humanum reum peccati & iræ Dei constituta, ut iusticia Dei satisfaciat, sustineat iram & pœnam pro peccato, deprecetur pro nobis, applicet sua merita, & inuocantium gemitus & preces exaudiat. Ebr. 9. Iohan. 17. 1. Tim. 2.

Cur necesse fuit in Christo Mediatore nostro duas naturas, diuinam & humanam inter se unitas esse?

Causa ab Athanasio in libro de incarnatione Verbi, & ab alijs recitantur. Hominem esse oportuit, quia homo peccauerat, à quo pœnam persolui ordo iusticie postulabat. Deinde, ut pati & mori pro homine posset, & per mortem aboleret mortis imperium. Ebr. 2. Item, ut φιλανθρωπίαν suam erga homines ostenderet assumptione humana natura, eamque horribiliter à Diabolo conuulsam & oppressam, assumptione sua & collocatione ad dextram Dei patris glorificaret.

Deinde oportuit esse Deum, ut λόγον seu precium pro peccato æquiualens, & meritum nouæ iusticie & vitæ sufficiens esset, ac molem iræ DEI

C 2

& pœ-

et pœnarum sustinere, & mortem ac diabolum vincere, & iusticiam ac vitam æternam restituere posset. Item, vt ingredi in Sanctum sanctorum, introspicere pectus Patris, & corda inuocantium, & vbiq; Ecclesiæ adesse, inuocantes exaudire, defendere, seruare, & sapientiam Dei ac Spiritum sanctum petentibus donare posset. Cumq; in prima creatione Filius Dei λόγος vitam & lucem, quæ fuit imago Dei, hominibus tribuisset: congruebat sapientiæ diuinæ, vt per idem verbum, quo condita est, imago Dei deprauata in nobis restauretur.

Quid est Christus?

CHRISTVS est summus sacerdos & rex Ecclesiæ: DEO æterno Patri & nobis hominibus ὁμοῖος: vnctus plenitudine Spiritus sancti, vt Euangelion ex sinu Patris prolatum hominibus patefaciat, per quod colligit sibi ex genere humano æternam Ecclesiam: & sua intercessionem merito ac efficacia remissionem peccatorum & salutem æternam impetrat ac donat Ecclesiæ, quam in hac vita verbo & Spiritu sancto regit, aduersus Diabolos ac tyrannos defendit, & tandem ex morte resuscitatam ornabit vita & gloria æterna.

Quod

*Quod est discrimen inter Christum
& Iohannem Baptistam ac
ceteros sanctos?*

Quatuor sunt præcipua discrimina.

Primum, Persona differunt. Habitat enim diuinitas in Christo, non, vt in cæteris sanctis hominibus, tantum effectiue & separabiliter; sed etiam tali ratione, vt Filius Dei, & natura humana assumpta, sint vna indissolubilis persona, sicut anima & corpus vnum hominem constituunt.

Secundò, Differunt officio. Solus enim Christus est redemptor & saluator, placans suo merito iram Dei, liberans nos à peccatis & morte, & restituens iusticiam & vitam æternam: Sancti non sunt redemptores, sed tantum ministri verbi, per quod Christus sua beneficia hominibus annunciat & impertit.

Tertiò, Efficacia. Nam Christus propria potentia efficax est per verbum illuminans mentes vera agnitione Dei, dans Spiritum sanctum, & viuificans corda noua & æterna iusticia & vita. Iohannes Baptista & cæteri sancti non sunt

C 3

effica

efficaces propria potentia, sed tantum ministri verbi & sacramentorum.

Quartò, Christus est ἀναπαύτης, expers omnis peccati & labis 2. Cor. 5. 1. Petr. 3. Sancti omnes sunt peccatores. 1. Iohan. 1. Psal. 32. & propter Christum à peccatis absoluntur.

*Quis est usus & praxis doctrinæ
de Deo, & de tribus perso-
nis Diuinitatis?*

Vt Deus rectè à nobis agnoscatur & inuocetur, seu, vt vera agnitio D E I, Timer iustissima ira Dei aduersus nostra peccata, Fides seu Fiducia misericordiæ propter Filium mediatorem promissa, ardens inuocatio Dei, qua petimus nos à Filio Dei doceri & seruari, & à spiritu Dei para- cletò regi & sanctificari, vera gratitudo pro sum- mis beneficijs Dei, ac in primis promisso Filio redē- tore & effuso in pectora nostra spiritu sanctifican- te, & totius vitæ obedientia et conformitas cum sa- pientiâ & iusticiâ, & cæteris virtutibus Dei, in no- bis excitetur, alatur & confirmetur: non vt ocio- sis speculationibus & argutijs ac questionibus pro- phanis, quæ ab hac vera & practica Dei noticia mentes abducunt, & tamen arcanam D E I natu- ram non explicant, inanem ingeniorum curiosita- tem alamus.

Præcipue

Præcipue autem in quotidiana Dei inuocatione hac doctrina de Deo, de tribus Personis diuinitatis, de beneficijs Filij Dei mediatoris, de spiritu Gratia & precum, de promissionibus, de fide proferranda, & Inuocatio nostra, ab Eibnica, Turcica, Pontificia & omnium alienarum gentium battologia segreganda est.

Quid est vera Inuocatio Dei?

VERA INVOCATIO DEI, est à vero Deo, Patre Domini nostri IESU CHRISTI, prælucente vera agnitione & fiducia Filij DEI mediatoris, petere bona spiritualia & corporalia, præsentia & æterna, iuxta ipsius promissiones, & certò statuere se Deo curæ esse, & à DEO tanquam Patre *φίλοςόζω* preces nostras, propter Filium Dei intercessorem exaudiri, & nobis salutaria tribui: ideoq; vicissim Deum omnibus grati animi & obedientiæ officijs celebrare.

Quæ sunt partes vera Inuocationis, quas in omnibus nostris ad Deum precibus piè & attentè considerare simul complecti, ac coniungere singuli debemus?

I. Compellatio veri Dei, Patris Domini nostri Iesu Christi, illustribus testimonijs in Ecclesia patefacti, ut scriptum est: *Domini Deum tuum adorabis, & illi soli servies. Non habebis Deos alienos coram me.*

II. Cogitatio mandatorum DEI, quæ invocationem precipiunt, & bona à Deo promissa peti & expectari seuerissimè iubent. *Matth. 7. Luca 18.*

III. Pœnitentia seu Confessio propriæ indignitatis & peccatorum, cuius in prece-
tione Davidis *Psal. 51.* & Danielis *cap. 9.* exemplum insigne habemus.

III. Consideratio promissionis de remissione peccatorum, & de exauditione precum propter Christum Mediatorem, *Psal. 50. Matth. 7. 11. 18.*

V. Fides certò statuens sibi remitti peccata, & se DEO placere, & suas preces exaudiri propter Christum, *Iacob. 1. Oret in fide nihil hesitans. Ephes. 3. Per fidem audemus accedere.*

VI. Commemoratio rerum petendarum, quæ ab ipso Christo in septem petitiones inclusa sunt. His gratiarum actionem pro beneficijs Dei spiritualibus & corporalibus annexamus.

Quod est discrimen veræ & falsæ invocationis?

Discrimen

Discrimina illustra sumi possunt à causis efficiantibus, impulsivis, obiectis, & adiacentibus, sed usitate recensentur hæc duo :

Prius sumtum ab Essentia Dei.

Posteriorius à voluntate Dei.

Ethnici, Turci, Iudæi, etiam si iactarent, se inuocare Deum conditorem cœli ac terræ : tamen à vero Deo aberrant, & sibi ipsis idolum sculpunt, quod compellant. Unicus enim est, & solus conditor cœli ac terræ, qui est æternus Pater, Filius, & Spiritus sanctus, quem ipsi vel prorsus ignorant, vel contumelia afficiunt. Iohan. 5. Qui non honorat Filium, non honorat Patrem. Deinde de voluntate Dei sunt incerti, quia promissionem Euangelij & Filium Mediatorem adspernantur.

Vera autem inuocatio ad hunc unum DEVM, Patrem Domini nostri IESV Christi, patefactum missio Filio & dato Euangelio, directæ est : Deinde certò statuit, se recipi & exaudiri propter Christum mediatorem.

Hactenus de Deo creatore rectè agnoscendo & inuocando : Nunc de Creaturis ad imaginem Dei, ut Deum agnoscant & celebrent, conditis dicemus.

SECUNDVS LOCVS.

DE CREATIONE MVN-
DI ANGELORVM ET
Hominum.

Quid est Creatio?

Creatio est actio externa DE I, qua
Deus volens, immensa bonitate, om-
nes res alias, visibiles & inuisibiles, ex ni-
hilo fabricauit, consilio suo, vt æternam
Ecclesiam sibi cōderet, à qua agnoscat
& celebretur, & in qua in æternū habitet.

Creatio cuius personæ opus est?

Omniū trium personarum diuini-
tatis, æterni Patris, Filij, & Spiritus sancti,
quæ simul omnes res alias condiderunt
& conseruant, vt dicitur Psal. 33. Verbo Domi-
ni cæli firmati sunt, & Spiritu oris eius omnis exer-
citus eorum. De Filio dicitur Iohan. 1. Omnia per
ipsum facta sunt.

Condita sunt autem omnia mundi corpora,
nō eodem temporis momento, sed ordine, distinctis
sex diebus. Genes. 1. 2.

Prima die Materia cæli & terra rudis ac in-
digesta, & Lux.

- II. Cælum seu Orbes cælestes.
- III. Terra & Planta.
- IIII. Sol, Luna & cætera stella.
- V. Aues & Pisces.
- VI. Terrestria animantia & Homo.

Cur conditus est à Deo mundus?

Vniuersum hoc theatrum naturæ rerum ideò conditum est à Deo, & miranda arte & sapientia distributum, & ornatum, vt Deum opificem nobis monstret, & vtilitatibus hominum seruiat, & schola sit sapientiæ, bonitatis, præsentia, & omnipotentia Dei, qui ab Angelis & hominibus à se conditis, vult agnosci & celebrari: ijsq; vicissim seipsum & omnia sua bona impertire. Rom. 1. Ephes. 3.

Quid est Prouidentia Dei?

Prouidentia est actio mentis diuinæ, quæ omnia cernit, & cunctos euentus futuros prospicit, deinde gubernatio Dei, qua naturam vniuersam, à se conditam, sustentat & conseruat, & præcipue curat genus humanum, custodit ciuilem societatem, punit atrociora scelera atrocibus pœnis, & tandem iustos præmijs ornat.

Pars Prouidentia, determinatio diuina, qua DEVS, omnia cernens, cunctos etiam futuros euentus, siue bonos siue malos, prospicit:
& bo-

& bonos adiuuat, malos autem permittit, & terminos ac metas constituit, quousq; sit permissurus.

Hactenus de Deo creatore: nunc de Creaturis, ex quibus aeternam Ecclesiam Deus elegit, dicemus.

Sunt autem creaturae Rationales, aliae Incorporae & inuisibiles, vt Angeli & Animae hominum: aliae Corporales & visibiles, vt Homines.

Quid sunt Angeli?

ANGELI BONI sunt essentiae spirituales, creatae à Deo ad imaginem ipsius, hoc est, intelligentes, veraces, iustae & liberae, quae non sunt pars alterius speciei, vt animae hominum: & sunt immortales, ordinati à Deo, vt ipsum celebrent, & sint ministri Ecclesiae, & custodes piorum, Ebr. 1. Psal. 34. 103. 104.

Quid sunt Diaboli?

DIABOLI sunt essentiae spirituales, initio creatae ad imaginem Dei, hoc est, intelligentes, veraces, iustae & liberae, sed libera voluntate à Deo deficientes, facti sunt hostes Dei, & genus humanum à Deo auulsum in peccatum & mortem praecipitarunt, & ad omnis generis peccata & calamitates quotidie impellunt. Quam Tyrannidem mirando consilio permittit Deus, & reprimit, vsq; ad extremum iudicium, in quo Diabolos omnes, una

vnà cum hominibus impijs, in aternos cruciatus abijciet, Iob. 8. 1. Petr. 5. 1. Petr. 2. 1.

Quid est Homo?

Homo est substantia creata à Deo habens corpus & animam rationalem, conditam ad imaginem Dei, vt Deum agnoscat & celebret.

Quid est Anima?

Anima Hominis est essentia spiritalis, creata à Deo ad imaginem ipsius, hoc est, intelligēs, libera, & iusta, quæ est pars hominis: nec extinguitur, cùm à corpore discessit, sed est immortalis.

Quæ sunt precipuæ vires Animæ in homine?

Quinq;: Rationalis, sentiens, appetens, locomotiuæ, & vegetans.

Quæ sunt partes animæ Rationalis?

Duæ: MENS & VOLUNTAS, cum qua in serijs moribus copulati sunt AFFECTVS cordis.

Quid est Mens?

MENS seu INTELLECTVS est potentia Animæ rationalis cognoscens, illustrata incre-

in creatione radijs sapientia & lucis diuinae, qua Deum & Legem Dei discernentem recta & praua, qua vita rectorix est, & numeros ordinem, & uoluntas, qua sunt principia & norma artium, & omnes res ceteras singulares & vniuersales vicumq; cognoscit, meminit, & alia ex alijs ratiocinatur, & rectè ac secus coherentia cernit & iudicat. Quae potentia eam ob causam praecipuè condita est in homine, ut Deum conditorem, & testimonia de Dei sapientia & bonitate totius rerum vniuersitati impressa, cognoscat, & alijs cognoscenda demonstraret.

Quid est Voluntas?

VOLUNTAS, est potentia Animae rationalis motiua, ut in scholis loquuntur, seu appetens suprema, qua Homo obiectum ab intellectu monstratum, velle & expetere, vel auersari & rejicere potest vel suspendere actionem, & imperare externis membris, ut aliquid faciant aut omittant. Ided autem sic conata est voluntas, ut ante omnia Deum & veritatem expetat & amet, & in Deo laetetur & acquiescat.

Quid est Affectus?

AFFECTVS, sunt varia species & formae actionum voluntatis cum aliquo dolore aut laetitia coniunctae: seu Affectus sunt motus voluntatis.

luntatis aut cordis, sequentes cognitionem, quibus obiectum, à mente vel sensu monstratum, prosequimur aut fugimus.

Quid est Imago Dei?

Imago Dei, ad quam homo conditus est, erat similitudo & conformitas præcipuarum virtutum hominis, cum Archetypo, seu ipso Deo, videlicet: Mens, illustrata luce veræ noticiæ Dei, & sapientia, discernente recta & prava: & voluntas, liberrimo arbitrio expetens & probans recta & iusta, ardens dilectione D E I, & vera obedientia erga D E V M: & correctum, omnes affectus & motus habens, conformes Legi Dei, Genes. 1.

Coloss. 3. Induite novum hominem, qui renouatur in agnitionem Dei, secundum imaginem eius qui creavit eum.

Ephes. 4. Induite novum hominem, qui secundum Deum creatus est in iusticia, & sanctitate vera.

2. Corinth. 3. Nos verò omnes, releuati a facie gloriam Domini specularantes, in eandem imaginem transformamur, à claritate in claritatem, tanquam à Domini spirita.

Quid est liberum arbitrium?

LIBERVM ARBITRIVM in genere significat, & iudicium Mentis discernens bona & mala, & facultatem Voluntatis, qua sponte eligit aut facit, vel auersatur & negligit ea, quae mens decernit.

*Quid fuit liberum Arbitrium in
Homine ante lapsum?*

Fuit facultas mentis & voluntatis, qua poterant Angeli & Homines essentiam & voluntatem Dei conditoris sine vlla caligine & errore agnoscere, & iustitiam ac sanctitatem veram, in qua conditi erant, iuvante Deo, retinere, & sponte ac serio Deo perfecte obedire, vel ab eo deficere & peccare.

*Quid est liberum Arbitrium in
Homine post lapsum?*

Est facultas, qua mens hominis bona & mala civilia, seu honesta & turpia, item artes mechanicas & liberales, & alias res humanae rationis iudicio subiectas aliquo modo intelligere, discere ac iudicare, & voluntas sine coactione easdem eligere aut expetere, & vel auersari & fugere potest, vel suspendere electionem, & imperare externis membris, ut suscipiant actiones cum iudicio mentis congruentes vel non congruentes.

Sed in rebus spiritualibus, ut in primo motu conuersionis ad Deum, seu regenerationis sui ipsius, & prima scintilla fidei in Christum accendenda,

Liberum

Liberum vel potius seruum & peccato captiuum et mortuum hominis arbitrium est naturalis impotentia, seu defectus & prauitas mentis & voluntatis, secuta lapsum Adæ, & nobiscum nascens: qua mens cæca et tenebris peccati oppressa, nec essentiam nec voluntatem Dei rectè agnoscere, nec viam æternæ salutis suæ acie cernere potest: & voluntas ac appetitiones cordis auersæ & aduersæ Deo, nec seipsas proprijs viribus ad Deum conuertere, & in Christum credere, & cultus Deo placentes præstare nec quicquam aliud quàm peccare possunt, nisi per gratiam Christi fuerint liberatæ.

Liberum arbitrium in renatis ex aqua & spiritu, est facultas, qua mens & voluntas per filium Dei à seruitute peccati liberata, & adiuta per Spiritum sanctum, suo etiam conatu & diligentia non modò externos mores honestè regere, & externa scelera vitare, verùm etiam interiores & spirituales animi motus, vt veram agnitionem Dei, inuocationem, patientiam, &c. exuscitare, fovere & augere, & vitiosis inclinationibus resistere vel indulgere, & rursus à D E O deficere potest.

Cùm autem dixerimus, Hominem ad imaginem Dei creatum esse, & quæ fuerit conformitas naturæ hominis cum L E G E Dei: nunc doctrina de L E G E Dei, ad quam congruere nostras mentes, voluntates & corda oportebat, statim addenda est.

TERTIVS
LOCVS.

D E L E G E D E I.

Quid est Lex Dei?

LEX DEI sunt decem Præcepta: vel
Lex DEI est doctrina, quam DEVS
in creatione hominibus indidit, & postea
in monte Sina & alibi repetiuit, præcipi-
ens quales nos esse, quæ facere, quæ o-
mittere oporteat, Et promittens bona
præstantibus perfectam obedientiam,
ostendens ac arguens peccatum in hac
corrupta natura, & denunciāns iram
DEI & æternas pœnas omnibus pecca-
to pollutis.

*Alia et illustrior Legis Definitio
proximis annis à Philippo
tradita est?*

LEX DEI, est æterna & immota sa-
pientia & regula iusticiæ in Deo, discer-
nens recta & non recta, & horribiliter
irascens omni dissimilitudini & cõtuma-
ciæ, quæ repugnat huic normæ in ipso,
& est

& est patefacta hominib. in creatione, & postea saepe repetita est & declarata voce diuina. vt sciamus, quòd sit Deus, & qualis sit, obligans omnes creaturas rationales, & postulans, vt omnes sint conformes Deo, & dampnans ac destruens omnes non conformes Deo, nisi fiat remissio & reconciliatio propter Filiū mediatorem.

Quod sunt partes Legis Mosaiæ?

Tres.

1. Decalogus seu Lex moralis & æterna, quæ iam definita est.
2. Leges Ceremoniales seu Ecclesiasticæ.
3. Forenses seu Indiciales.

Recita causas Legis moralis?

Causa efficiens, est immediatè ipse

DEVS, qui hanc normam suæ sapientiæ & iustitiæ omnium hominum mentibus in prima creatione iniecit, & postea voce sua, in monte Sina & alibi, illustrauit.

Materia in qua, est primū ipsa mens Dei, in qua perfectè lucet hæc sapientiæ & iustitiæ, in lege expressa, cuius radij in mentes humanas postea derivati sunt.

Materia circa quam, est conformitas ac obedientia, & dissimilitudo seu contumacia totius

natura rationalis, quæ cum hac norma mentis diuinæ, in lege expressa, perfecte congruere debebat.

Forma est æterna & immota norma iustitiæ in Deo, obligans omnes vel ad obedientiam perfectam, vel ad æternas pœnas.

Fines sunt ?

Primus, vt doceat, quòd sit Deus & qualis sit.

Secundus, vt hominum natura cum hac norma congruat.

Tertius, vt monstret, accuset, & æternis pœnis damnet omne peccatum, non congruens cum hac norma.

Quid est Lex naturæ ?

Lex naturæ propriissimè est notitiæ Legis diuinæ, insita à Deo naturæ humanæ, vt Rom. 2. dicitur: *Opus Legis scriptum in cordibus eorum.* Et summa legis naturæ in Decalogo comprehensa est.

Quid est Lexpositiua seu humana ?

Leges Politicæ seu positivæ sunt sententiæ seu leges probabili ratione à magistratibus latæ, vt sint adminicula legis naturæ, videlicet determinantes circumstantias

stantias aliquas, in executione iuris naturæ, vel sancientes aliquid de occasione feruandi ius naturæ, non pugnantes cum iure naturali aut diuino.

Quod est discrimen inter Legem Dei, & Leges humanas?

Discrimina maximè illustria sunt hæc quatuor.

1. Leges humanæ seu positivæ Magistratum sunt mutabiles, & obligant tantum certos homines, quibus latæ sunt, vel ad externam obedientiam præstandam, vel ad pœnas corporales sustinendas.

2. Sed Lex Dei est æterna & immutabilis, & obligat omnes Angelos & homines, vel ad perfectam obedientiam, vel ad pœnas æternas sustinendas.

Cur Ceremonia & Leges Forenses Moysi nunc abrogatæ sunt, cum tamen Decalegus perpetuò retineatur?

Tota Politia Moysi propter hanc causam præcipuè à Deo constituta est, ut esset certa sedes Ecclesie, & certus locus, in quo Christus, iuxta promissiones, exhiberetur: seu, ut esset hospitium na-

scientis, & Schola docentis Christi. Et Ceremonia
ac Forenses Leges ideo latae sunt, vt continerent
hanc politiam, & à ceteris gentibus distinguerent,
vsq; ad tempus exhiberi Christi. Postquam autem
exhibitus est Christus, tota politia concidit, & vna
cum politia etiam Ceremoniales & Leges forenses,
quae tantum propter ipsam politiam instituta fue-
runt, extinctae sunt.

Sed Lex moralis, seu Decalogus est aeterna &
immutabilis norma sapientiae & iusticiae in ipso
Deo, obligans omnes creaturas rationales vel ad
obedientiam vel ad poenam. Ideo nequaquam abo-
lita est, exhibito Christo, vt Matth. 5. dicitur: Non
veni solvere Legem, sed implere.

Implet autem Christus Legem qua-
tuor modis:

Primùm. Habendo & præstando per-
fectam obedientiam pro sua persona.

Secundò. Per soluendo poenam suffi-
cientem, quam nos nostra inobedientia
meriti eramus.

Tertiò. Docendo & illustrando ve-
rum & genuinum intell. etum Legis.

Quartò. Efficiendo in credentibus
nouam obedientiam cum lege congruen-
tem, per Spiritum sanctum.

Cum

Cum Lex Moralis sit aeterna &
^{utrum dicitur}
immutabilis, quomodo intelligen-
^{et catholici}
da sunt haec dicta 1. Timoth. 1.

Iustinon est Lex posita. Ro-
man. 6. Non estis
sub Lege?

^{Qui quarelibet, qui non est}
Iustificati fide in Filium Dei liberati
^{non sunt sub lege, sed}
sunt etiam a Lege morali, quod ad male-
^{et non sunt sub lege, sed}
ditionem, seu obligationem ad aeternas
pœnas attinet, sed tamen manet aeterna
& immota obligatio ad obedientiam. Ideo
enim Christus maledictionem Legis in se deriuauit,
ut in natura humana obedientiam seu conformita-
tem cum Lege Dei instauraret.

Hinc intelligi potest.

Quid sit Libertas Chri-
stiana?

Non licentia faciendi quidquid libet,
sed liberatio à peccato, ab ira Dei, à ma-
ledictione Legis, à ceremonijs & legibus
^{utrum dicitur}
forensibus Moysi, & à ritibus adiaphoris
extra casum scandali. Ioban. 8. Rom. 6. 7. 8.
Ephes. 2. Galat. 2. 4. 5.

*Quæ sunt præcipua sententiæ Legis
Moralis? Seu, Quot sunt præ-
cepta Decalogi?*

Decem. Recita.

P R I M V M
P R Æ C E P T V M.

*Ego sum Dominus Deus tuus,
qui eduxi te de terra Aegypti. Non
habebis Deos alienos coram me,
et c.*

*Quæ sunt virtutes seu bona opera
primi præcepti, iuxta declara-
tionem Evangelij?*

Omnes virtutes oriuntur à cognitione seu à
Noticia gubernatrice, quia ignoti nulla cupido.
Ideo & primum præceptum ab agnitione Dei ordi-
tur: Ego sum Dominus Deus tuus: & discernit
Deum certo verbo & testimonijs miraculorum in
educatione ex Aegypto patens factum, ab omnibus cre-
aturis

atavis & commenticijs numinibus. Est autem hac cognitio vel essentia diuina, vel voluntatis patefacta aut in lege, & comminationibus, aut in promissionibus & Euangelio. Cum Legem Dei & comminationes cognoscimus & vera assensione amplectimur, oritur Timor Dei. Cum autem promissionem gratiae & amoris Dei in Christo amplectimur, oritur Fides seu Fiducia acquiescens in Deo, & uiuificans corda, & pariens dilectionem erga Deum, & erga proximum. Ex hoc fonte sumta est distributio Virtutum primi praecepti, quas his duobus uocabulis, Timoris Dei & Fidei, Philippus in Locis complectitur.

Vsitatum est autem, una voce Pietatis seu Religionis, omnes totius primae tabulae virtutes comprehendendi, sed ut illustrior sit explicatio, prodest eas euolui, & in plures species distribui, quarum singula appellationes, saepe plures alias per Synecdochen includunt. Recitabimus igitur sine superstitione octo genera operum primi Praecepti. Ac studiosos hortor, ut sequentes Virtutum definitiones ediscant, & velut normas & Regulas omnium consiliorum & actionum in omni uita sibi proponant.

Omniū primae Tabulae virtutum commune genus est.

PIETAS ERGA DE-

V M S E V.

D 5

RELI-

*Huius partes sunt Virtutes, quæ ad
primam Decalogi Legem
pertinent :*

- I. Vera noticia Dei, seu Sapientia.
- II. Timor Dei, seu Pœnitentia.
- III. Fides.
- IIII. Dilectio.
- V. Spes.
- VI. Humilitas.
- VII. Patientia.
- VIII. Perseuerantia.

PIETAS ERGA DEVM seu
RELIGIO, est verum Deum, patefa-
ctum in creatione mundi & Verbo Ec-
clesiæ tradito, rectè agnoscere fiducia
Christi mediatoris inuocare & colere,
sicut in verbo suo præcepit.

SAPIENTIA in sacris literis idem
est quod Pietas, videlicet, vera agnitio
DEI & redemptoris nostri Iesu Christi,
coniuncta cum vero timore Dei, & fide,
ac totius vitæ obedientia, iuxta verbum
diuinitus traditum.

VERA noticia DEI, est essentiam
& voluntatem Dei in Lege & Euangelio
patefactam, rectè agnoscere, iuxta ver-
bum

bum per Prophetas & Apostolos traditum, & certis ac illustribus testimonijs miraculorum, vt educatione populi Israël ex Ægypto, resuscitatione mortuorum & similibus, confirmatum.

Peccata pugnancia sunt, Caligo & cæcitas mentis ignorantis Deum, omnes falsa opiniones de essentia & voluntate Dei, non congruentes cum verbo per Prophetas & Apostolos tradito, videlicet Ethnica, Philosophica, Turcica, Iudæica, omnes haereses, corruptelæ Euangelij, blasphemia.

TIMOR DEI, est expauescere conspectu iræ Dei aduersus peccatum, & filiali metu iræ ac iudicij diuini vitare delicta, & se reuerenter Deo subijcere, & voluntate ac verbo Dei omnia consilia & omnes actiones, in vita spirituali & civili gubernare.

Extrema sunt, Securitas, seu esse sine cura, sine timore iræ Dei & iudicij diuini: & Superstitio trepidans timore, vbi non est timor. Hoc autem nobis præstet Dei timor, vt omnes alios timores contemnamus.

FIDES, est noticia omnium articulorum doctrinæ Christianæ, & assensus, quo amplectimur totam doctrinam à Deo nobis traditam, & in hac Promissionem gratuitæ reconciliationis, certò donandæ propter Christum Mediatorem

rem, & est fiducia acquiescens in misericordia Dei propter Filium mediatorem promissa, & certò statuens, sibi ipsi peccata remitti propter Christum.

Peccata pugnantià cum fide sunt:

Dubitationes Epicurea & Academica, de Deo, de Providentia, de certitudine doctrinae per Christum & Apostolos tradita.

Diffidentia erga Deum.

Dubitare de remissione peccatorum, an simus in Gratia Dei, an Deo placeamus.

Desperatio.

Confidentia seu praesumptio.

Fiducia humanorum auxiliorum.

Superstitio.

Magia.

DILECTIO DEI est ardens incendium amoris, quo mens & voluntas, agnita Dilectione DEI erga nos, quam misso Filio declaravit, vicissim DEVM complectitur, & sese DEO subijcit & servat omnia mandata Dei cum quadam læticia acquiescente in Deo: vel Dilectio est obedientia vniuersalis iuxta totam Legem, ut dicitur, Rom. 13. Dilectio est impletio legis.

Peccata pugnantià sunt omnes prava inclinationes, Odium Dei, Stupor nostrorum pectorum non sentiens

sentiens ardentem flammam dilectionis, denique omnium ceterarum virtutum extrema.

S P E S est certa expectatio vitae aeternae, iuxta promissionem in Evangelio expressam, & expectatio mitigationis calamitatum in hac vita, iuxta consilium **DEI**.

Extrema Fidei & Spei sunt, Desperatio & Praesumptio.

HUMILITAS seu *ὑποταγή* est virtus, qua in timore **DEI** agnoscens propriam infirmitatem, non superbumus, sed vero corde nos Deo, & in officiis nostrae vocationis, fiducia auxilij diuini obcundis, & praestanda in poenis & arumnis obedientia, & exhibendo alijs honore debito, subiicimus.

Extrema sunt, ficta seu simulata humilitas, & SUPERBIA, quae est sine timore Dei, & sine agnitione infirmitatis propriae sese admirari & magnificare, propter certas dotes, & propria sapientia aut viribus confidere, & alios despiciere, & cum accidunt aduersa, irasci Deo tanquam iniuste punienti.

PATIENTIA est virtus, quae in doloribus & arumnis, moderatè & placidè ferendis, reuerenter se voluntati Dei subiicit, nec inconcessa auxilia quaerit, sed si

sed fide statuit Deum sibi propitium esse, & petit & expectat auxilium Dei, mitigationem ac liberationem, & hac fide & spe dolorem lenit, & pacem ac læticiam in corde sentit.

Partes Christianæ patientiæ sunt Timor Dei ac Fides.

Extrema sunt Impatientia, & Hypocritica tolerantia cruciatuum spontè accersitorum, ut in flagelliservis, eremitis, & similibus.

PERSEVERANTIA, est in vera agnitione Dei, & fide in Christum, constanter & perpetuò usq; ad extremum vitæ spiritum permanere.

Extrema sunt, Defectio à Fide & Pertinacia in opinionibus impijs, aut superstitiosis cultibus.

Extrema communia, seu peccata pugnantia cum tota prima tabula sunt:

Epicureus, ac Cyclopicus contentus
D E I.

IDOLATRIA, est vel fingere, aliquid esse Deum, quod non est Deus: vel honorē Deo propriè debitum tribuere cuicunq; rei, quæ non est Deus: vel alligare D E V M ad aliquam rem, ad quam se ipse non alligavit suo verbo: vel eligere & instituere cultus sine verbo ac mandato Dei,

to Dei, & confidere his cultibus, quòd propter eos Deus nobis propitius sit & benefaciat.

Sunt enim Dij alieni non tantùm ficta Ethniconum numina, & Statuae ac Imagines, quae coluntur, sed in genere omnia, quae plus amamus & timeamus, quàm Deum, & quibus confidimus magis quàm Deo.

HYPOCRISIS, est simulatio pietatis, iusticiæ & sanctitatis externæ, cum tamen cor sit sine vero Timore Dei, & sine Fide, plenum dubitationibus, pravis inclinationibus & affectibus, superbia, admiratione sui, &c.

SCANDALVM, est aut falsa doctrina, aut malum exemplum, quod gloriæ Dei & salutis aliorum hominum nocet, vel quia seducit alios, vel quia deferret alios ab Euangelio, vel quia præbet occasionem maledicendi Euangelio & Ecclesiæ, vel quia alios ad imitationem inuitat, vel quia ferit alia plura peccata.

SECUNDVM

PRÆCEPTVM.

*Non assumes nomen Domini
Dei tui in uanum.*

*Virtutes seu bona opera secundi
præcepti, in quibus consistit
verus usus nominis
diuini.*

- I. Vera inuocatio Dei.
- II. Gratiarum actio.
- III. Vera prædicatio.
- IIII. Confessio.
- V. Iururandum.

Vera Inuocatio DE I, est vero motu
cordis & linguæ, à vero DE O, patefactio
in promissione Euangelij & misso filio
petere & expectare bona æterna & cor-
poralia, & repugnantem dubitationi cer-
tò statuere, à Deo recipi, & exaudiri pre-
ces, iuxta ipsius promissiones, propter
Christum mediatorem.

*Extrema sunt, Omissio inuocationis frigida &
oscitans precatio, qualis est omnium nostrum, & o-*
mnes

Omnes falsa inuocationes, Ethnica, Turcica, Papistica inuocatio hominum mortuorum.

GRATIARVM ACTIO, est mente & voce confiteri, quod bona spiritualia & corporalia non casu offerantur, nec nostra sapientia & viribus tantum parentur & conseruentur, sed quod Deus verè omnium beneficiorum autor sit, & propterea vero corde se ei subijcere & obedire, vt Deus gloria ornetur, & plures ad veram agnitionem & inuocationem Dei inuitentur.

Extrema sunt, Ingratitudo, & simulata gratitudo, qualis est Pharisei, Lucae. 18.

VERA PRAEDICATIO, est doctrinam à Deo traditam, Legem & Euangelion, vel in publico ministerio, vel alibi pro suo loco & vocatione, rectè & pure docere, & corruptelas dextrè refutare.

Extrema sunt. Corruptela doctrinae, Haereses, Negligentia in docendo, Curiositas in tractandis materijs non necessarijs.

CONFESSIO, est veram de Deo doctrinam constanter profiteri, nec abijcere eam propter terrores, odia, supplicia, vel gratiam potentum, propter hunc

E

finc E

finem, vt Deo obtemperetur, vt ne vera Dei noticia in terris extinguatur.

*Extrema sunt : Defectio ab Euangelio, & Per-
tinacia in causis impijs.*

I V S I V R A N D V M, est inuocatio veri Dei, qua petitur, vt sit testis, nos vera dicere, & seuerè puniat mentientes.

*Extrema sunt : Periuria, & superstitiosa ob-
seruatio impiorum iuramentorum.*

T E R T I V M

P R Æ C E P T V M.

*Memento vt diem Sabbati
sanctifices.*

Quid significat vox Sabbati?

S A B B A T V M, Ebræis quietem, seu scholam & ocium ad studia doctrinæ de Deo, significat : Cui septima hebdomadæ dies à Deo ipso in prima creatione destinata fuit.

Cur lata est lex de Sabbato?

Septem causæ sunt.

I. Veluit Deus diem Sabbati singulis hebdomadis esse monumentum doctrinæ de creatione mundi, sex distinctis diebus perfecta, à qua die septima Deus requieuit

requieuit (Gen. 1. 2.) nec post hominem formatum, alios mundos, nec alias novas animantium species condidit, ut Hominem esse extremum & summum opus, in quo Sabbatum agere & acquiescere velit, Deus demonstraret.

Cum autem in Scholis perpetuum Sabbatum seu otium studijs doctrina de Deo destinatum agamus, praecipua etiam nostra cura sit, ut Sabbatum creationis rite celebremus, & Testimonia de Deo, in toto hoc pulcherrima natura rerum à Deo creata theatro nobis proposita, attentè contemplemur, & doctrinam de coelo, stellis, elementis, plantis, animantibus, & humana anima & corporis natura, studiosè discamus.

II. Ut commonesceret de Sabbato anima spiritali, quo à nostris operibus & cupiditatibus viciosis quiescentes, à Deo nos doceri & agi petamus & patriamur: ac praecipuè in schola sancta crucis, quietis & placidis animis Deum pro sua voluntate paterna nobiscum agere sinamus.

III. Ut perpetuam & aeternam quietem, omni labore & dolore vacantem, & perpetuò celebrantem Deum significaret. Ebr. 3. 4. Esa. 66.

IIII. Ut nos de sabbato redemptionis seu quiete Filij Dei in passione & sepulchro, qua nobis honorem aeterni sabbati in lapsu amissum restituit, admoneret.

V. Oeconomica est, ut homines & iumenta,
E 2 prae-

præteritorum dierum laboribus defatigata & fessa septimi diei ocio & quiete recrearentur, Deut. 5.

VI. Ut monumentum esset liberationis ex servitute Aegyptiaca, & Gratiarum actionis Deo præstandæ pro quiete à laboribus, quos in Aegypto graviss. ac pene intolerabiles sustinuerant, Deut. 5.

VII. Et præcipue in tertio præcepto consideranda, ut singulis hebdomadis septima die homines ad discendam & propagandam Legem Dei, & promissiones de Christo, & ad communem precationem & gratiarum actionem & laudes divinas convenirent. Id enim est sabbatum sanctificare.

Quæ sunt igitur bona opera in tertio præcepto mandata?

Sex sunt:

- I** **SANCTIFICATIO** Sabbati seu conservatio ministerij.
- II.** Fidelitas ministrorum seu docentium.
- III.** Diligentia auditorum.
- IIII.** Reuerentia & obedientia erga ministros.
- V.** Liberalitas, benignè contribuens ad conservationem ministerij.
- VI.** Pia observatio Ceremoniarum in Ecclesia.

SANCTIFICATIO SABBATI est
præ-

prælucente vero timore Dei & fide, diem ministerio docendi & administrandi ceremonias, diuinitus institutas, destinatum, non prophanis, sed sanctis operibus, hoc est, docendæ & discendæ veræ de Deo doctrinæ, publicæ precationi, gratiarum actioni, vsui Sacramentorum, &c. tribuere: nec in otium prorsus iners & ignauum, nec in corporis labores, aliosue prophanos vsus à ministerio abducentes collocare.

Huic cognata virtus est CONSERVATIO MINISTERII EVANGELICI, quod est officium prædicandi in publico Ecclesiæ cœtu verbum Dei, & legitimè administrandi Sacramenta, institutum à Deo, vt per illud veram sui agnitionem, fidem, inuocationem, & cæteras virtutes ipsi placentes accendat, & omnia beneficia Christi ac æternam salutem Euangelio credentibus impertiat.

Peccatum pugnans cum tertio præcepto est Prophanatio Sabbati vel per neglectiorem & contemtionem ministerij, vel superstitionem obseruationem sabbati Iudaicam, aut transformationem ministerij in regnum mundanum.

FIDELITAS Docentium est virtus, qua ministri Ecclesiæ, conscij sibi medicis peritiæ doctrinæ Christianæ, officia fidi dispensatoris mysteriorum Dei omnia,

in docendo, arguendo, consolando, exhortando, & veræ pietatis ac omnium virtutum exemplo auditoribus præluendo, diligenter & sedulo obeunt & constanter tuentur.

Extrema sunt: Infidelitas vel ignara doctrina, vel negligentia in officio, & nimia anxietate seu cogitatione propriæ imbecillitatis deserere ministerium.

DILIGENTIA Auditorum in audienda & discenda doctrina, & crebro usu sacramentorum, & obedientia debita ministerio præstanda.

Extrema communia sunt, Negligentia & Contemptus doctrina & sacramentorum, & superstitio.

REVERENTIA & OBEDIENTIA erga Ministros, in his quæ ad ministerium pertinent, videlicet cum proponunt præcepta Dei, annunciant consolationem Evangelij, adhortantur ad bona opera, excommunicant contumaces. *Lac. 10. Qui vos audit, me audit. Ebre. 13. Obedite præpositis vestris & obtemperate. Ipsi enim vigilent pro animabus vestris, ut cum gaudio & non gementes officium suum faciant.*

Extrema sunt, contemptus & contumacia adversus ministros, & simulatio arte premens ministerium,

sterium, & impia obedientia in corruptelis doctrina aut traditionibus impijs.

C O N T R I B V T I O ad conseruationem ministerij Euangelici, & alendos docentes in Templis & Scholis: sicut Israelita quotannis viritum didrachmon, & primitias, decimas primogenita, partes victimarum, &c, ministris Ecclesiae sustentandis conferebant, & in nouo testamento Dominus ordinauit, vt qui Euangelion annunciant, ex Euangelio uiuant.

Extrema sunt, nihil conferre sed potius rapere bona ministris Ecclesiae ab alijs attributa, vt multi principes, nobiles, & rustici Euangelici faciunt: aut profundere opes in Epicurea aut Idolatrica collegia Canoniorum vel monachorum.

P I A O B S E R V A T I O C E R E M O N I A R V M, quae institutae sunt, vt per eas innotescat alijs doctrina de Deo, & sint signa Ecclesiae, & nerui publicorum congressuum, vt omnia in ijs decenter & ordine gerantur.

Extrema sunt, Impietas contemnens omnes ceremonias publicas: & superstitiosa observatio impiorum rituum.

Quid de Ceremonijs in Ecclesia sentiendum est?

C E R E M O N I A E in genere sunt
E 4 gestus

gestus seu actiones externæ incurrentes in oculos vel alios sensus externos, ordinatæ ad certos fines.

Sunt quæ aliæ Diuinæ, seu à Deo mandatæ, vel in veteri Testamento, *ut circumcisio & sacrificia Mosaica*, quæ fuerunt signa promissionis & Typi beneficiorum Christi & nota veræ Ecclesiæ, & vincula ac nerui publici ministerij: vel in nouo Testamento, *ut Baptismus & Cæna Domini*, quorum fines *infra* recitabimus.

Aliæ ab hominibus in Ecclesia Dei institutæ, quas Paulus traditiones humanas nominat, quæ vel palam pugnant & prohibita sunt verbo Dei, *ut inuocationes & cultus statuarum & hominum mortuorum, Missæ pro defunctis, Indulgentiæ, &c.* vel sunt A D I A P H O R A E, quas Deus in specie nec præcepit nec prohibuit, & quas suâ naturâ liberum est seruare aut nō seruare: Harum aliæ sunt vtilis ad bonum ordinem & disciplinam seu pædagogiam rudiorum, & ad tranquillitatem & dignitatem publicorum congressum ornandam: *ut ordinatio temporum, locorum, lectionum, precum, Canticorum in publicis congressibus, Catechesis seu examen rudiorum, ritus publicæ Ordinationis cum impositione mandati, ritus copulationis sponsi & sponsæ, deductiones funerū cum pijs canticis, &c.* Aliæ sunt ludicræ vel etiam palam *superstitiosæ*, *ut* ridiculæ gesticulationes sacrificulorum in sacris, process-

Umgehung mit dem Bild
 processiones cum statuis, circumductio asini in die
 palmarum; Depositiō crucis in sepulchrum & ex-
 cubia, vestitus & rasura Monachorum, &c.

Hos ritus eisi propter infirmos & dociles ali-
 quantisper vnā seruare licet, ne subita aut intem-
 pestua abrogatione veterum rituum, quibus assue-
 uerunt, ab Euangelio deterreantur (Rom. 14.) ta-
 men nec his ludicris, nec ritibus reuera adiaphoris
Sanctum primum factum
 assuenda est opinio, quod sint iusticia coram Deo,
 aut cultus Dei per sese, aut necessarij ad salutem,
 aut opera meliora quā ea, quae Deus in Decalo-
 go praecepit.

Cum praecepta Decalogi sint ater-
 na & immota, cur Lex de obser-
 uatione Sabbati à Christia-
 nis abrogata est?

L E X de Sabbato partim moralis est,
 quòd ad genus, hoc est, ad conseruatio-
 nem publici ministerij attinet: partim
 ceremonialis, scilicet quatenus ritum se-
 ptimi diei praecepit, qui vnā cum cæteris
 ceremonijs Mosaicis abrogatus, & in lo-
 cum eius prima dies hebdomadæ substi-
 tuta est, qua Christus Dominus ex morte
 resurrexit.

Q V A R T V M
P R Æ C E P T V M.*Honora Patrem & matrem.**Quid est Honor?*

HONOR, est comprobatio alterius, tribuens ei præstantiam propter diuinum aliquod bonum, & propterea reuerenter se ei subiiciens.

Sunt autem partes Honoris, parentibus, magistratibus & præceptoribus debiti.

1. Agnoscere totum ordinem & officia parentum, magistratum, iudicum, & Præceptorum esse opera diuina, quæ à Deo sint instituta & conseruentur: & in his lucere ac conspici sapientiam Dei, iusticiam, ac bonitatem erga genus humanum. 2. Honorifica comprobatio Personarum, agnoscens ipsas personas parentum, fidelium præceptorum & salutarium principum esse Dei munera & à Deo iuari. 3. Reuerentia amans politicum ordinem & personas, ac se eis subiiciens, ac prædicans dona Dei. 4. Gratiarum actio pro his donis Dei. 5. Precatio, ut Deus res &

res & personas, pios parentes & Magistratus seruet, regat, & adiuuet. 6. Obedientia debita. 7. Candor & equitas in legibus & actionibus magistratum & parentum iudicandis. 8. Etenim aliquid infirmitates & neuos eis condonans.

*Quae sunt virtutes seu bona opera
Quarti praecepti?*

- I. Pietas seu philostorgia.
- II. Iusticia vniuersalis, seu, Obedientia erga leges.
- III. Iusticia distributiva.
- IIII. Sedulitas.
- V. Gratitude.
- VI. Reuerentia.

PIETAS seu PHILOSTORGIA, est virtus, quæ parentibus & liberis & cæteris sanguine iunctis, tribuit conuenientem amorem & honorem, & debita officia.

Peccata pugnantia cum pietate sunt, Astorgia, Indulgentia, & Impietas.

IUSTICIA VNIVERSALIS, est obedientia erga omnes Leges & magistratus, in societate politica, quæ honestis legibus regitur.

Quid est Politia?

POLITIA, est legitima ordinatio certi coetus hominum, honestis legibus, cum norma legis naturæ congruentibus, confociari, in quo per certos magistratus legibus ordinatos, iuxta certas leges, retinetur disciplina & pax, propter hunc finem principalem, ut in pace ciues sint quàm beatissimi & quàm maximè inter se amici, hoc est, ut doceri homines de Deo, & educari ac institui soboles, honestè regi disciplina, & colligi DEO æterna Ecclesia possit.

Quid est magistratus?

MAGISTRATUS, est gubernator Dei ordinatione constitutus, ut sit nutritius Ecclesiæ Dei & scholarum, & sit custos disciplinæ ac pacis, iuxta leges naturæ & congruentes leges, & sit executor legum, puniens poenis corporalibus contumaces, & defendens contra iniustam violentiam obediētes.

Extrema Iusticia sunt, Inobedientia seu contumacia, seu contemptus superiorum Magistratum & Legum, Seditio, Superstitiosa observatio quarumlibet legum.

IUSTICIA DISTRIBUTIVA est, quæ proportionē Geometrica discernit gradus personarum & officiorum

ficiorem in vita, & singulis conuenientem locum & honorem & conueniens munus attribuit.

Extrema sunt Confusio graduum, Tyrannis.

S E D V L I T A S, est iusticia suos cuique labores attribuens, & inclinans voluntatem, vt diligenter, fideliter & constanter, propter Deum & communem salutem, faciat labores vocationi conuenientes.

Extrema sunt, Ignauia & πολυπραγμοσύνη seu curiositas.

R E V E R E N T I A, est virtus, qua tribuimus alijs suum locum, & dona Dei in alijs agnoscimus & magnificamus, & agnoscetes nostram infirmitatem, nos eis subiicimus, & hanc subiectionem externis significationibus declaramus.

Extrema sunt, Superbia contemnens alios, & assentatio.

G R A T I T V D O, est Iusticia, quæ benemeritis debitam gratiam, cum animi beneuolentia, tum alijs officijs reddit.

Extrema sunt, Ingratitudo, & simulatio gratitudinis, quæ sit verbis inanibus,

Q V I N T V M

P R Æ C E P T V M.

Non occides.

*Quæ sunt virtutes seu bona opera
Quinti præcepti.*

Omniū Quinti præcepti ac totius ferè
secundæ tabulæ virtutum commu-
ne genus est :

DILECTIO PROXIMI.

Huius partes sunt :

- I. Iusticia particularis.
- II. Iusticia puniens scelera,
- III. Fortitudo bellica.
- IIII. Fortitudo togata.
- V. Patientia Philosophica.
- VI. Mansuetudo.
- VII. ΕΠΙΕΙΚΕΙΑ.
- VIII. Misericordia.
- IX. Candor.
- X. Amicitia.
- XI. Fidelitas.
- XII. Studium concordie.

XIII. Hu-

XIII. Humanitas.

XIIII. Nemesis.

DILECTIO PROXIMI, est prælucente vera agnitione Christi & fide statuente se à Deo gratuita propter Filium diligi, vicissim se Deo subijcere, ac obedire, & propter Deum alios homines vera benevolentia complecti, & detrimenta eorum arcere, & pro virili eis benefacere, quibuscunque officijs possumus.

Pugnant cum Dilectione. Malevolentia, Odium, Invidia, Simulatio benevolentia, & cætera sequentium virtutum extrema.

IUSTITIA PARTICULARIS, est virtus, quæ nullius corpori, famæ vel bonis nocet, vi aut fraude, sed debitum cuiq; reddit, & servat æqualitatem.

Peccata opposita sunt, INIURIA, quæ est vel vi, vel desertione, vel fraude, alterius corpus, famam, vel bona ledere sine iusta causa.

PETVLANTIA, quæ sine vlla causa alios contumelia afficit, & pro delictamento habet alijs damnum dare, vel quoslibet contumelia afficere.

NEQVITIA, est affectata leuitas, siue cum aliorum iniurijs, siue cum libidinibus coniuncta siue gratis ludens.

Excessus est, Summum ius seu calumniosum.

I V S T I -

IUSTITIA Distributiva in magistratibus afficiens sceleratos pœnis.

Extrema sunt, Crudelitas & indulgentia.

FORTITUDO, est virtus propugnatrix Iusticiæ, suscipiens pericula & labores pro defensione Ecclesiæ, patriæ, honestæ disciplinæ, coniugum, liberorum, & non abiciens animum in rebus aduersis, nec efferens animum in rebus secundis.

Extrema sunt Timiditas deferens eos, quibus debetur defensio, & temeritas accersens pericula non necessaria, & non depellens ea recta ratione.

FORTITUDO Togata est constantia animi perseverantis in proposito honesto rectè suscepto iuxta vocationem, & tolerantis iniurias propter honestam causam, & excelso animo despicientis voluptates, honores, corruptelas, opes, obreftationem, invidiam, virtutis causa, ita videlicet, ut propter hæc impedimenta propositum honestum non abiciat.

Extrema sunt, Mollities animi iniusta pertinacia, & Stolta morositas.

Vicina virtus est PATIENTIA Philosophica, quæ obedit rationi in tolerandis iniurijs, & omnibus rebus aduersis, & moderatur dolorem, ne opprimat
natu-

naturam, & ne impellat, vt contra iusticiam, constantiam, modestiam, vel alias virtutes faciat.

Extrema sunt, impatientia, & Stupor.

M A N S V E T V D O, est virtus, quæ moderatur iracundiam & vindictæ cupiditatem, remittit offensiones, & condonat etiam veras iniurias, publicæ concordie causa.

Extrema sunt, Iracundia, Odium, & Lenitas.

Vicinia & ferè prorsus eadem virtus est ΕΠΙΕΙΚΕΙΑ, seu ΕΥΙΤΙΑ, quæ in persequendis iniurijs remittit aliquid de summo iure, & tolerat in alijs multas infirmitates, vt morositatem, iracundiam, segnicie, πολυπραγμοσύνην, auiditatem gloriæ, &c. publicæ concordie causa, & ambigüe facta non calumniosè in deteriorem partem rapit.

Vicina priori, M I S E R I C O R D I A, est virtus, quæ dolore afficitur in aliena calamitate, præsertim bonorum vel seductorum hominum, & probabili ratione lenit pœnas, & opitulatur miseris: vel propter Iusticiam, vt cùm sæuitur erga innocentes, vel propter bonitatem relaxantem aliquid de summo iure, vt D E V S miseretur generis humani: vel quia no-

bis quoq; in communi sorte aliorum misericordia opus est.

Extrema sunt, Crudelitas, vel ἀσέγγία, non affici sensu aliena calamitatis, ἐπιχαρῆς χάρις, Indulgentia, non punire cum est puniendum, aut non est ignoscendum.

CANDOR, est virtus volens bonis bene esse, & lætans eorum rebus secundis, & approbans alienas voluntates probabili ratione, quædam etiam ambigua flectens in meliorem partem.

Extrema sunt, Malevolentia, Suspiciousitas, Liuvor, & stulta credulitas.

AMICITIA, est virtus pro vera benevolentia reddens veram benevolentiam, & patiens mutuam communicationem officiorum & rerum liberalium, virtutis causa.

Extrema sunt: Inimicitia, Odium, Simulatio benevolentia.

FIDELITAS, est constantia voluntatis in vera benevolentia & omnibus officijs amicitiae debitis.

Extrema sunt, Perfidia, & Assentatio.

STVDIVM concordiae seu φιλονεικία, est virtus, quæ humiliter de se sentiens, & frenans ac moderans iracundiam, & tolerans aliorum infirmitates, & condonans etiam veras iniurias, ruerur

concor-

concordiam, & cauet ne pugnet de vlla re non valde necessaria, ne publica tranquillitas Ecclesiae & Reipublicae turbetur.

Extrema sunt: φιλονεικία, & lenitas.

HUMANITAS, est copulatio iusticiae cum virtutibus mitioribus & suavioribus, cum comitate, mansuetudine, ὁμιλιότης, affabilitate.

Extrema sunt: Morositas, non ostendens vllā significationem benevolentiae erga alios, & Lenitas.

NEMESIS, vel ZELVS, est indignatio aduersus turpitudinem, seu iustus dolor propter admissum ab alio scelus, & cupiditas depellendi illud ac puniendi.

S E X T V M

P R A E C E P T V M.

Non mæchaberis.

Virtutes sextipraecepti.

- I. Castitas.
- II. Verecundia.
- III. Temperantia.

C A S T I T A S, seu Pudicitia, est virtus, retinens mundiciem animi & corporis cum voluntate Dei congruentem, & vitans omnes libidines à Deo prohibitas.

C A S T I T A S vitæ cœlibis, est mundicies animi & corporis sine commixtione & contaminatione corporum, & sine ullo seminis abusu.

C A S T I T A S **C O N I U G A L I S**, est corpus suum vni coniugi castum & sanctum seruare, seu leges coniugij diuinitus institutas, reuerenter tueri.

Est autem **C O N I U G I U M**, legitima & indissolubilis coniunctio vnus maris & vnus fœminæ, instituta diuinitus, vt agnoscamus Deum esse mentem castam, & ei in castitate seruiamus, & hoc modo propagato genere humano colligatur æterna Ecclesia Deo.

Extrema sunt: Vituperationes & prohibitiones coniugij & sexus muliebris, vana libidines, & scortationes, adulteria, Diuortia vulgaria, incendia libidinum, omnes effusiones seminis extra coniugium, mulata castitas.

V E R E C V N D I A, seu Pudor est virtus, quæ veretur veram infamiam semper comitantem delicta, & metu iudicij diuini & propriæ conscientiæ, & aliorum rectè indi-

iudicantium, coërcet omnes cupiditates,
& vitat delicta, & gestus animorum ac
corporum ita regit, vt conueniant ordi-
ni naturæ, personarum, & locorum.

*Extrema sunt: IMPVDENTIA, quæ est
contemnere Dei & omnium hominum iudicia, &
sine respectu iudicij, conscientia propria & aliorum
sanorum, omnibus cupiditatibus frenos laxare.*

Stupor, duocoria, nimia verecundia.

*Lasciua, seu pronitas ad varios ludos, & va-
rias voluptates sine cupiditate nocendi.*

*Proteruitas est pronitas ad prauas voluptates,
& ad contumelias faciendas.*

T E M P E R A N T I A, est virtus,
quæ moderatur appetitiones cibi & po-
tus, vt nec precationem, nec somnum im-
pediant.

*Extrema sunt: Voracitas, Ebrietas, & nimia
Abstinencia.*

S E P T I M V M P R A E C E P T V M.

Non furtum facies.

Virtutes seu bona opera septimi praecepti.

- I. Iusta possessio & bonus usus propriarum rerum.
- II. Iusticia commutativa.
- III. Beneficentia seu liberalitas.
- IIII. Hospitalitas.
- V. Frugalitas, seu Parsimonia.
- VI. *Αὐτάρκεια.*

IUSTA Possessio & bonus usus propriarum facultatum, est virtus, quæ in timore Dei, & fide, ac bona conscientia tenet proprias facultates, & agnoscens eas à Deo dari & custodiri, sedulo studet eas honestis rationibus augere, & ad usus à Deo ordinatos conferre.

Pugnantia sunt: omnia iniusta aucupia opum, superfluitiosa collatio facultatum in commune, furtum, &c.

IUSTICIA Commutativa, est virtus, quæ in contractibus seu commutatione rerum servat æqualitatem Arithmeticam.

Pugnant cum hac virtute omnes fraudes in contractibus.

BENEFICENTIA, seu liberalitas est virtus, quæ communicat facultates & ope-

& operas non debitas obligatione ciuili, sed naturali seu diuina, ubi & quando docet, & mediocritatem efficit inter profusionem & sordes.

HOSPITALITAS, est virtus vicina Beneficentiæ, qua peregrinos & hospites, ac præcipuè propter veræ doctrinæ professionem exultantes, vera beneuolentia, & omnibus officijs hospitalibus complectimur.

PARSIMONIA, est virtus, quæ res proprias custodit, vtiliter collocat, vitæ sumptus non necessarios, emacitates, luxum, ædificationes, & tamen vberatio postulat, expendit quantum opus est.

Extrema sunt: Auaritia, Sordes, & Profusio.

ΑΥΤΑΡΚΕΙΑ, est virtus, vicina parsimonia, quæ contenta est præsentibus bonis, & placidè fert paupertatem, & alia incommoda, nec appetit aliena bona, nec frangitur inopia, vt contra pietatem DEO debitam, vel alias virtutes faciat.

OCTAVVM

PRÆCEPTVM.

*Non loqueris falsum testimo-
nium contra proximum tuum.*

*Virtutes seu bona opera octa-
ui præcepti.*

- I. Veritas.
- II. Simplicitas.
- III. Constantia.
- IIII. Modestia & grauitas.
- V. Appetitio Gloriæ.
- VI. Taciturnitas.
- VII. Eloquentia.
- VIII. Docilitas.
- IX. Comitas.
- X. Urbanitas.

VERITAS, est virtus, quæ incli-
nat voluntatem, vt veras sententias, hoc
est, cum rebus quales sunt, congruentes,
in doctrina de Deo & alijs artibus ame-
mus, & vera, recta, explicata & saluta-
ria constanter dicamus & faciamus, & in
mori-

moribus fugiamus infidiosas occultationes & simulationes.

Obiecta sunt.

Doctrina de Deo, natura rerum, moribus.

Iudicia, videlicet, Accusationes, Defensiones, Testimonia, Sententia iudicum.

Pacta seu promissiones omnes in foederibus & contractibus, emtionibus, venditionibus.

Consilia in gubernatione & priuata vita.

Sermones de aliorum virtutibus & turpitudine, seu laudes & vituperationes.

Significatio nostrae voluntatis erga alios, in sermonibus, gestibus, &c.

Peccata pugnancia cum Veritate, sunt omnia MENDACIA, omnes opiniones, sermones & gestus, non congruentes cum rebus ipsis, & nocentes vel ipsi mendaci, vel alijs, & tota Sophistica, quae falsas opiniones & malas causas fucofis praetextibus tuetur.

Hereses & studium discendi, docendi aut defendendi falsas opiniones, vel inutiles & non necessarias subtilitates in omnibus doctrinis.

Calumniae forenses omnes, in accusationibus, testimonijs, sententijs iudicum.

Perfidia in seruandis promissis, & foederibus, ac amicitijs, periuria, & fraudes in contractibus.

Perfidia & Ironia in dandis consilijs.

Obiectatio, Maledictio, Vanitas, iactantia,

Omnis hypocrisis seu simulatio in moribus & gestibus.

SIMPLICITAS, est perspicua & aperta veritas, sine inuolucris & ambagibus, seu est vera, recta & explicata, in artibus, & in communi vita propriè & perspicuè dicere & facere.

Extrema sunt, Duplicitas, suti, ambages in doctrina & moribus, & simulatione simplicitatis, alieri insidiari & nocere.

CONSTANTIA, & **GRAVITAS**, est perseverantia in Veritate & Iusticia: & gubernatio omnium actionum & gestuum, cum norma rectæ rationis congruens.

Extrema sunt, Lenitas & Morositas.

MODESTIA, est virtus, quæ frenat nos, ne in opinione de nobis, aut sermone, plus nobis tribuamus, quàm nostræ imbecillitati conuenit, nec in actionibus supra nostras vires nos efferamus, aut extra vocationem aliquid suscipiamus, nec despiciamus alios: sed in timore Dei & fide diligenter faciamus officia vocationis, & in gestibus non discedamus à naturæ, personarum, ac locorum ordine.

Extrema sunt: ARROGANTIA, quæ in opinione plus sibi tribuit quàm adest. IACTANTIA,

FI A, qua verbis immodicè & falsò de se prædicat, **A M B I T I O**, quæ tentatis actionibus non necessarijs aut iniustis extra vocationem, alijs antecellere quærit : & nimia modestia seu stupor : præterea incivilitas morum, scurrilitas in gestu & vestitu, obscenitas, & impudentia.

A P P E T I T I O veræ **G L O R I A E**, est virtus, quæ opus suum probans, seu consilia & actiones vitæ omnes ad normam voluntatis diuinæ gubernans, & vocationis officia diuinitus mandata fideliter & sedulò faciens, studet consequi approbationem Dei & propriæ conscientiae rectè iudicantis, & aliorum bonorum ac rectè iudicantium comprobationem.

Extrema sunt : Leuitas ac Impudentia, & Ambitio.

D O C I L I T A S, est virtus, quæ flectit animos, ne arroganter de se sentiant, sed vt alios audiant, discant, & veris sententijs assentiantur.

*Extrema sunt : pertinacia & Academica ἐπὶ-
χῆ, seu Leuitas semper & omnia discens, & nunquam ad agnitionem veritatis perueniens.*

T A C I T V R N I T A S, seu ratione tacere.

Extrema sunt : Garrulitas, Futilitas, & dissimulatio

mulatio eorum, qui tacent tunc quoq, cum mandatum Dei præcipit confessionem.

ELOQUENTIA, est virtus, quæ mentem & linguam regit, vt Deo grata, & hominibus salutaria perspicuè & ornatè dicat.

Extrema sunt, Omnes abusus facultatis loquendi,

COMITAS, seu AFFABILITAS, est virtus, inclinans nos, vt in loquendo, in audiendo, in respondendo, & officijs præstandis, in vultu & gestibus, quadam suauitate benevolentiam nostram erga alios declaremus.

Extrema sunt: Lenitas & Morositas fastidiosè audiens alios, duriter respondens, & difficultè officia præstans, nec vllam suauitatis & benevolentie significationem erga alium ostendens.

VRBANITAS, est ornamentum veritatis, quia iocosè vel figuratè, vel falsè dictis tempestiuè & honestè alij admonentur, aut leniuntur, aut etiam in loco irritantur.

Extrema sunt: Scurrilitas, quæ iocos obscænos

& contumeliosos spargit, & gestu vel

mordaci dicto petulanter repre-

hendit: & stoliditas ac

insulsitas.

NONVM ET DECIMVM P R A E C E P T V M.

Non concupisces, &c.

In IX. & X. præcepto præcipitur re-
stitudo omnium virium hominis con-
gruens ad normam legis, vel conformi-
tas cum lege DEI, seu congruentia, seu
conuenientia, seu similitudo totius na-
turæ humanæ, mentis, voluntatis, cor-
dis, omnium virium & membrorum ex-
teriorum, quæ cum norma mentis diui-
næ in Lege expressæ, perfectè congrue-
re debebant. In summa, iusticia origina-
lis, seu imago DEI, ad quam homo con-
ditus est.

Peccatum pugnans cum IX. & X.
præcepto, est CONCVPISCENTIA,
quæ est *anæsthesia* seu corruptio omnium vi-
rium hominis, videlicet in mente cæci-
tas, caligo & dubitationes de Deo, in vo-
luntate & corde auersio à Deo, & vacuitas
timoris DEI, dilectionis, invocationis,
fidei. Item prauæ inclinationes, inordi-
natæ

naræ appetitiones & flammæ viciosorum affectuum.

Qui sunt fines seu vsus Legis diuinæ : & cur assiduè meditandus est Decalogus ?

- I. Legis noticia est testimonium, quòd verè sit Deus.
- II. Docet qualis sit Deus, videlicet iustus, verax, beneficus, castus, qualem Lex describit.
- III. Docet ad quid condita sit natura humana, videlicet, vt Deum agnoscat, & ei iuxta Legem obediat.
- IIII. Ostendit peccatum, & est perpetuum iudicium Dei, accusans ac damnans omnes homines, qui non confugiunt ad C H R I - S T V M Mediatorem.
- V. Est regula bonorum operum, in quibus renati suam obedientiam erga Deum exercere debent.
- VI. Est norma uitæ hominum, etiam non renatorum, vt mores honesta disciplina regant.

*Potestne homo Legi Dei
satisfacere ?*

R. Ne-

R. Nemo hominum in hac tristi corruptione naturæ potest integram & perfectam obedientiam Legi Dei debitam præstare: Rom. 8. 7. sed externi mores ut cunq; regi iuxta Legem, etiam à non renatis possunt, & disciplina honestè frenari, Rom. 2. Tit. 3.

Quid est Disciplina?

DISCIPLINA, est regere externos mores, ut cum lege Dei seu recta ratione congruant, & reprimere impetus affectuum viciosos, & vitare externa scelera, quæ Lex Dei prohibet.

Propter quas causas exigit disciplinam Deus etiam à non renatis?

Propter quinque causas. *Quatuor*

I. Mandatum Dei. Rom. 13. Necesse est obedire, non tantum propter iram, sed etiam propter conscientiam. Proinde quod bonum est, facito, & habebis laudem ab eo.

II. Ut vitentur pœnæ. Nam Regula iudicij Divini in Ecclesia & apud Ethnicos certa & immota est: Atrocitas scelera puniuntur à Deo atrocibus pœnis, vel immediate, vel per Magistratus, Rom. 13. Non frustra gladium gerit, sed tibi ad vindictam, si male egeris.

III. Ut

III. Vt societas ciuilis tranquilla, & incolumis conseruetur.

IIII. Vt nostro exemplo alios ad honestatem morum & virtutem inuitemus.

V. Causa vſitatè allegatur ex Paulo, Galat. 3. Lex pædagogus noster fuit in Christum, vt ex fide iustificaremur. Vt enim boni pædagogi officia tria sunt: Docere, & coërcere disciplina & mores regere, castigare delinquentem: Ita Lex primùm docet nos de Deo, quòd sit, de officijs Deo debitis, de ira Dei, peccato, iusticia, iudicio, &c. Deinde custodit & concludit nos tanquam carcere, non modò frenos & vincula iniiciens vicijs cupiditatibus & externis membris, ne pro libidine contra voluntatem Dei ruant, sed etiam accusans, perterrefaciens, & damnans nos propter peccatum, atq; in his terroribus & angustijs impellens & cogens nos confugere ad Filium Dei redemptorem & medicum, qui nos ex carcere legis, peccati & mortis, quo conclusi tenebamus, liberauit. Hac est propria & genuina dicti Paulini sententia, cum qua etiam vſitata accommodatio non pugnat, congruens cum dicto: Nec sortatores, nec idolatra, nec adulteri (nec vlli in violatione externæ disciplinæ pertinaciter perseuerantes) regnum Dei possidebunt.

In tenatis verò disciplina, seu gubernatio morum iuxta Legem Dei, quæ sit prælucente in corde vera agnitione Christi & fide, est cultus Dei, &

pars

pars nouæ obedientiæ, & quidem à Spiritu sancto
inuatur & purior redditur, & presentibus ac ater-
nis præmijs compensatur.

Quæ sunt impedimenta Di- sciplina?

Tria præcipua. Primum, Naturalis infir-
mitas, seu caligo & cæcitas mentis: procliuas vo-
luntatis, præcipitantis in motus Deo displicentes: &
incendia prauorum affectuum.

II. Externa illecebra, praua sodalitia, exempla
multitudinis vitiosa, varia & multiplices delicto-
rum occasiones.

III. Impulsiones Diabolorum.

DE PROMISSIONIBVS ET COMMINATIONIBVS additis Decalogo.

In singulis Decalogi præceptis prodest hæc quin-
que quæstiones ordine considerari. Quæ virtutes
flagitentur? Quomodo geri possint? Quæ peccata
prohibeantur? Quæ promissiones additæ virtutibus?
& comminationes pœnarum, quæ certissime pec-
cata comitantur.

Et si autem non sunt additæ singulis Præceptis
promissiones & comminationes in ipso Decalogo,
tamen summa comprehensa est in hac cõcione ad-
dita primo præcepto: Ego sum Dominus Deus tuus,

fortis, Zelotes, visitans iniquitatem patrum in filios, intertertiam & quartam generationem eorum qui oderunt me, & faciens misericordiam in milia his qui diligunt me, & custodiunt praecepta mea. Item, Leuit. 18. Qui fecerit haec, viuet in eu. Rom. 10. Galat. 3. & Deut. 27. Maledictus omnis, qui non permanserit in omnibus, quae scripta sunt in libro Legis.

His addantur promissiones praemiorum & comminationes poenarum de virtutibus & vitijs singulorum praeceptorum tradita, quarum pleraque in Proverbijs Salomonis & Syracidae collecta sunt, & passim in Prophetarum concionibus de bonorum operum praemijs & peccatorum poenis repetuntur.

Ut autem recte intelligantur Promissiones & Comminationes, prodest has sex communes actiones in conspectu habere, quas nunc breuissimè recitabo:

PRIMO: Cum Deus sit verax, certissimum est comminationes ipsius non inania terribilia, nec promissiones inanem sonitum esse, & ideo propositas, ut quoquo modo stultos demulceant. Firmissime igitur statuamus, etiamsi saepe euentus nobis non videntur respondere, tamen omnes diuinas promissiones & comminationes, in ea forma & sententia, qua Deus eas tradidit & interpretatus est, veras, certas, ratas, firmas & immotas esse.

SECUNDO: Accuratissimis limitibus discernenda sunt genera promissionum. Promissio

Evange-

Euangelij propria remissionem peccatorum, imputationem iusticiae, Spiritum sanctum & vitam aeternam omnibus credentibus, GRATIS, propter Christum promittit, non propter vllum nostrum meritum vel obedientiam.

Promissiones verò legales nequaquam Gratis offerunt remissionem peccatorum & vitam aeternam, & alia premia spiritualia ac corporalia, sed annexam habent conditionem perfectae obedientiae, tanquam causam & meritum, propter quod bona promissa sint exhibenda, ut dicitur: Qui fecerit haec, viuet. Item, Sum misericors his, qui diligunt me, & custodiunt praecepta mea.

TERTIO: Cum autem nemo praestet perfectam obedientiam, quam Lex flagitat: quarunt anxie mentes, quomodo amplissima promissiones premiorum singulis virtutibus additae, nobis ratae fiant, & quomodo poenae vitari possint? Ad hanc questionem respondet Paulus. 2. Corinth. 1. Omnes promissiones Dei in Christo sunt Amen. id est, ratae ac firmæ, hoc est, verè & certò dantur propter Christum. Item, Rom. 3. Legem stabilimus per fidem. Nam fide confugientibus ad Christum datur Spiritus sanctus, qui inchoat obedientiam cōgruentem cum Lege Dei, quæ premijs spiritualibus & corporalibus in hac vita & aeterna ornatur, ut 1. Timoth. 4. dicitur: Pietas habet promissiones praesentis & futurae vitae. Item, Matth. 5. Merces vestra copiosa est in caelis.

Dantur autem premia in promissionibus oblata, eo ordine & modo, quem Christus in Evangelio prescribit, Marci 10. Recipient centuplum in hac vita, sed cum tribulatione, & post hanc vitam, vitam aeternam, hoc est, precipua per mai, & precipua poene differuntur in vitam aeternam.

QVARTO: Discernenda sunt promissiones in Evangelio tradita.

Prima, summa, & maximè necessaria PROMISSIO GRATIAE & reconciliationis ac vite aeternae, seu bonorum spiritualium & aeternorum, quae Deus propter Christum certè & nominatim, & sine vlla conditione & exceptione, promissit se daturum esse. Haec precipua Evangelij promissio semper rata & firma est credenti, etiam omnibus bonis corporalibus amissis. Ideoq; firmissima fide retinenda est, ut Iob. 13. dicitur: Etiam si occiderit me, sperabo in eum. Psal. 73. Cum contabescunt caro mea & cor meum, tu petra cordis mei & pars mea Deus in aeternum. Rom. 1. Ideo ex fide, gratis, ut firma sit promissio.

Aliae sunt promissiones Rerum corporalium necessariarum ad huius vitae mortalis conservationem, ut vitae, bonae valetudinis, cibi potus, defensionis, liberationis ex morbo, carcere, exilio, bello, peste, fecunditatis agrorum, & similia, quae paucis quotidiani appellatione continentur. Has quoq; tradidit Deus propter sex causas. Primum, ut agnoscamus Deum auctorem & conservatorem esse etiam
huius

huius vite corporalis, nec casu spargi bona corporalia, nec nostra tantum diligentia ea acquiri, sed verè à Deo dari. Deinde, ut Ecclesia in hac vita conseruetur. Ut Fides & Inuocatio in petitione, & expectatione corporaliū bonorū exerceantur. Ut communes faciant nos de Christo & promissione bonorū spiritualium. Ut gratitudinem nostram Deo quotidie in vsu bonorū corporaliū declaremus. Postremo, ut bona corporalia sint adiumenta nostræ vocationis, & instrumenta beneficentiae, & aliarum virtutum.

QVINTO: Haec quoque promissiones bonorū corporaliū, veræ & ratae sunt sicut sonant, & cerò exhibentur bona sicut promissa sunt, videlicet additis his quatuor exceptionibus.

I. Ne modus aut tempus exhibendi bona & liberationes corporales Deo à nobis praescribatur, sed simpliciter ipsius sapientiae & voluntati paternae relinquatur. Ideoque parata sit ad obedientiam voluntas nostra, si diuini nos exercere Deus velit, & liberationem cerò consilio differat.

II. Cum promittantur bona bonis & obedientibus, non impeditur Deus his promissionibus, quod minus impios & sceleratos seuerè puniat.

III. Cum in pijs etiam & obedientibus, seu vera Ecclesia, multi sordes peccatorum reliquae sint: cerò consilio Deus etiam pios & sanctos, arumnis & cruce vult exerceri, propter duodecim causas, quae in loco de Ecclesia recitabuntur.

IIII. Non sunt rapiende promissiones corporales nostris consilijs sine vocatione diuina : vt filij Ephraim (1. Par. 7.) inuadentes terram promissam sine vocatione, interficiuntur. Abraham verò, et si promissa ipsi erat terra tamen nunquam eam occupauit. Dauid, et si promissum ipsi erat regnum, tamen non rapuit regnum, donec vixit Saul, sed vocationem expectauit.

S E X T O, Comminationes & pœna, quæ immutabili ordine peccata comitantur, sancitæ sunt à Deo propter sex causas, quæ sunt :

1. Iusticia Dei, cuius norma æterna & immota est punire & destruere ac delere sceleratos.
2. Vt in pœnis conspiciamus discrimen virtutis & vitiorum & agnoscamus Deum bonum, iustum & virtutis amantem esse.
3. Vt hæc breues pœna corporales sint comminationes de æternis pœnis.
4. Vt pœna nos impellant ad pœnitentiam, ad vitanda peccata & emendationem vitæ.
5. Vt tranquillitas publica conseruetur.

Postremo, Vt exemplis horribilibus pœnarum deterriti alij vitent delicta, quibus pœna attrahuntur.

Omnibus autem comminationibus pœnarum addit Deus conditionem pœnitentiæ, quæ semper vel liberatio vel mitigatio calamitatum impetratur, vt Ieremia 18, dicitur: Si pœnitentiam egerit gens illa à malitia sua, contra quam loquor: agam & ego pœnitentiam super malo, quod cogitavi, vt fac-

facerem ei. Et ideo differt Deus pœnas, ut homines ad pœnitentiam inuuet. Sap. 11. Dissimulas peccata hominum, ut agant pœnitentiam.

Q V A R T V S

L O C V S.

DE PECCATO, QVOD
PER LEGEM DEI COGNOS-
citur, accusatur & damnatur.

Quid est Peccatum?

PECCATVM, est quicquid pugnat cum Lege Dei, quæ æterna & immota bonitatis & rectitudinis norma est. 1. Iohan. 3. n. 4. *ὅτι ἀνομία, peccatum est iniquitas, seu deflexio à regula legis diuinæ, seu dissimilitudo cum lege, seu non congruere cum lege. Competit enim vocabulum ἀνομίας propriè peccato, per se considerato, in abstracto, non concreto, quod non ἀνομία, seu ἀνομον est.*

Sit & altera definitio pueris nota, quæ in locis traditur.

PECCATVM, est defectus, vel inclinatio, vel actio, pugnans cum lege Dei, promerens iram Dei, & æternas pœnas, nisi fuerit facta remissio propter Filium Mediatorem.

Quæ est causa efficiens Peccati?

Non D E V S, sed liberum arbitrium Diaboli & hominis. Toto enim pectore amplectenda est sententia, Deum non esse causam peccati, nec approbare peccatum, nec impellere ad peccandum, sed primi peccati causam esse liberam voluntatem Diaboli & primorum parentum, qui libere & sua sponte auerterunt se à Deo, & sapientiam & iusticiam & libertatem voluntatis, in creatione ipsis insitam, sibi, & toti posteritati amiserunt. Deut. 23. Deus noster absq; vlla iniquitate rectus & iustus est. Iob. 8. Diabolus homicida est ab initio, & in veritate non stetit. Cum mēdacium loquitur, ex proprijs loquitur, quia mendax est, & pater mendacij. Rom. 5. Per vnum hominem peccatum intrauit in mundum.

Externorum autem peccatorum tres sunt causæ:

I. Errores, seu cæcitas & caligo mentis humana, quæ lapsum primorum parentum secuta est.

II. Præuæ cupiditates in voluntate & corde.

III. Incitatio Diaboli.

Materia in qua, est Mens, Voluntas, Cor & potentia obtemperantes, & omnia membra externa.

Forma, est reatus, hoc est, obligatio personæ ad iram Dei & æternam damnationem.

Fines

Fines & effectus sunt:

- I. Ira Dei.
- II. Æterna damnatio.
- III. Mors corporis.
- IIII. Omnes calamitates generis huma-
- V. Tyrannis Diaboli. (ni.
- VI. Concupiscentia, quæ simul est pec-
- catum, & poena peccati.

*Quot sunt genera peccati
precipua?*

Duo. Peccatum originale, & actuale.

Quid est peccatum originale?

PECCATUM ORIGINIS,
est defectus, vel inclinatio, pugnans cum
Lege Dei, nobiscum nascens, & secuta
lapsus Adæ, promerens iram Dei, & æ-
ternas pœnas, nisi fuerit facta remissio
propter filium Dei redemptorem. Psal. 51.
Ecce in iniquitatibus conceptus sum, & in peccatis
concepit me mater mea. Rom. 3. Omnes peccave-
runt, & priuati sunt gloria Dei sicut Iohan. 1. Esa.
9. totum genus humanum nominantur Tenebrae, id
est priuati & carentes luce veræ agnitionis Dei,
veræ iusticiæ & vitæ, quam Deus approbat. Rom. 8.
Sensus carnis non obtemperat, ac ne quidem po-
test obtemperare.]

1. Cor. 2. Animalis homo non percipit ea, quae sunt spiritus Dei, nec potest intelligere. In his testimonijs, defectus seu privationem iusticiae, & adimplere obediendi Deo, nobiscum nascentem, propter quam naturam filij irae sumus, describi, manifestum est.

^{omnis} PECCATUM ACTUALE, est actio interior vel externa pugnans cum Lege Dei, ⁱⁿ in mente ⁱⁿ dubitationes Epicurae vel Academicae, & omnes falsa opinioniones de Deo; etiam si lingua vel calamo non praeserantur: in voluntate ^{de} admiratio sui, neglectio & contemptus Dei, fiducia rerum carnalium, fremitus recusans placide obedire Deo in arumnis: in corde iniusta odia, ira, cupidities, amor vitae, voluptatum, opum, gloria, maior, quam ipsius Dei. Externa actiones sunt blasphemi sermones, mendacia, periuria, cedes, adulteria, seditiones, furta, fraudes in contractibus, &c.

Huic actuali peccato proprie congruit visitata definitio, saepe ab Augustino repetita: Peccatum est cogitatum, concupitum, dictum vel factum contra Legem Dei. Ideoque in scholis etiam peccatum cordis, videlicet pravae cogitationes & affectus cordis, distinguant à peccato operis, quod dicto vel facto committitur.

SPECIES Peccatorum secundum ordinem praeceptorum Decalogi rectis. distribuuntur, ut supra in loco de lege ea enumeravi, & mediocriter catalogus

Gal. 5. 1. Corinth. 6. & alibi recensetur.

Discerni etiam genera peccatorum actualium, in peccata commissionis, & omissionis ac negligentiae adfectatae, possunt: sicut & Iurisperiti discernunt D O L V M, seu crimen, seu Flagitium, videlicet factum, quo Lex Dei contra conscientiam violatur: & C V L P A M latam vel leuem, cum vel errore iudicii, vel subito flammis affectuum, vel desidia & negligentia peccatur.

Dic alteram Diuisionem peccati. *peccatum aliud est veniale aliud mortale*

V E N I A L E P E C C A T V M est defectus, vel inclinatio, vel affectus, pugnans cum Lege Dei, in renato, cui retinenti fidem, & repugnanti prauis affectibus spiritu, reatus remittitur.

Sedes aut materia de Peccato in renatis et sanctis reliqua, est Rom. 7. 8. Non quod volo bonum hoc facio: Video aliam legem in membris meis, rebellantem legi mentis meae, & captiuum me facientem legi peccati, &c. Nulla autem condemnatio est his qui in Christo Iesu non secundum carnem ambulant, sed secundum spiritum, & deinceps vsq. ad clausulam. Si spiritu actiones carnis mortificabitis, viuatis. 1. Ioh. 1. Si dixerimus, quod peccatum non habemus, nos ipsos seducimus, & veritas non est in nobis.

M O R T A L I A P E C C A T A sunt, non tantum septem illa, quae valde numerantur, Superbia,

*bia, Invidia, Ira, Acedia, Avaritia, Gula, Luxuria
sue Libido, quæ tamen plurimorum peccatorum
externorum fontes & scaturigines sunt: sed in
non renatis, omnia peccata originalia &
actualia: at in lapsis, qui antea fuerunt
renati, sunt delicta contra conscientiam,
seu, quæ fiunt à scientibus & volentibus,
propter quæ amittit homo gratiam &
Spiritus sanctum, & fit reus iræ Dei &
æternarum pœnarum, nisi ad Deum con-
uertatur.*

*Ephes. 5. Hoc scitote, quod omnis scortator aut
impudicus, aut auarus, non habet hereditatē in re-
gno Christi & Dei, Ne quis vos decipiat inanibus
sermionibus. Propter hæc enim venit ira Dei in filios
inobedientes. Ezech. 33. Cum recesserit iustus à
iustitia sua, & fecerit iniquitatem morietur.*

*Quatuor peccata clamantia in cælum nomi-
nant, Homicidium voluntarium Genes. 4. Sodomi-
am Genes. 19. Oppressiones pauperum, viduarum,
&c. Deut. 15. Exod. 22. Psal. 95. Mercedem o-
perario negatam, Exod. 24. Iacob. 5.*

*Nouem modi, quibus communicamus peccatis
alienis, hoc tristicum comprehensum sunt:
Inquinat alterius vitij se qui male sanus
Consult, assentit, mandat palpætue, receptat,
Participætue silet, non obstat, non manifestat.*

*PECCATUM IN SPIRITUM
SANCTUM, est vel veritatem agni-
tam*

tam petulanter oppugnare, & opera, quæ
certò apparet spiritu Dei facta esse, odio
Pharisaico tribuere Beelzebub, & dicere
Diaboli opera esse: vel desperare, hoc est,
adimere Deo laudem misericordiæ seu
gratiæ exuberantis supra peccatum.

Alij sex species recitant:

*Pneumaticus est hostis præsumens, spemq; relinquens,
Impugnans verum, domi fratris malus osor,
Obduransq; animum simul ac sperans perituro.*

Sed nos de peccato irremissibili ha-
tuamus à posteriori iudicandum esse, &
quantacumq; sint nostra peccata, sciamus
mandatum Dei esse, vt conuersi creda-
mus, omnia peccata nobis remitti, &
promissionem Gratiæ vniuersalem ac
gratuitam esse.

*Matth. 11. Venite ad me omnes. Rom. 5. Gra-
tia exuberat supra peccatum. Ioban. 3. Omnis, qui
credit in Filium, habet vitam æternam.*

Q V I N T V S

L O C V S.

DE EVANGELIO SEV
PROMISSIONE REMISSIONIS
peccatorum propter Christum
& Fide iustificante.

Quid

Quid est Euangelium?

EVANGELIUM, est PROMISSIO
DE CHRISTO: seu, doctrina non
natura nota, sed ex arcano consilio Diui-
nitatis per Filium prolata, in qua DEVS
immensa misericordia propter Christum
Filium suum GRATIS promittit re-
missionem peccatorum, iusticiam, Spi-
ritum sanctum & vitam æternam, omni-
bus agentibus pœnitentiam, & fide hæc
promissa bona amplectentibus.

Summa autem Euangelij est hoc di-
ctum Christi: Sic Deus dilexit mundum,
ut Filium suum vnigenitum daret, ut om-
nis qui credit in eum, non pereat, sed ha-
beat vitam æternam.

*Vel Rom. 3. Iustificamur gratis, Dei gratia,
per redemptionem in Christo Iesu, quem proposuit
Deus propitiatoriu per fidem in sanguine eius, &c.*

*Quod est discrimen Legis et
Euangelij?*

Tria sunt præcipua & illustria discrimina.

Primum, Lex est naturâ nota, utpote in-
sita mentibus humanis in prima creatione, quæ et-
iam post lapsum non prorsus extincta est, Rom. 1.
& 2. Euan-

Euangelion non est naturâ notum, sed à Filio Dei reuelatum est. *Iohan. 1. Ephes. 1. 3. Rom. 16. Genes. 3.*

Secundùm, A Promissionibus. Lex promittit iusticiam & vitam, sed cum conditione perfectæ obedientiæ. *Rom. 10. Qui fecerit hæc, viuet in eis.*

Euangelion verò promittit remissionem peccatorum, iusticiam & vitam æternam, *GRATIS*, propter solum Christum, non propter nostram obedientiam erga Legem, *Rom. 3. 4. 10.*

Tertium ab effectibus: Lex neminem iustificat, neminem liberat à peccato, neminem saluat, sed tantùm acculat, monstrat & auget peccatum, & damnat omnes homines propter peccatum.

Deut. 27. Maledictus omnis, &c. Rom. 3. 4. 5. & Galat. 3. 1. Corinth. 15.

Euangelion verò est potentia Dei ad salutem omni credenti, & Gratis, propter Christum donat credentibus remissionem peccatorum, iusticiam & vitam æternam, *Rom. 1. 3.*

Quod est discrimen veteris & noui Testamenti?

Idem ferè quod Legis & Euangelij.

Quid

Quid est nouum Testamentum?

NOVVM TESTAMENTVM planè idem est quod Euangelion, seu promissio remissionis peccatorum, gratiæ Dei, Spiritus sancti & æternæ salutis, propter Filium Dei Dominum nostrum Iesum Christum, pro nobis mortuum gratis credentibus donandæ, Matth. 26. Galat. 3. Ebr. 6. 2. Cor. 3.

Quid est Vetus Testamentum?

VETVS TESTAMENTVM propriè est promulgatio Legis Mosaicæ, & promissio terræ Canaan, & certæ politiæ ac defensionis, à Deo facta Israëlitis seruantibus legem: cui ceremonias & sacrificia Deus adiunxit, vt essent Typi personæ sacrificij & beneficiorum Christi, propter quem solum credentes omnibus temporibus remissionem peccatorum & æternam salutem consecuti sunt.

*Quod est discrimen Spiritus
& Literæ?*

SPIRITVS, significat Christum ipsum, seu Spiritum Christi sanctum, qui per ministerium Euangelij lucem veræ
agni-

agnitionis Dei, veram consolationem, iusticiam, & vitam in cordibus accendit.

L I T E R A, significat Legem Mosaicam, literis scriptam in tabulis lapideis, & omnem obedientiam seu conatum faciendi opera legis ceremonialia vel moralia, sine Spiritu sancto, seu sine vera in Christum fide per Spiritum sanctum accensa, 2. Cor. 3. Rom. 2. 7.

Hæc doctrina de discrimine Legis & Evangelij, lumen est in vniuersa Ecclesia doctrinae necessarium ad veram agnitionem Dei, & beneficiorum Christi, ad veram inuocationem Dei, ad fidem, ad veros cultus Deo præstandos, ad veram consolationem animorum, & æternam salutem. Et est velut norma ac Regula, omnes controuersias de Iustificatione & alijs grauissimis articulis præcipuè gubernans ac dijudicans. Ideò diligentissimè in ipectorum penetralibus hæc doctrina de discrimine Legis & Evangelij insigenda est, cui tantum tribuit Lutherus, vt scripserit, eum perfectum Theologum esse, qui in docendo, & in doloribus conscientie Legem ab Evangelio accuratè discernere possit.

Extructa sunt autem hæc discrimina ex dictis, Ioba. 1. Lex per Moysen data est, Gratia & Veritas per Iesum Christum facta est. Deum nemo vidit vquam Filius, qui est in sinu patris, ipse enarrauit.

Rom. 3. Nunc sine Lege Iusticia Dei manifesta-
H ta est,

ta est, testificata per Legem & Prophetas. Iusticia autem Dei per fidem Iesu Christi, in omnes, & super omnes, qui credunt, &c. Lege totam illam partem capituli terij.

Rom. 4. Si ex lege est hereditas, aboletur promissio. Lex enim iram operatur. Ideo ex fide, gratis, ut firma sit promissio.

Rom. 8. Cum impossibile esset Legi iustificare, eo quod non servabatur à carne, misit Deus Filium suum in similitudine carnis peccati, & de peccato damnavit peccatum in carne, ut iusticia Legis impleretur in nobis.

Rom. 10. Moses describit iusticiam Legis, quod, qui fecerit eam homo, victurus sit per eam. Ceterum quæ ex fide est iusticia, sic loquitur, &c.

Gal. 3. Totum caput & præcipue hæc sententia: Si ex Lege est hereditas, non iam est ex promissione: atqui Abraham per promissionem donavit Deus: Quid igitur Lex?

Ephes. 3. Evangelium absconditum est à seculis in Deo, qui omnia condidit per Iesum Christum, per quem audemus accedere cum fiducia per fidem illius.

Philip. 3. Omnia habeo pro damno, ut Christum lucrificam, ut reperiar in illo non habens meam iusticiam ex Lege, sed eam, quæ per fidem est Christi.

Gen. 12. In semine tuo benedicetur omnes gentes. Non dicit in seminibus, tanquam in multis, sed tan-

sed tanquam in vno, & in semine tuo, qui est Christus. At maledictus omnis, qui non permanet in omnibus, quæ scripta sunt in libro Legis Galat. 3.

Jeremia 32. Ecce dies venient, dicit Dominus, et feriam cum domo Israël fœdus novum. &c. Confer Epistolæ ad Ebræos caput octavum & nonum.

Hæc testimonia, quæ recitavi, fundamentum continent doctrinæ de discrimine Legis & Evangelij. Ideo ab auditoribus diligentissime consideranda & evoluenda sunt.

Quod est discrimen inter iusticiam Legis & Evangelij?

Lex promittit iusticiam & vitam æternam, sed simul flagitat perfectam obedientiam tanquam causam. Ideo IUSTICIA LEGIS est vel perfecta omnium virium obedientia erga totam legem Dei, ^{Deus est alio fœdus a iustis} expers omnis peccati, qualis in nullo hominum, solo Christo excepto, extitit. Vel est qualiscumq; ^{non est} obedientia externorum membrorum, præstans externa opera, quæ lex Dei flagitat, & nunquam satisfacit legi Dei.

Evangelium verò GRATIS promittit remissionem peccatorum, iusticiam, & vitam æternam, non propter nostram obedientiam erga Legem, sed

propter solum filium Dei Dominum nostrum IESUM CHRISTUM, quem sola fide amplectimur.

*Quid igitur est Iusticia Evangelij,
seu Iustificatio hominis cor-
ram Deo?*

IUSTICIA CHRISTIANA est remissio peccatorum, & imputatio iusticiæ Christi, & acceptatio ad vitam æternam gratuita, non propter vllas virtutes aut opera nostra, sed propter solum Christum mediatorem donata, & fide apprehensa.

Quid est Gratia Dei?

GRATIA, est misericordia DEI gratuita propter filium mediatorem promissa, seu gratuita remissio peccatorum propter Christum mediatorem.

*Quomodo iustificatur Homo
coram Deo?*

GRATIS, non propter vlla propria opera aut merita, sed tantum propter vnicum Mediatorem Iesum Christum, qui pro nobis victima & propiciator factus est, consequitur Homo in vera conversione remissionem peccatorum, & fit iustus.

iustus, hoc est, Deo placens & acceptus, propter Christum iusticia imputata, & sic habes vitam æternam, cum certo credit hæc bona sibi à Deo propter filium donari.

Quid est Fides iustificans?

FIDES, est noticia personæ & beneficiorum Christi, ac totius doctrinæ à Deo traditæ: & assensus, quo amplectimur totam doctrinam: & in hac, promissionem gratuitæ reconciliationis, seu imputationis iusticiæ propter Christum donandæ, & fiducia in Christo mediatore iuxta promissionem acquiescens, & certo statuens sibi peccata remitti, se Deo placere, se recipi & exaudiri, propter solum Christum, GRATIS, non propter propriam dignitatem.

Quomodo intelligenda est hæc Propositio, Sola fide sumus iusti?

Correlatiuè intelligenda est, videlicet, quòd propter solum Filium Dei Dominum nostrum Iesum Christum accipiamus remissionem peccatorum, iusticiam, & vitam æternam GRATIS, non propter nostra merita.

Ideo autem hac forma verborum (fide iusti-

Iustificamur) utitur scriptura, ut utrumque doceat. Quæ sit causa seu meritum Iustificationis, seu quæ sint beneficia Christi, videlicet, quod per, & propter solum Christum donetur nobis remissio peccatorum, Iusticia, & vita æterna. Deinde quomodo nobis applicari, & ad nos transferri debeant, videlicet Sola fide, amplectente promissionem, & in C H R I -
S T O acquiescente.

*Quid excludunt hæ particule,
Gratis, sine Lege, sine operi-
bus Legis, sola fide?*

Non excludunt meritum Christi, nec nostram pœnitentiam, nec reliqua opera aut virtutes, ne adsint fidei, aut sequantur: sed adimunt cæteris virtutibus seu operibus, meritum seu causam remissionis peccatorum, & transferunt causam in solum Christum mediatorẽ fide apprehensum.

*Propter quas causas necesse est re-
tineri particulas Exclusivas,
Gratis, Sola Fide, sine ope-
ribus Legis?*

Propter

Propter quinque causas.

I. Quia non est aliud mediū, quo promissionem Gratiæ, & Christum agnoscere & apprehendere possumus, nisi sola fides.

II. Ut Christo debitus & proprius honor tribuatur, videlicet. Quod ipsius obedientia sola sit meritum remissionis peccatorum, iusticiæ, & vitæ æternæ nobis donandæ, & quod nostra opera non sint meritum, propter quod recipiamur.

III. Ut conscientia habeant certam & firmam cōsolationem, nititur promissio gratiæ solo Filio Dei, & non nostris meritis, ideo dicitur: Sola fide, ut cor certò statuatur Deum nobis propiciū esse propter Christum. Hanc causam Paulus Rom. 4. recitat: Ideo ex fide GRATIS, ut sit firma promissio.

IIII. Ut illustrius sit discrimen Legis & Euangelij.

V. Ut vera invocatio præstari possit, quam necesse est niti solo mediatore Filio Dei, non nostris virtutibus.

Iustificatne sola Fides tantū ratione principij, ut loquuntur, deinde verò post primam conversionem, seu iustificationem statuendum est nos partim fide, partim propter nostra opera, seu propter fidem, Spem, & Caritatem coniunctim, iustos esse, & Deo placere.

In principio, medio, & fine, semper statuendum est: Nos propter solum Christum Mediatorem fide iustos esse, & Deo placere, & heredes esse vite æternæ, non propter vlla nostra opera aut virtutes, vt prolixè disputat Paulus, Galat. 3. Non in seminibus tanquam in multis, sed tanquam in vno, & in semine tuo, qui est Christus.

Rom. 5. Iustificati fide pacem habemus apud Deum per Dominum nostrum Iesum Christum, per quem & accessum habemus fide in gratiam hanc, in qua stamus, id est, acceptatione seu imputatione, qua propter filium accepti sumus, etiamsi nondum totam massam peccati perfectè deposuimus, Abacuc. 2. Iustus fide sua viuet.

Nec potest fides niti duabus rebus: Christo, & nostris operibus: Alioqui prorsus incerta fieret, nec vllam firmam consolationem adferret. Rom. 4. Quia semper manent etiam in sanctis peccata in hac vita, pro quibus orant: Remitte nobis debita nostra. Ideò Christus est sacerdos in æternum pro nobis intercedens, & suam iusticiam nobis applicans, nec est in aliquo alio salus.

Rom. 5. Quantò magis iustificati saluabimur per eum gloriantes in Deo, per Dominum nostrum Iesum Christum, id est, confidentes propter mediatorem, & ipsi hanc gloriam tribuentes, quòd, propter eum & per eum, donemur vita æterna.

Rom. 6. Non estis sub lege, sed sub gratia, id est, quanquam manent reliquæ peccati, tamen Lex iam

iam non condemnat vos, sed recepti estis in gratiam, & placetis Deo propter mediatorem.

Iohan. 11. Ego vitam eternam do eis.

Rom. 8. Nulla nunc condemnatio est his, qui in Christo Iesu ambulant.

Rom. 4. Credenti imputatur fides sine operibus.

Col. 2. In illo cōsummati estis. Quasi dicat, nō in vestra mundicie. Rom. 6. Donum Dei est vita eterna.

Quod est discrimen inter doctrinam Evangelij in articulo Iustificationis, & falsam Papistarum doctrinam?

Tria sunt præcipua discrimina.

I. Papista docent hominem mereri remissionem peccatorum, & esse iustum, non propter solum Christum sola fide, sed etiam bonis operibus, seu proprijs virtutibus congruentibus cum Lege Dei. Item operibus Monasticis, Missis, Ieiunijs.

II. Cū nemo sciat an satis habeat bonorum operum, docent semper dubitandum esse, an habeamus remissionem peccatorum, & an simus in gratia.

III. Docent hominem in hac vita posse Legi Dei satisfacere, & hac legis impletione iustum esse, & vitam eternam mereri.

E contra Evangelion docet:

I. Remissionem peccatorum donari Grati, propter solum Christum mediatorem, non propter nostra opera aut merita.

H S

Non

II. Non esse manendum in dubitatione, sed omnes qui in delictis contra conscientiam, seu sine fide in Christum viuunt, debere certò statuere, se Deo displicere, & reos esse iræ Dei & æternarum pœnarum, nisi ad Deum conuertantur. Econtrà omnes, qui sentiunt pauores iræ Dei, & cupiunt conuerti ad Deum, & se emendare, debere certò statuere, sibi remitti peccata, se in gratia esse, & Deo placere propter Christum mediatorem, vt expressè dicitur in Symbolo: Credo remissionem peccatorum.

III. Hominem non posse in hac vita Legi Dei satisfacere, vt Rom. 7. & 8. clarè dicitur: sed iusticiam & vitam æternam donari credentibus GRATIAS, propter Christum.

Quod est discrimen inter Iustificationem, Regenerationem, & Renouationem?

Iustificatio, est remissio peccatorum seu absolutio à peccato & æterna morte, & reconciliatio cum Deo, qua persona coram Deo iusta seu Deo placens, & accepta, & vitæ æternæ hæres est, propter Christum mediatorem.

REGENERATIO, est actio Spiritus sancti, qua per verbum Dei viuientis & baptismum, ex filio iræ & mortis generat filium Dei, & hæredem vitæ æternæ.

Reuo-

DE IUSTIFICATIONE. III

Renouatio, est actio Spiritus sancti, qua in iustificato habitans, veterem hominem seu peccatum, in mente caliginem, & dubitationes de Deo, in voluntate vacuitatem timoris & amoris Dei, & omnes prauas inclinationes: in corde, incendia seu furias affectuum vitiorum expurgare & abolere incipit, & nouum hominem seu Dei imaginem, per peccatum amissam, restituit & renouat, accendens in mente lucem vere noticiæ Dei, in voluntate & corde nouam iusticiam, & letam obedientiam erga omnia mandata Dei, & relatum ad hunc finem, vt Deus celebretur.

Ex his Definitionibus apparet, Regenerationem, etsi natura peccato mortua viuificationem & renouationem propriè significat: tamen remissionem peccatorum saepe simul complecti, & velut totum esse, complectēs duas partes, Iustificationem & Renouationem naturæ per Spiritum sanctum, quæ fons est Nouæ obedientiæ & operum bonorum.

Quomodo fit Regeneratio hominis?

Omnes homines carnali generatione nascuntur polluti peccato: & filij ira ac aternæ damnationis. Vt igitur Filij Dei hoc est, Deo placentes & heredes vitæ aternæ fiant, necesse est eos ex Deo renasci, seu per verbum & Spiritum sanctum regenerari.

rari. Regenerantur autem, cum in vera conuersione propter Filium Dei remissionem peccatorum, in Euangelio promissam fide accipiunt, & Deo reconciliati in locum filiorum & heredum regni cælestis adoptantur, & donantur Spiritu sancto, qui reliquias peccati nobiscum nati, paulatim expurgat, & nouam lucem & iusticiam, ac vitam in cordibus credentium accendit.

S E X T V S L O C V S.

DE NOVA OBEDIENTIA,
S E V,

B O N I S O P E R I B V S
R E N A T O R V M.

Quid est noua obedientia?

Noua Obedientia, est prælucente vera agnitione Christi & fide, vitare omnia delicta Deo displicentia: & non solum externis actionibus, sed etiam voluntatis & cordis affectibus obedire præceptis Dei, hoc fine, vt Deus honore afficiatur, hoc est, vt testemur hunc verè esse Deum, cui obedientiam præstamus.

Sunt autem ferè Synonyma vocabula:
1. Noua obedientia, Cultus Dei, Bona opera, Vir-

⁴ra, Virtus, ⁵Bonum propositum, Bona
Conscientia, ⁶Sacrificium laudis, ⁷Iusticia
inhærens, ⁸Inchoata obedientia, ⁹Mortifi-
catio actionum carnis, &c.

Quid sunt bona opera? *Bona opera sunt opera quæ
sunt præcepta Dei*

BONA OPERA, seu CULTVS *Dei*
Dei, sunt à Deo mandata actiones men-
tis, voluntatis, cordis, & externorum
membrorum, excitatae per Spiritum san-
ctum, & facta in fide, hoc fine, vt Deo o-
bedientia & honos præstetur. *autem effundit
regulativa
quæ opera
sunt præcepta*

VIRTUS, est obedientia erga De-
um iuxta ipsius verbum.

Bonum propositum seu *megálēteōs*, est
firmum decretum seu constans & per-
petua voluntas non amplius consultò &
spontè peccandi, sed libenter & promtè
Deo obediendi.

BONA CONSCIENTIA, est no-
ticia Legis Dei, & iudicium in mentibus
nostris, quo rectè facta, hoc est, cum Lege
Dei congruentia approbamus, & nos
rectè fecisse, & propositum non delin-
quendi consultò & spontè aduersus Le-
gem Dei, habere scimus, quàm scienti-
am ordine diuinitus sancito sequitur
tranquillitas cordis, & spes auxilij &
prote-

protectionis diuinæ. 1. Timoth. 1. Milita bonam militiam, retinens fidem & bonam conscientiam. 1. Petr. 3. Conscientiam habentes bonam.

SACRIFICIUM LAUDIS seu Eucharisticum, est opus à Deo mandatum, quod fit in nobis pralucens fide in Christum, & refertur ad hunc finem, ut Deus honore afficiatur, hoc est, ut testemur, hunc verè esse Deum, quem sic colimus, nec est precium pro peccato, nec meretur facienti vel alijs remissionem peccatorum: sed est testificatio, quod sit Deus, & testimonium obedientiæ, seu gratiarum actionis. Talia sacrificia sunt omnia bona opera & afflictiones piorum. 1. Petr. 2. Psal. 50. Psal. 51. Psal. 107. Psal. 116. Rom. 12. Rom. 15.

*Estne noua obedientia in renatis
necessaria?*

Ideò gratuita Dei misericordia nobis remittitur peccatum, & per baptismum in nobis submergi & mortificari cœpit, & donati sumus Spiritu sancto, ut deinceps non amplius peccemus, sed in nouitate vitæ, hoc est, noua luce & iusticia & obedientia erga omnia mandata Dei viuamus. Rom. 6. 7. 8.

Deinde ordo sapientiæ & iusticiæ diuinæ æternus & immutabilis, est, ut Homines à Deo creati, & per Filium Dei redempti,

demti, Deo obediant, & peccata cum voluntate Dei pugnancia vitent, Rom. 8. Debitores sumus. Ephes. 2. Ipsius opus sumus, conditi ad bona opera.

Tertio. Mandata Dei feuerissima ubique repetuntur. Iohan. 9. Noli amplius peccare. Ioh. 15. Hoc est mandatum meum, ut diligatis vos invicem. Rom. 6. Non regnet peccatū in mortali corpore vestro, ut obediat illis in concupiscentiis eius, sed prabete membra vestra organa iusticiae Deo. Item, Liberati estis à peccato, & servi facti iusticiae, Coloss. 3. Ephes. 4. 5. 6. 1. Timoth. 1. Milita bonam militiam, retinens fidem & bonam conscientiam. 1. Thess. 4. Hec est voluntas Dei, &c.

Plures causas postea in loco finium recitabimus.

Quae sunt species bonorum operum seu partes novae obedientiae?

Species bonorum operum, seu Cultum Dei iuxta seriem praeceptorum Decalogi commodissime distribui possunt.

Vera agnitio Dei iuxta Euangelion, verus Timor Dei, vera fiducia misericordiae promissae propter Christum mediatorem, Dilectio Dei, Spes vitae aeternae, Patientia, Humilitas, Inuocatio Dei facta in spiritu & veritate.

Iusti-

Iusticia vniuersalis, obedientia erga leges & Magistratus, Pietas erga parentes, Iusticia particularis, Beneficentia, Misericordia, Castitas, Veritas, Sedulitas, diligenter & fideliter faciens suæ vocationis officia, &c. vt suprà in loco de Lege catalogum virtutum adiunctis definitionibus recensuimus.

*Quod est discrimen inter Virtutes
seu bona opera Ethnicorum
Christianorum?*

Quatuor sunt discrimina.

Primum. Multa sunt propria Christianorum virtutes Ethnicis ignota, vt Fides Christiana fiducia misericordie seu gratie Dei, propter Christum promissa, vera inuocatio Dei, Spes vite æternæ, &c. Cetera in prima Decalogi Tabula exposita, quarum ne quidem mentionem faciunt Cuius in Officijs, & Aristoteles in Ethicis, ex professo virtutum doctrinam explicantes.

Deinde causis efficientibus differunt. Nam virtutes reatorum, nõ solis humanis seu liberi arbitrij viribus efficiuntur, vt Ethnicæ: sed à Spiritu Dei sancto per verbum accenduntur & consummantur.

• *Tertiò, causa formali.* Bona opera Christianorum sunt veri & serij motus cordis per Spiritum sanctum accensi, quibus vera agnitio Christi &
Fides

*Fides, sine qua impossibile est Deo placere, prae-
cet. Bona opera seu virtutes Ethnica, sunt tantum
externi gestus, seu gubernatio locomotiva, sine spi-
rituali motu cordis & sine fide.*

*Quarto, causis finalibus. Nam Christiani bona
opera faciunt, & Deo obediunt, ut Dei gloriam
illustrent. 1. Cor. 10. Matth. 5. Ethnici, & horum
similes, Pharisei & Hypocritae, ostentatione vel au-
cupio gloriae popularis, aut potentia, & metu infa-
mie & poenarum, virtutis officia colunt. Matth. 6.*

*Qui sunt gradus bonorum operum
seu cultuum Dei?*

Tres sunt gradus praecipui.

*Primus & summus gradus, & velut A-
nima & vita reliquorum bonorum, est ve-
rus Timor Dei, & Fides in Christum, ac o-
bedientia cordis interior, quam Deus in pri-
mo praeepto flagitat, quam unico verae pietatis no-
mine vulgo appellare solemus.*

*Secundus, sunt externa honesta ope-
ra moralia, quae in secunda Decalogi Tabula
praecipiuntur, seu officia iustitiae & dilectionis erga
proximum.*

*Tertius gradus, sunt Ceremoniae &
sacrificia, quae non placent Deo, nec sunt cultus
Dei per sese, nisi prae luceat verus Timor Dei, & Fi-
des, ac obedientia moralis.*

Quæ sunt causa efficientes, seu quomodo fieri possunt bona opera?

Tres sunt causæ.

I. Verbum Dei, docens quæ opera Deo placeant, & Fides in Christum, Ezech. 20. Deut. 12.

II. Spiritus sanctus accendens in mentem lucem veræ agnitionis Dei & veræ fidei, & cogitationem præceptorum diuinorum, Deinde impellens & adiuuans voluntatem, vt obtemperet præceptis diuinis, & iuxta ea regat actiones externorum membrorum. Gal. 5. Fructus spiritus sunt Fides, dilectio, &c. Rom. 8. Qui spiritu Dei aguntur, hi sunt filij Dei.

III. Mens & voluntas humana renata per Spiritum sanctum, non repugnans Spiritui sancto, & agnita sua imbecillitate petens à Deo auxilium & gubernationem: & cordis ac externorum membrorum actiones regens, vt congruant cum voluntate Dei.

Quæ est causa Formalis, seu quomodo placent Deo bona opera?

Opera fiunt bona, & Deo placentia per fidem in Christum. Id his quatuor articulis declarandum est,

I. Per

I. Persona, quæ facit bona opera, statuat se iustum esse, & Deo placere **GRATIS**, propter **CHRISTVM**, fide. Ebr.

II. Abel obtulit vberiore hostiã Deo.

III. Agnoscat & deploret multiplicia peccata adhuc in nobis hærentia, vt caliginem de Deo, dubitationes, prauas inclinationes, securitatem, superbiam, quò minus **LEGI DEI** possimus satisfacere. Rom. 7.

III. Et tamen statuat Dei voluntatem æternam & immoram esse, vt ei in bonis operibus seruiamus, & nouam obedientiam cum ipsius lege congruentem inchoemus. Rom. 8. *Debitores sumus.*

IIII. Sciat hanc inchoatam obedientiam placere Deo, non propter propriam dignitatem, sed propter Christum mediatorem, vt 1. Pet. 2. dicitur: Offerre hostias spirituales, acceptas Deo per Christum. Ebr. 13.

Quæ sunt cause finales? seu cur facienda sunt bona opera?

Nequaquam eo fine facienda sunt bona opera, vt mereamur remissionem peccatorum, iusticiam, & salutem æternam. Nam hæc bona propter solius Filij Dei meritum, credentibus **GRATIS** dantur.

Sed alij sunt verè fines :

I. Gloria Dei. 1. Cor. 10. *Omnia ad gloriam Dei facite.* Matth. 5. *Luceat lux vestra coram hominibus, ut videant vestra bona opera, & glorificetur Pater vester cœlestis.*

II. Ut debitam obedientiam & honorem Deo præstemus. Nam *ordo iusticiæ diuinæ immutabilis est, ut creatura rationalis Deo obtemperet.* Rom. 8. *Debitores sumus, &c.*

III. Ut bona opera sint fructus iusticiæ, & testimonia nostræ fidei & conuersionis ad Deum. 1. Petri 1.

IIII. Ut proximo, officijs iusticiæ, dilectionis, beneficentiæ, misericordiæ, &c. seruiamus & proficiamus, Tit. 3. *Discant & nostri bonis operibus præesse ad necessarios vsus, ne sint infrugiferi.*

V. Ut bonis nostris operibus impios ad veram pœnitentiam, timorem Dei, fidem, &c. inuitemus. 1. Pet. 3. *Ut qui non obtemperant verbo, per eorum conuersionem sine verbo lucrifiant.*

VI. Ut retineamus gratiam Dei, Spiritum sanctum, & hæreditatem regni cœlorum. Nam hæc bona per mala opera seu peccata contra conscientiam perduntur. 1. Cor. 6. *Nec fornicatores nec adulteri, &c. regnum Dei possidebunt.* Rom. 8. *Si secundum carnem vixeritis, moriemini.*

VII. Ut

VII. Vt poenæ præsentis & æternæ vi-
tentur. Nam mala opera Deus regulariter etiam
in hac vita punit. Iob. 9. Verebar omnia opera mea,
sciens Domine, quòd non parcus delinquenti.

VIII. Vt consequamur præmia spiritua-
lia, & corporalia, præsentia & æterna. I.
Tim. 4. Pietas promissiones habet præ-
sentis & æternæ vitæ.

SEPTIMVS LOCVS.

DE SACRAMENTIS.

Quid est Sacramentum?

SACRAMENTVM, est actio sacra, à
Deo instituta, constans verbo & admi-
nistratione elementi integri, & addita
promissioni, quæ est Euangelij propria,
vt promissionem gratiæ singulis appli-
cet, & fidem in viuentibus obsignet &
confirmet.

Quot sunt Sacramenta Novi Testamenti?

Duo. Baptismus & Cæna Domini.

Quid est Baptismus?

BAPTISMVS, est actio sacra, à Deo instituta, continens merfionem hominis in aquam, & integram pronunciationem verborum: Ego Baptizo te in nomine Patris, & Filij, & Spiritus sancti, quæ restatur baptizatum à Deo recipi, & donari Spiritu sancto, & acceptari ad hæreditatem vitæ æternæ.

Quæ est sententia verborum: Ego baptizo te in nomine Patris, & Filij, & Spiritus sancti?

Ego (inquit minister) mergo siue abluo te aqua, & inuoco super te verum Deum, qui est æternus Pater Domini nostri Iesu Christi, & Filius ipsi coæternus, & Spiritus sanctus, & testificor, te ab hoc vero Deo recipi, & tibi peccata remitti, propter Christum, qui abluit te hoc baptismo, vt testetur tua peccata ipsius sanguine abluta esse, & sanctificat te Spiritu suo ad iusticiam & vitam æternam. Quare tu vicissim hunc vnum Deum agnoscas, inuocabis, & celebrabis.

Sunt ne infantes Baptizandi?

Sunt baptizandi. Quia ad ipsos pertinet promissio salutis: Talium est regnum
celo.

coelorum. Non est autem salus extra Ecclesiam, Iohan. 3. Nisi quis renatus fuerit ex aqua & Spiritu, non potest introire in regnum Dei. Ergo necesse est infantes per baptismum regenerari & inseri Ecclesiae. Est autem Christus efficax in infantibus per baptismum, & operatur in eis fidem, & alios motus pro ipsorum modo.

DE COENA DOMINI.

Quid est Cæna Domini?

Sacramentum altaris, est verum corpus & verus sanguis domini nostri Iesu Christi, sub pane & vino nobis Christianis ad comedendum & bibendum à Christo ipso institutum, vel:

COENA DOMINI, est actio sacra, à filio Dei instituta, in qua sumpto pane & vino, sumitur verum corpus & verus sanguis Domini nostri Iesu Christi, ut hoc pignore accipientes commonefacti de promissione Euangelij propria fidem confirmant & obsequant.

Ad quid instituta est Cæna Domini?

Primus & principalis finis est Confirmatio fidei in conuersis. Nam Sacramenta seu signa visibilia, ideo addita sunt promissioni remissionis peccatorum, iusticiæ & vitæ æternæ, vt nos commonefaciant de promissione, & sint testimonia seu sigilla promissionis, vt singuli promissionem sibi applicent per fidem in vero vfu sacramenti.

II. Κοινωνία & vnio cum Christo arctissima.

III. Gratiarum actio pro omnibus beneficijs Christi.

IIII. Est symbolum seu nota confessionis & doctrinæ.

V. Est neruus publici ministerij.

VI. Cōmonefacit de mutua dilectione.

Pueri veteres versiculos meminerint :

Inflamat, meminit, sustentat, roborat, auget

Cœna, spem purgat, reficit, vitam dat. & vnit,

Confirmatq, fidem, minuit somitemq, remittit.

Qui sunt precipui abusus Cœnæ Domini apud Papistas ?

Primum mutilant sacramentum, & alteram speciem laicis adimunt contra expressa verba institutionis Christi.

Secundò. Fingunt se ipso opere consequi remissionem

tionem peccatorum, seu, Sacramenta nouæ legis gratiam non ponentibus obicem.

Tertio: Mutant Sacramenta in alios vsus diuersos ab institutione, vt ad circumgestationem & adorationem: cùm tamen nulla res extra vsum à Deo ordinatum, sit Sacramentum.

Quarto: Transformant Cœnam Domini in sacrificium, quo fingunt se mereri remissionem peccatorum sibi & alijs ex opere operato. Contra firmissimè statuendum est. Christum vno sacrificio in ara crucis factò meruisse toti Ecclesiæ remissionem peccatorum, quæ sola fide accipiatur.

Quinto: Transferunt Cœnam Domini ad mortuos ex purgatorio liberandos.

Sexto: Aliqui nunc disputant, Missam esse applicationem sacrificij Christi: quam tamen sciendū est, fieri propria fide, non propter opus alienum. Ex his erroribus discrimen inter Missam Papisticam & nostrarum Ecclesiarum facile intelligi potest.

Quid est Sacrificium?

SACRIFICIUM in genere est ceremonia vel opus nostrum, quo Deo tribuimus honorem proprium diuinitatis, seu quo testamur hunc verum esse Deum, quem sic colimus.

Quæ sunt species Sacrificiorum?

genera sacrificij.

grandior

sanctior

oblatio

sacrificium

peccatorum

munus

fuldit

DE SACRIFICIIS.

Alia sunt Typica seu imagines: Alia
sunt non vmbrae sed res, & haec sunt du-
plex: Vnum Propitiatorium: Alia sunt
XAPIΣTIKA.

Quid est propitiatorium sa- crificium?

Est opus quod placat iram Dei aduer-
sus peccatum, & reddit Deum propici-
um, & meretur alijs remissionem pecca-
torum, iusticiam, & vitam aeternam. Tale
est vnicum sacrificiū Christi, videlicet vni-
uersa obedientia Christi, in tota vita, in omnibus a-
ctionibus, doloribus & morte.

Quid est Sacerdos?

SACERDOS, in genere est Persona à
Deo ordinata, vt doceat Euangelion, &
oret pro alijs, habens promissionē, quod
exaudiatur, & offerat sacrificia, quae Deus
instituit.

Quid est summus Sacerdos?

SUMMVS SACERDOS seu CHRIS-
TVS, est persona immediatē à Deo vo-
cata & vncta plenitudine Spiritus sancti,
vt Euangelium proferat ex arcano sinu
aeterni Patris, & deprecetur pro nobis,
habens promissionem, quod certò pro-
audiatur, & offerat Sacrificiū, videlicet
se ipsum.

se ipsum, quo sacrificio meretur toti Ecclesiae remissionem peccatorum, iusticiam & vitam aeternam.

Quid est ὁ ἁγισμὸς Sacrificium?

Definitio suprà in loco de bonis operibus recitata est.

OCTAVVS

LOCVS.

DE POENITENTIA.

Qui est repetitio, & applicatio, seu praxis doctrinae de Peccato, Lege, & ira Dei aduersus peccatum: de remissione peccatorum propter Christum gratis in Euangelio credentibus promissa, sacramentis obsignata, & Fide amplectenda & de Fructibus fidei, seu bonis operibus. Has locos, qui summam Euangelij continent, & in tota doctrina Christiana precipui sunt, ad usum transferre, & singuli nobis poenitentiam applicare debemus.

Quid est Poenitentia?

POENITENTIA seu CONVERSIO ad DEVM, est Contritio, Fides & noua Obedientia, seu est serio expauescere agnitione irae Dei aduersus sua peccata, & dolere ob admissa peccata, & fide confugere ad misericordiam Dei propter CHRISTVM promissam, & cer-

& certò statuere, sibi propter Christum peccata verè remitti: & prælucēte hac fide, deinceps non amplius contra conscientiam peccare, sed omnia vitæ consilia & actiones ita regere, vt cum voluntate & verbo Dei congruant.

*Quæ sunt partes Pœnitentiæ seu
Conuerſionis ad Deum?*

Tres sunt.

CONTRITIO, est seriò expauescere conspectu iræ Dei aduersus peccata per legem agnita, & dolere quòd Deum offenderimus.

FIDES, agnoscit placatam esse iram Dei aduersus nostra peccata, propter Christum pro nobis passum, mortuum & resuscitatum, & certè statuens sibi remitti peccata, & se placere Deo propter Christum.

III. NOVA OBEDIENTIA, est prælucēte fide in Christum obedire Deo iuxta omnia ipsius mandata, hoc fine, vt Deus honore afficiatur & celebretur.

Quæ causæ sunt, quibus ad pœnitentiam seriò agendam singuli exuscitari & impelli debent?

I, Man-

I. Mandatum Dei seueriffimum.

*Matth. 3. 4. Agite poenitentiam. Iohel. 2. Conuer-
timini ad me. Ezech. 20. 36. Displcebitis vobis.*

II. Aeterna salus, agentibus poenitenti-
am & Euangelio credentibus promissa.

III. Iuramentum Dei: Viuo ego, dicit
Dominus, nolo mortem peccatoris, sed
vt conuertatur, & viuat.

IIII. Peccata multiplicia, in mente, vo-
luntate, & corde etiam renatorum & san-
ctorum harentia, quibus assidua poeni-
tentia & mortificatione opus est, vt om-
nes sancti quotidie orant: Remitte no-
bis peccata nostra. *Psal. 32.*

V. Calamitates priuatae & publicae, Mors
horribilis, quae totum genus humanum
deorat, & omnibus momentis impen-
det, morbi, bella, incendia, fames, excidia
vrbium & gentium, &c. quae sunt assiduae
conciones de peccatis ferio agenda.

VI. Mors filij Dei, quae omnium maxime
illustre testimonium est horrendae irae Dei
aduersus peccatum, quae nulla ratione a-
lia placari potuit.

VII. Aduentus filij Dei ad iudicium sin-
gulis horis expectandum.

VIII. Aeterna damnatio omnibus, non
in hac vita ad Deum conuersis, propo-
ta. *Luc.*

ta. Luc. 3. Nisi pœnitentiam egeritis, omnes similiter peribitis. Rom. 2. Impœnitenti corde cumulas tibi ipsi iram in die ira & manifestationis iusti iudicii Dei, &c.

Quæ sunt causa efficientes Contritionem, seu Pœnitentiam de peccato, quæ toto tempore vitæ Fidelium, quotidie exercenda est?

Quatuor sunt præcipuæ.

I. LEX DEI, docens quid & quantum malum sit peccatum in nobis hærens, & denuncians horredam iram Dei, & æternas pœnas omnibus peccatis pollutis. Rom. 3. Peccatum non cognoui, nisi per legem. Gal. 3. Maledictus omnis, qui non permanet in omnibus, quæ scripta sunt in lege.

II. Spiritus sanctus per prædicationem Legis accendens in mente agnitionem peccati & iræ Dei, & incutiens voluntati & cordi serios dolores, propter admissa peccata. Iohan. 16. Spiritus sanctus arguet mundum de peccato. Iere. 13. Postquã conuertisti me Domine, egi pœnitentiã, confusus sum et erubui.

Thren. 5. Conuerte me Domine, & conuertar.

III. Omnes hominum calamitates, mors, morbi, bella, &c. quæ sunt in mundo perpetuæ conciones pœnitentiæ.

Ose.

Ose. 5. 6. In tribulatione sua manè consurgent ad me, & dicent: Venite, reuertamur ad Dominum, quia ipse inflixit nobis vulnus, & sanabit nos.

Thren. 3. Humiliauit nos Dominus & abiectio nos, vt reuertamur ad Dominum.

Aggai. 2. Percussit vos sterilitate & grandine, & non fuit in vobis qui reuerteretur ad me.

III. Mens & voluntas hominis conuersa per Spiritum sanctum considerans legem Dei & propriam immundiciem, & sentiens veros dolores de admissis peccatis, neque ea repetens.

Quod est discrimen inter pœnitentiam seu contritionem Iudæ & Petri?

Contritio Iudæ, Cain, & similium, est Timor seruilis, videlicet pavor & fuga & fremitus aduersus Deum, sine fide ad Christum mediatorem confugiente.

Contritio Petri, Dauidis, Psal. 51. 38. 130. & omnium piorum toto vitæ tempore, est Timor filialis, coniunctus cum fide petente à Deo, & firma fiducia amplectente remissionem peccatorum, propter Christum promissam.

Quid est confessio?

CONFESSIO PECCATI, est pars

pars Contritionis, qua coram Deo peccata nostra agnoscimus, & ex animo deploramus, & nos reos esse iræ Dei & æternæ damnationis propter peccatum confitemur, ac verè dolemus, nos Deum offendisse, & petimus veniam ac remissionem peccatorum propter Christum.

Hæc confessio in omni conuersione ad Deum & quotidiana inuocatione necessaria est. *Psalm. 32. Dixi, confitebor aduersus me iniusticiam meam Domino. Dan. 9. Peccauimus, impiè egimus, &c. Psalm. 51. Quia iniquitatem meam ego agnosco.*

Quotuplex est Confessio peccati?

Alia est publica, quæ fit vel à tota Ecclesia in publicis calamitatibus & periculis: vel in publico cætu Ecclesiæ à singulis, qui rei enormium delictorum, quæ alijs nota sunt, coram presbytero, & tota Ecclesia fatentur delicta, & veniam à Deo & Ecclesia petunt. Hi olim certis pœnis, ut pullati, nudus pedibus, ante fores templi vel alibi certis diebus consisterent, &c. ante absolutionem castigari solebant, quas pœnas Græci ἐπιτίμια, Satisfactiones nominarunt, non quòd pro peccatis satisfacerent, aut remissionem culpæ & pœnæ æternæ mererentur, sed ut postea sinxerunt, seu explorabantur lapsi, an serio resipiscerent, & exemplum pœnæ delictorum
alijs

alijs proponebatur, quo à similibus lapsibus deterre-
rentur.

Ab hoc veteri ritu, quì Absolutionem precede-
bat, nomen satisfactionis, & enumeratio delictorum
in confessione orta est. Et hanc Publicam pœnitent-
tiam nominabant, de qua pleriq; Canones veteres
loquuntur, quos ad privatam confessionem & satis-
factiones post absolutionem, Monachi & inepti iu-
ris Canonici interpretes postea detorserunt.

Alia est confessio privata seu arcana, vel co-
ram solo Deo, quam paulò antè definiuimus, & sine
qua peccatum non remittitur, vel coram ministro
Ecclesie aut sacerdote: quæ est aut specialis enu-
meratio singulorum peccatorum nusquam à Chri-
sto mandata: aut Generalis confessio, qua coram
Deo & ministro Ecclesie expressa voce profitemur,
nos esse peccatores, reos ira Dei & æternæ damna-
tionis, & dolere vero corde, quòd Deum offenderi-
mus, & petere vocem absolutionis nobis à ministro
Christi annunciari.

Quid est Absolutio?

ABSOLUTIO, est annunciatio re-
missionis peccatorum, qua minister Eu-
angelij in nomine Christi peccatorem,
agentem pœnitentiam, & petentem ve-
niam, à peccato, ira Dei & æterna con-
demnatione in cœlo solutum & liberum
esse testatur.

Quid est Excommunicatio?

EXCOMMUNICATIO, est denunciatio iræ Dei & æternæ damnationis, qua minister Euangelij in nomine Christi peccatores ^{notorios}, seruatō legitimo processu, pronunciat reos esse iræ Dei ac æternæ damnationis, eosq; ^{in nomine} nominatim ex societate Ecclesiæ ^{excludit} excludit, & Sathanæ tradit ad interitum carnis, vt Spiritus saluus fiat, Matth. 18. 1. Cor. 5.6. 1. Tim. 5.

Quid sunt Claves?

CLAVES REGNI CŒLORVM, sunt potestas seu ministerium solvendi & ligandi, seu remittendi & retinendi peccata, institutum à Christo & traditum Ecclesiæ, quo minister Ecclesiæ per vocem Euangelij remissionem peccatorum, donationem Spiritus sancti & vitæ æternæ, multis & singulis agentibus pœnitentiam, & petentibus veniam, in nomine Christi annunciat, & securos ac contumaciter in peccatis perseverantes ligat & excommunicat.

Pro-

Propter quas causas priuatam Absolutionem in Ecclesijs retineri prodest?

Propter multas grauis. causas.

I. Ut sit testimonium articuli de gratuita remissione peccatorum propter Christum donanda, quem Ethnici & Papista, docentes pro peccatis satisfaciendum esse nostris operibus, & Nouatiani negantes veniam lapsis post baptismum, corrumpunt.

II. Ut rudiores petentes absolutionem, in eo colloquio cum sacerdote, de multis maximis rebus, quarum consideratio in vera conuersione necessaria est, de suis peccatis, de Lege Dei, de promissione gratia, de fide, de noua obedientia, &c. commune-
fiant aut erudiantur, ut poenitentiam veram exci-
tent & augeant.

III. Quia semper in Ecclesia vsitatum fuit, et si recitatio singulorum omitteretur, tamen in genere, etiam ore fateri sua peccata, & se reum esse, & dolere, quod Deum & Ecclesiam offenderint, ut de auditoribus Iohannis, & Nehemia, & Dan. 9. scriptum est.

IIII. Ne ignoti aut impij derisores, aut perseue-
rantes in manifestis delictis, ad communionem ad-
mittantur, contra præceptum: Nolite sanctum
dare canibus,

V. Propter disciplinam, ne polluti manifestis criminibus, sine precedente confessione & reconciliatione cum Ecclesia offensa, recipiantur.

VI. Ut testimonium suae contritionis & fidei seu poenitentiae verae, coram ministro Ecclesiae, tanquam vices Christi gerente, singuli cum vera humilitate edant, ut David coram Propheta Nathan inquit: Peccaui Domino. Contrà, Saul non vult fateri peccatum, sed honorari coram populo.

VII. Ut refutentur fanatici, negantes, Hominem posse remittere peccata, cum Deus per ministerium hominum efficax sit, & Remissionem peccati, quae sit per ministros verbi, ratam & diuinam haberi velit, sicut dicit, Matth. 9. Filius Dei dedit potestatem hominibus super terram remittendi peccata. Matth. 16. 18. Tibi dabo claves regni caelorum, quaecumque peccata solueris super terram erunt soluta in caelo. Iob. 20. Quorum remisistis peccata, remittuntur eis.

VIII. Et principalis: Quia in priuata absolutione fit applicatio vniuersalis promissionis Gratiae ad vnamquemlibet seorsim, ita, ut quilibet absolutus, certò statuere possit & debeat, certò iam sibi ipsi peccata remissa esse à Christo, quia per ministrum ipsi, non secus ac paralytico illi, absolutionem sua voce pronunciauerit, Matth. 9. Confide fili, remittuntur tibi peccata tua.

Quae

*Quæ est altera pars conuersio-
nis ad Deum?*

FIDES certò & indubitatè credens Absolutioni, seu voci Euangelij, remissionem peccatorum propter Christum omnibus & singulis credentibus promittenti, siue in lectione aut cõcione Euangelij omnibus simul, siue per ministrum Euangelij seorsim annuncietur.

Quid est Fides?

Definitiones fidei & Noua obedientia, suprâ in locis de remissione peccatorum, & Bonis operibus recitata, hoc loco repetantur.

Qui sunt præcipui Errores & corruptela doctrinae de Pœnitentia?

Primum & præcipuè taxanda est horrèda securitas & impœnitentia maxima partis hominum, quæ sine vllò dolore de peccatis, & sine vllò metu ira & iudicij diuini omnibus peccatis frenos laxat, aut sua sanctitate & operibus secura confidit.

II. Nouatiani negant lapsos post baptismum per pœnitentiam ad Deum conuerti, & veniam consequi posse, contra expressa testimonia. Luc. 15, Matth. 18. 1. Iob. 2. Iob. 2. Apocal. 2. et exempla primorum parentum Gen. 3. Aaronis Exod. 32.

Davidis 2. Reg. 11. 12. Petri Luc. 22. & Galat. 2. Incesti. 1. Cor. 5. 2. Cor. 2. 7.

III. Papistæ docent, contritionem mereri remissionem peccatorum: Quod toti doctrina de Christo, qui solus est agnus Dei, tollens peccata mundi, repugnat.

Docent contritionem oportere sufficientem esse, cum certum sit, nullos dolores vilius creatura, quantumvis magnos, pares esse ira Dei, nec posse compensare peccata.

Docent enumerationem omnium delictorum, etiam arcanorum, & simul circumstantiarum omnium, necessariam esse, nec remitti peccata non indicata in confessione: cum tamen nusquam in Evangelio præcepta sit omnium enumeratio, & prorsus impossibilis sit, sicut dicitur: Delicta quis intelligit. Ab occultis meis munda me.

Prorsus nihil dicunt de fide (quæ est fiducia misericordia propter Christum promissa) in doctrina poenitentia: & pertinacissime negant opus esse hæc fide, qua tibi ipsi certo credas remitti peccata propter Christum. Et quia nemo scit, an contritio fuerit sufficiens, docent semper dubitandum esse, an remissa sint nobis peccata, & an simus in gratia Dei. Quæ dubitatio cum tota doctrina Evangelij pugnat, & Deum mendacij arguit.

Docent satisfaciendum esse pro peccatis operibus indebitis, seu non mandatis lege Dei: unde efficitur, homines proprijs operibus pro peccatis satisfacere,

facere, & posse implere legem Dei, imò plura & meliora posse facere, quàm Lex Dei precipit. At tota Evangelij doctrina confirmat, unicam esse satisfactionem pro peccatis, passionem & mortem filij Dei pro nobis crucifixi: & de operibus non mandatis hanc vniuersalem Regulam tradit: Frustra colunt me mandatis hominum.

Docent potestate Clauium pœnam peccati æternam conuerti in temporalem purgatorij, vel alias huius vite, quas nostris operibus redimi oporteat: cum culpam & mortem æternam propter solum Christum nobis remitti, & pœnas temporales potestate clauium nec imponi nec tolli, sed nostra penitentia mitigari sciamus.

Commentum de purgatorio igne, in quo animæ post mortem crucientur, vel perpurgentur, vel meritis aliorum redimantur, partim ex Gorgia Platonis, partim ex apparitione spectrorum extractum, & superstitione ac questu confirmatum, planè Ethnicum est, & blasphemum contra filium Dei, pugnans cum tota doctrina cœlesti, quæ nusquam huius ignis purgatorij mentionem facit, sed contra docet, omnes in vera fide Christi ex hac vita discedentes rectè in cœlum migrare, ut ad latronem dicitur: Hodie mecum eris in Paradiso. Item: Beati mortui, qui in Domino moriuntur.

Postremò, Nundinas indulgentiarum, quæ initio satisfactionum Canonicarum relaxationes fuerunt, postea ad pœnarum purgatorij & culpæ remissionem

sionem etiam translata sunt: terras & impias imposturas, & nihil aliud, quàm auaritiæ Romanæ aucupia esse, iam omnes norunt.

NONVS LOCVS.

Credo Ecclesiam sanctam Catholicam, sanctorum communionem.

Quid est Ecclesia?

ECCLESIA seu POPVLVS Dei, sunt homines in Christum credentes, seu rectè Deum agnoscetes & colentes, & hæredes vitæ æternæ propter Christum.

ECCLESIA SANCTA CATHOLICA, est communio sanctorum, seu vniuersalis multitudo omnium piorum hominum, omnibus temporibus & locis viuentium, qui Euangelion Christi amplectuntur, & in Christum credunt, ac propter eum Deo placeant, & per Spiritum sanctum reguntur, & sanctificantur ad vitam æternam.

Huius veræ Ecclesiæ membra sunt tantùm p̃j & sancti, non hypocrite, aut persecutores, qui nomen Ecclesiæ præ se ferunt.

Cum

Cum autem in hac vita semper admixti sint vera Ecclesia aliqui non sancti, traditur vsitate hac definitio visibilis Ecclesia in hac vita:

ECCLESIA VISIBILIS, est cœtus hominum amplectentium Euangelium Christi, & recte vtentium sacramentis, in quo cœtu semper aliqui sunt, qui verè credunt, & à Spiritu sancto reguntur, & heredes sunt vitæ. Simul tamen in externa consuetudine admixti sunt multi hypocritæ, qui tamen veram Euangelij doctrinam non oppugnant, nec defendunt Idola, vt Matthæi. 22. Boni & mali ad conuiuium nuptiale introducuntur, & Matth. 13. Boni & mali pisces in sagena Ecclesia concluduntur.

Huius visibilis Ecclesia V I V A M E M B R A sunt, in quibus Spiritus sanctus per Euangelion veram agnitionem Dei, veram fidem, veram dilectionem, & ceteras virtutes accendit, quæ in alijs magis, in alijs minus excitata & ardentes sunt.

MORTVA M E M B R A, seu Hypocritæ duplices sunt: Alij de doctrina cum pijs in externa professione consentiunt, nec defendunt externa idola, & mores honestè regunt. Sed tamen non renati sunt per Spiritum sanctum, sunt sine vero timore Dei, & sine fide. Hi propriè dicuntur mortua membra.

Alij sunt palam impij, defendentes manifestos errores & idola, & persecutores veræ Ecclesiæ & piorum. Hi etiamsi titulo Ecclesiæ dominantur: ta-

men non sunt membra vera Ecclesie, ut tempore nati Christi viua membra Ecclesie erant, Maria virgo Zacharias, Elisabeth, Ioseph, Pastores, Simeon, Hanna. Sed principes Sacerdotum & Pharisei, nomen Ecclesie sibi arrogantes, & tamen Christum persequentes, non membra Ecclesie, sed ex patre Diabolo erant. Iohan. 8.

Quo est Prædestinatio?

PRAEDESTINATIO, est æternum decretum mentis diuine, quo gratuita bonitate & misericordia propter Filium elegit Ecclesiam æternam seu homines ipsi placentes, & heredes vitæ æternæ: cuius Ecclesie membra sunt singuli, qui Euangelium Christi fide amplectuntur, & in hac vita usq; ad finem vitæ perseuerant, iuxta dictum: Beati mortui, qui in Domino moriuntur. Esto fidelis usque ad mortem, & dabo tibi coronam vitæ.

Quæ sunt notæ monstrantes veram Ecclesiam in terris?

Tres sunt notæ.

I. Pura Euangelij doctrina de CHRISTO. Ioh. 10. Oves meæ vocem meam audiunt. Vbi unq; enim non est vera noticia Christi & Euangelij, ibi nulla electorum Ecclesia, seu nulli homines Deo placentes & salutis æternæ heredes esse iudicantur. Ioh. 3. Qui non credit filio, non videbit vitam, sed ira Dei manet super eum.

II. Lc-

- II. Legitimus vsus Sacramentorum.
Marc. 16. Qui crediderit, & baptizatus fuerit, saluus erit. 1. Cor. 11. Hoc facite in mei memoriam.
- III. Obedientia debita ministerio in his, quæ ad ministerium propriè pertinent.

Quomodo colligitur & regitur Ecclesia in his terris?

Per ministerium Euangelij, seu verbum Dei auditum, lectum, cogitatum, &c. per quod Christus ipse efficax est, & Spiritu suo mentes & corda audientium ad Deum conuertit, & vera agnitione Dei ac fide illustrat, consolatur, regit & sanctificat ad vitam eternam.

Rom. 10. Omnis qui credit in Christum saluus erit: Quomodo autem credent, de quo non audierunt? Quomodo audient sine prædicante? Proinde fides ex auditu verbi Dei existit. Psal. 119. Verbum tuum viuificat me. Psal. 130. In verbo tuo speravi. Act. 11. Loquetur tibi verba per quæ saluaberis tu, & domus tua.

Quid est ministerium Euangelij?

MINISTERIUM EVANGELII, est officiū à Deo institutū, prædicandi in publi-

publico Ecclesie cœtu verborum Dei, Legem & Euangelion de Christo, & legitimè administrandi sacramenta, annunciandi remissionem peccatorum, seu absol- uendi agentes pœnitentiam, & excom- municandi contumaces, & ordinandi Ecclesie ministros, per quod ministerium Deus verè efficax est, ad salutem omni credenti. *Luc. 24. Matth. 10. 18. 28. Rom. 10. Ephes. 4. 1. Tim. 5. 2. Tim. 2.*

Quid est Ordinatio?

ORDINATIO Ministrorum in genere, est ritus, quo coram tota Ecclesia publicum testimo- nium datur certæ personæ, quodd legitimè vocata & idonea sit ad docendum Euangelion, & admi- nistranda sacramenta.

Quod est discrimen inter Ministe- rium Euangelij, & potesta- tem politicam?

Quatuor sunt præcipua discrimina.

Primum obiectis differunt. Magistratus politicus est custos externæ disci- plinæ, & corpora ac fortunas defendit, & punit externa scelera. Ministerium Euangelij versatur circa Animas, nec tantum

tantum regit externos mores, sed arguit
& sanat corda.

Deinde effectibus seu beneficijs. Per
ministerium Euangelij dat Deus æterna
bona, remissionem peccatorum, libera-
tionem à morte, & iusticiam ac vitam æ-
ternam. Politica potestas externa tan-
tum, & corporalia bona, pacem, defensi-
onem corporum, &c. impertit.

Tertiò, pœnis. Magistratus coërceat
& punit inobedientes vi corporali seu
gladio. Ministerium Euangelij solo ver-
bo seu voce Legis, & legitima excommu-
nicatione arguit.

Quartò, Magistratus politicus habet
potestatem condendi nouas leges non
pugnantes cum naturalibus, quas petu-
lanter violare, est peccatum mortale. Mi-
nister Euangelij non habet potestatem
condendi noua dogmata, aut nouos arti-
culos fidei & nouos Dei cultus: nec est
peccatum violare traditiones Episcopo-
rum extra casum scandali.

*Quid est Regnum Christi in
his terris?*

REGNUM CHRISTI. est governa-
tio Christi, sedentis ad dextram Patris,
qua

qua per ministerium Euangelij omnibus temporibus mundi, colligit sibi in genere humano & seruat Ecclesiam, seu cœtum hominum, qui ipsam Dominum agnoscunt, in eum credunt, cui cœtui remissionem peccatorum, & æterna bona impertit, eumq; solo verbo & Spiritu sancto suo, non armis corporalibus gubernat, & oppressum cruce mirabiliter defendit, & tandem ex morte, ad vitam & gloriam æternam resuscitabit.

Ex hac definitione apparet, appellationem REGNI Christi copulare officium Sacerdotis ac Regis Christi & Ecclesiæ. Significat enim Regnum Christi in sacris literis plerumq; Ecclesiam, seu cœtum hominum in Christum credentium, Christo Regi subditum & obedientem, ut cum dicimus, Regnum Christi in hac vita oppressum esse cruce & erumnis: aliàs officia Christi Regis, & beneficia omnia, quæ Ecclesiæ impertit, ut cum dicimus, Regnum Christi esse spirituale, hoc est, Beneficia, quæ Christus per Euangelion Ecclesiæ suæ impertit, non esse pecuniam, opes, potentiam, pacem corporalem, sed Spiritualia & æterna bona, remissionem peccatorum, liberationem à peccato & morte, & lucem, sapientiam, iusticiam, vitam, & gloriam æternam: aliàs modum collectionis & gubernationis Ecclesiæ per
verbum

verbum & Spiritum sanctum, non arma corporalia: aliàs Regem ipsum Christum & Deum: aliàs hæc omnia coniunctim compleantur.

Quod est discrimen inter Regnum Christi, & regna huius mundi?

REGNUM mundanum seu politicum, est gubernatio, in qua vnus homo seu Rex supremum imperium tenens, certis legibus, iudijs, & armis corporalibus, multitudinem hominum ipsi subiectam, regit, & honestam ciuium disciplinam, & singulorum corpora ac fortunas, & pacem politicam defendit.

Etsi autem differentias quatuor inter ministerium Euangelij, per quod Regnum Christi in his terris administratur, & potestatem politicam, seu Regiam, paulò ante recitauimus: tamen plures adiungi possunt.

Primum enim inter personas Regum summa dissimilitudo est. Nam Rex Christus est verè & natura Deus. Reges mundani tantum sunt mortales & imbecilli homines.

II. Differunt modo gubernationis. Regnum Christi est spirituale, hoc est, non præsidjs & armis corporalibus, non gladijs & hastis, sed solo verbo Dei constituitur & gubernatur. Reges politici legibus humanis, & armis ac exercitibus subditos regunt & defendunt.

III. Modo

III. *Modo obedientia.* Reges politici externorum membrorum obedientiam solummodò flagitant, & externa scelera tantum puniunt. Rex Christus interiorem cordis iusticiam requirit.

IIII. *Modo poenarum.* Reges mundani gladio: Ministri Christi solo verbo delicta puniunt.

V. *Beneficia regni Christi* sunt spiritualia & aeterna, videlicet remissio peccatorum, liberatio à morte, iusticia & vita aeterna. Reges politici non hac aeterna, sed corporalia & momentanea bona, pacem politicam, defensionem, opes & similia suis subditis & amicis impertiunt.

VI. *Stabilitate.* Omnia mundi regna, quantumvis potentia & ampla, intereunt & extinguuntur, & redit in nihilum, quod fuit antè nihil. Christus verò Dominus regnat in monte Zion, ex hoc nunc & usq₃ in aeternum. Cumq₃ Rex aeternus sit, Ecclesiam quoq₃ ipsi subditam non interire, sed in omni aeternitate cum ipso vivere necesse est.

Propter quas causas Ecclesia Christi in his terris Cruci subiecta est?

Omnia calamitatum totius generis humani, Ecclesiae, & impiorum, causae efficientes & impulsivae communes,

Quatuor sunt:

I. Peccatum commune totius generis huma-

humani, quod vult Deus aboleri. Ideò destruit naturam peccatricem morte & alijs calamitatibus.

II. Errores mentis humanæ.

III. Prauæ cupiditates.

IIII. Tyrannis Diaboli impellentis homines ad scelera, vt cumulet calamitates & pœnas.

Fines autem precipui duo sunt :

I. Vt agnoscant homines Deum esse sapientem & iustum, & veram ac horrendam esse iram Dei aduersus peccatum & iniusticiam.

II. Vt calamitatibus flectantur homines ad timorem Dei, modestiam & frenandas cupiditates, quibus ærumnæ accersuntur.

Sed causæ calamitatum Ecclesiæ peculiare quatuordecim recensentur, quarum quatuor sunt impulsivæ.

I. Lapsus primorum parentum & peccatum inde in omnes deriuatum.

Rom. 5. Per vnum hominem peccatum intrauit in mundum, & per peccatum mors. Psal. 106. Consumti sunt propter iniquitates suas. Psal. 107. propter viam flagitiorum suorum & iniquitates suas affliguntur.

II. Immundities naturæ interior, videlicet, dubitationes de Deo securitas carnalis, admiratio sui, & cuncta omnium affectuum, &c. quam mundus negligit, hanc vult Deus ab Ecclesia agnoscere & emendari. Iere. 46. Castigabo te in indurito ne tibi innocens videaris.

III. Odium Diaboli rabiosius insidiantis Ecclesie, quàm ceteris hominibus, Gen. 3. 1. Pet. 5. Adversarius vester Diabolus tanquam Leo rugiens circumit. Iob. 1.

IIII. Certa delicta sanctorum in Ecclesia quæ certis pœnis puniuntur. Mich. 7. Iram Domini portabo, quia peccavi ei. Psal. 89. Visitabo in virga iniquitates eorum.

Causæ Finales decem.

Calamitates non ideò nobis imponit Deus, ut perdat nos, sed ut nobis beneficiat, & utilitates ac bona amplissima conferat. Psal. 118. Bonum est mihi Domine, quod afflixisti me. 1. Cor. 11. A Domino corripi-mur, ne cum hoc mundo damnemur, ἀπολώμεθα ἂν, εἰ μὴ ἀπολώμεθα.

I. Ut calamitatibus & ærumnis impij ad pœnitentiam vocentur, & in pijs pœnitentia crescat. Psal. 83. Imple facies eorum ignominia, & quærent nomen tuum Domine. Ose. 5. Ibr. 3. Iere. 31. Castigasti me Domine, & erudi-

& eruditus sum quasi iuenculus indomitus: Conuertere me, & conuertar.

II. Vt explorentur, exerceantur, & confirmentur virtutes sanctorum, Timor Dei, Fides, Inuocatio, Patientia, Confessio, &c. quæ in rebus secundis fiunt languidiores, & paulatim prorsus extinguuntur, contrà autem crescunt, cum ærumnis exercentur sancti. 2. Par. 20. Cum ignoramus quid agendum sit, oculi nostri ad te Deus tolluntur, Esaia, 26. Domine, in angustia quarimus te, cum nos corripis, clamamus anxie. 1. Pet. 1. Paulisper contristati varijs temptationibus, vt probata Fides vestra preciosior auro per ignem probato inueniatur, in laudem & gloriam Dei. Esaia 28. Vexatio dat intellectum. Rom. 5. Tribulatio patientiam parit, patientia probationem.

III. Vt Ecclesia agnoscat iram Dei aduersus peccatum commune totius generis humani, & aduersus interiorem inmundiciem, quam mundus negligit. Ier. 31. Castigabo te in iudicio, ne tibi innocens videaris.

IIII. Vt afflictiones sint testimonia immortalitatis piorum. Norma enim iusticie Dei certa & immota est, vt pijs tandem bene sit, & malis male.

V. Vt sint testimonia certitudinis doctrinæ, & sint occasiones diligentius discendæ doctrinæ. Psal. 119. Bonum est mihi

*Domine, quòd humiliasti me, vt discerem iustificatio-
nes tuas.*

VI. Vt pij efficiantur similes imaginis
filij Dei. Rom. 8. 1. Per. 4. *Communicantes pas-
sionibus Christi gaudete, vt etiam in reuelationibus
gloriæ eius gaudeamus exultantes.*

VII. Vt emendent peccata interiora,
dubitationes, superbiam, securitatem, &
vt caueant futuros lapsus. Esaie. 27. *Hic
est fructus afflictionis eius, vt auferatur peccatum
eius. 1. Cor. 4. Et si exterior noster homo corrup-
pitur, tamen interior renouatur quotidie.*

VIII. Vt appareat Ecclesiam obedire,
non propter alia corporum commoda,
sed propter solam gloriam Dei.

IX. Vt præsentia & auxilium Christi
in mirandis liberationibus illustrius con-
spiciatur, ac vt nos immediatè à solo Deo
adiutos & liberatos esse appareat. Vt Da-
niel inter Leones inquit: *Mecum est Dominus, qui
non derelinquit diligentes se. Psal. 109. Adiua me
& saluum me fac, vt sciant, quia manus tua hæc:
& quòd TV Domine fecisti illud. Deut. 8. Adfli-
xit te, ne diceres, fortitudo & robur manus meæ
hec omnia præstant.*

X. Vt amplissima præmia calamitosi
promissa consequamur. Matth. 5. *Talium
est regnum cœlorum. 2. Corinth. 4.*
Momen-

Momentanea leuitas afflictionis, æternum pondus gloriæ parit.

*Quæ sunt præcipuæ & efficaces
Consolationes opponendæ Cru-
ci & Calamitatibus?*

Ethnicæ seu Philosophicæ consolationes sunt septem.

- I. Necessitas ferendi mala, quæ dolendo tolli non possunt. Feras non culpes, quod mutare non potes.
- II. Virtus anteferenda dolori.
- III. Bona conscientia. Est aliquid magnis crimen abesse malis.
- IIII. Exempla.
- V. Collatio euentuum.
- VI. Causæ finales seu vtilitates.
- VII. In certa spes liberationis.

Quia omnia rerum vicissitudo est.

*Nec fera tempestas toto tamen horret in anno,
Et tibi, crede mihi, tempora Veris erunt.*

Christianæ autem Consolationis duodecim fontes sunt: Ex quibus sex priores, etsi titulo cum Philosophicis congruunt: tamen res maiores continent: & adduntur sex aliæ verè efficaces, & Philosophis ignotæ: sed in solo Euangelio patefactæ & Ecclesiæ propriæ.

I. Necessitas obediendi Deo, sub cuius manu potenti nos humiliari oportet, & nequaquam eius sapientia & iusticia repugnare. 1. Pet. 5. Iob. 1. Dominus dedit, Dominus abstulit. Psal. 118. Castigans castigauit me Dominus. Psal. 39. Obmutui, & non aperiā os meum, quoniam tu fecisti.

II. Dignitas virtutis, & pietatis erga Deum, ac confessionis anteferenda omnibus rebus, secundis & aduersis. Matth. 10. Qui diligit patrem aut matrem plus quam me, non est me dignus.

III. Bona conscientia & vulneratę conscientię sanatio per fidem in filium Dei. 1. Pet. 4. Nemo vestrum patiatur vt homicida, fur, aut facinorosus. Iob. 2. Si quis peccauerit, aduocatum habemus apud Deum, Iesum Christum. Ita lapsis agentibus poenitentiam Deus commutat poenas in salutaria exercitia Fidei, patientię, Inuocationis &c. quę non signa irę, vt in Saule, sed paternę castigationis, sicut in Dauide, sunt.

IIII. Exempla filij Dei, Abelis, Apostolorum, martyrum & totius Ecclesię, quam oportet similem fieri imaginis filij Dei.

V. Collatio euentuum. Nam in rebus secundis omnes fiunt securiores & insolentiores.

VI. Causę finales seu vtilitates decem prius recitate sunt, quibus testimonia adiungantur.

VII. Agnitio bonę voluntatis DE Icertō promiss-

promissa propter Christum, seu beneuolentia Dei erga nos, Ebraeos 12. Prouerb. 3. Quem diligit Dominus, castigat, & flagellabat omnem filium, quem recipit,

VIII. Præsentia Dei in ærumnis. Psal. 91. Cum ipso sum in tribulatione. Esa. 57. Habitabis cum contrito & humili Spiritu. Esa. 43. Meus es tu, cum transieris per aquas, tecum ero, & flumina non operient te: cum transieris per ignem, non consumeris.

IX. Promissio auxilij diuini corroborantis corda in ærumnis, ut perferre onus possint. Nahum 1. Bonus Dominus, & confortans in tribulatione. 1. Corinth. 10. Fidelis Deus, qui non finit nos tentari supra vires.

X. Promissio mitigationis calamitatum in hac vita, & certæ liberationis, vel in hac vita, vel in æterna. Psal. 84. Mitigasti omnem iram tuam. Psal. 103. Sicut pater miseretur filiorum, &c. Psal. 50. Inuoca me, & ego eripiam te. Psal. 34. Multa tribulationes iustorum, & ex omnibus liberabit eos Deus.

XI. Ad has promissiones cum accedit fides statuens Deum nobis ad esse & mitigare calamitates, inuocatio petens in ærumnis auxilium & liberationem, obedientia, spes auxilij & liberationis, patientia, &c. Hac omnia coniuncta, fiunt sacrificium Deo gratissimum. Psal. 51. Sacrificium Deo Spiritus contribulatus.

XII. Postremus & præcipuus consolatio-
tionis locus est immortalitas Ecclesiæ,
Resurrectio corporum, & portus vitæ æ-
ternæ, in quo Ecclesia liberata ex omni-
bus miserijs suauissimè acquiescet, & di-
uina luce, sapientia, iusticia, gloria, & lati-
tudo à Deo complebitur. 2. Corinth. 4.
Momentanea leuitas afflictionis, æternum
pondus gloriæ parit. Rom. 8. Conglori-
ficabimur, si tamen vnà patiemur.

DECIMVS
LOCVS.

DE IMMORTALITATE EC-
CLESIAE, RESURRECTIONE
corporum, & vita æterna.

Quid est Mors?

MORS corporis, est dissolutio Animæ & corporis, seu amissio vitæ, & interitus ac dissipatio corporis, quæ propter peccatum redit in nihilum, quod fuit ante nihil.

M O R S anime spiritualis, est impietas seu peccatum non remissum, propter quod homo obnoxius est iræ Dei & æternis pœnis. Iohan. 5. Mortui audient vocem filij Dei, & audientes viuent, hoc est, Impij

Impij ad Deum conuertentur, & noua iusticia ac vita donabuntur. Hanc primum ad Deum conuersionem, seu Fidem, qua credens in Christum, à peccato & ira Dei liberatur, nominat Iohannes resurrectionem primam, sicut & mors prima ipsi est discessus animæ à corpore, Mors secunda, æterna damnatio.

Quid est Mors piorum?

Est transitus Animæ, ab omni peccato & miserijs huius vitæ liberatæ, in æternam vitam seu beatam consuetudinem Dei & ecclesiæ cœlestis.

Quis est status Animarum post hanc vitam?

ANIMAE PIORVM, ex hac vita discedentium, non intereunt, nec somno opprimuntur sempiterno, sed superstites, Dei conspectu & consuetudine, in tranquilla pace & gaudio fruuntur, donec completo numero saluandorum, redeant in domicilia corporum suorum, & perfecta beatitudine & gloria vnâ cum corporibus ornentur. Sapient. 3. Iustorum animæ in manu Dei sunt, & non tanget illas tormentum mortis: visi sunt oculis insipientium mori, at illi sunt impæce.

Recita testimonia de immortalitate Animæ?

Matth. 10. Animam non possunt occidere. Luc. 23. Hodie mecum eris in paradiso. Matth. 22. Ego sum Deus Abraham, & Deus Isaac, & Deus Jacob. Non est Deus Deus mortuorum, sed viventium. Matth. 17. Christus colloquitur cum Moise, qui annis 1500. antè ex hac vita discesserat.

Luc. 16. Lazarus & Dives mortui vivunt.

Apocal 6. 7. Vidi animas interfectorum propter verbum Dei, & sunt coram throno Dei, & seruiunt ei die & nocte.

DE RESUSCITATIONE
MORTUORVM.

Qua Deus extrema mundi die, verbo suo omnipotenti, omnium hominum mortuorum corpora in vitam reuocabit, & rursum animabus suis coniunget, vt vel pœnas scelerum æternas cum Diabolis sustineant, vel pietatis & rectè factorum præmia in coelis æterna percipiant.

Testimonia:

Sedes materiæ seu præcipuum testimonium est Decimum quintum caput prioris Epistolæ ad Corinth. 1. Thess. 4. Ezech. 37.

Iob. 19. Scio quod Redemptor meus viuit, & quod in nouissimo die de terra resurrecturus sum, & rur-

& rursus circumdabor pelle mea, & in carne mea videbo Deum, quem visurus sum Ego ipse, & non alius. Reposita est hac spes in sinu meo.

Esaï. 26. Vivent mortui tui, interfecti mei resurgent. Dan. 12. Qui dormiunt in pulvere terræ, euigilabunt, alij in vitam æternam, alij in opprobrium sempiternum. Qui autem docti fuerint fulgebunt sicut splendor firmamenti, & qui ad iusticiam erudierunt multos, quasi stellæ in perpetuas æternitates. Iohan. 11. resuscitatur Lazarus, Ego sum resurrectio & vita. Ioh. 5. Veniet hora, cum omnes qui sunt in sepulchris, audient vocem filij hominis, & prodibunt, alij in resurrectionem vitæ, alij in resurrectionem iudicij.

D E E X T R E M O

I V D I C I O .

Certò secuturum est EXTREMUM IUDICIUM, in quo Filius Dei Dominus noster Iesus Christus, in forma naturæ humanæ à se assumptæ, omnes homines pios & impios, ex morte resuscitados, ante tribunal suum adducet, & impios, ac damnatos, una cum Diabolis, in æternum ignem abijciet, pios vero & electos in regnum cœlorum ante mundi conditionem ipsis paratum transferet.

Matth. 25. Cùm venerit Filius hominis in gloria sua, & omnes sancti angeli cum eo, tunc sedebit super

160 DE MORTE ÆTERNA.

super thronum gloriae suae, & iudicabit, &c. Nam eo in loco, non solum aduentus Christi ad iudicium, sed etiam processus & forma iudicii copiose describitur. Act. 17. Deus constituit diem, in quo iudicabit mundum in iusticia.

Eccle. 12. Cuncta quae fiunt, adducet Deus in iudicium, etiam occulta, siue bona siue mala.

DE MORTE ÆTERNA.

Mors impiorum æterna seu Mors secunda, erit horribilis paupor, anxietas & fuga, seu acerbissimi morsus & cruciatus cordis sentientis iram Dei, & supplicia corporum, in ignibus viuentium, in vitione sine combustione, dolore sine extractione.

Iohan. 1. Qui non credit filio, non habebit vitam, sed ira Dei manet super eum.

Rom. 2. In reuelatione iusti iudicii Dei impijs ventura est indignatio & ira & adfectio & angustia super omnem animam hominis facientis malum.

Marc. 9. Abijciuntur in gehennam, ubi vermis eorum non moritur, & ignis non extinguatur.

Matth. 25. Ite maledicti in ignem æternum, &c.

DE VITA ÆTERNA.

Iohan. 3. Sic Deus dilexit mundum, ut filium suum vnigenitum daret, ut omnis, qui credit in eum, non pereat, sed habeat vitam æternam.

Ioba. 6. Hac est voluntas Dei, ut omnis, qui videt Fi-

det Filium, & credit in eum, non pereat, sed habeat vitam aeternam.

Iohan. 17. Hæc est vita aeterna, ut agnoscant re solum verum Deum, & quem misisti Iesum Christum.

Quid est vita aeterna?

VITA aeterna erit conspectus Dei, quo Ecclesia resuscitata ex morte, & prorsus ab omni peccato lacerata, coram inuebitur essentiam & voluntatem totius diuinitatis, æterni patris, filij & Spiritus sancti, & noua ac perpetua luce, sapientia, iusticia, vita & læticia æterna à Deo, qui erit omnia in omnibus, complebitur, & vicissim Deum celebrabit.

DEO GLORIA.

BREVIS

BREVIS EXPLICATIO
PRECATIO
 NIS DOMINICÆ.

Pater noster.

PRæcipuus & summus DEI cultus, & optimum ac præstantissimum hominis opus, cuius causa & conditi à Deo, & per Filium redempti sumus, & Spiritu diuino sanctificamur, atq; adeo solius Ecclesiæ Dei proprium decus, & firmis. totius vitæ piorum præfidiū est, vera agnitio & Inuocatio Dei. Quam vult Deus à nobis assidue & religiose exerceri, & bona ac liberationes in periculis à se peti & expectari, vt Deo honorem proprium diuinitatis tribuamus, cumq; non inane nomen esse, nec negligere homines, sed verè adesse nobis præsentem & opitulatorem, & in tantis miserijs opem ferre inuocantibus agnoscamus & profiteamur. Itaq; hunc Inuocationis cultum præcipue à nobis Deus flagitat, & optimam ac perfectissimā FORMAM PRÆCANDI, ipse nobis per

per Filium suum Dominum nostrum Iesum Christum, *Luc. 11. & Matth. 6.* præscribit, in cuius recitatione hi sex loci assidue considerandi sunt.

I. Q U I S E I T V E R V S D E V S quem compellamus, videlicet æternus Pater Domini nostri Iesu Christi, vnâ cum Filio suo & Spiritu sancto, patefactus in Ecclesia, misso hoc ipso Filio mediatore, propter quem nos quoque confu- gientes ad ipsum fide, paterna beneuo- lentia complectitur, & nostras preces re- cipit, & exaudit. Hanc doctrinam conti- net compellatio Dei: Pater noster.

II. M A N D A T V M Christi, quod præ- cipit inuocationem, & quidem nomina- tim recitationem huius formæ verborum à Christo traditæ, *Luc. 11.*

III. P Œ N I T E N T I A seu conuersio ad Deum vera, agnoscēs & deplorans su- am indignitatem & peccata, vt Daniel o- rans, primum peccata sua confiteretur.

IIII. P R O M I S S I O N E S D E I amplif- simæ, quod velit Deus & peccata agenti- bus pœnitentiam remittere, & nostram inuocationem recipere & exaudire, & bona optata, eo ordine & modo exhibe- re, quem in promissione expressit. Ideo dicimus, Pater noster, Pater est. Ergo pa-
terna

terna beneuolentia & *σοςγῆ* nos complectitur, vt Lucæ 11. multis verbis dicitur: Si vos, cū sitis mali, nostis bona donare filijs vestris: quantò magis pater vester cœlestis dabit Spiritum sanctū petentibus. Psal. 103. Sicut pater misetur filiorum, &c. Et est noster pater, non solum diligens suum vnigenitum filium, de quo inquit: Hic est Filius meus dilectus: sed etiam propter eum Nos adoptiuos filios amans, respiciens, curans, defendens, exaudiens, saluans.

V. FIDES addens Amen diuinis promissionibus, & certò statuens, sibi à Deo patre *φίλος ὅς γω* peccata remitti, suas preces exaudiri, propter filium mediatorem.

VI. RES PETENDÆ spirituales & corporales, æternæ & præsentēs, quæ sapientissimo ordine, & admirabili breuitate, in septem petitiones à Christo distributæ sunt.

P R I M A P E T I T I O.

Sanctificetur nomen tuum.

Nomen significat noticiam seu agnitionem, inuocationem & celebrationem.

Sanctificare significat sanctum, id est, purum, mundum, Deo placens facere, & dicare vsibus diuinis.

Peti-

Perimus igitur hac oratione, Sanctificetur nomen tuum.

I. Ut noticia seu agnitio Dei vera & pura in genere humano conseruetur, & omnes falsa opinioniones de Deo, & dubitationes ex nostris mentibus tollantur.

II. Ut vera de Deo doctrina & vox Evangelij latè spargatur, & deleantur omnia impura dogmata & hæreses, quibus nomen Dei contumelia afficitur.

III. Ut vera & munda inuocatione & obedientia, sine maculis peccatorum, Deus colatur & celebretur, & Dei gloria, nostro nomini & famæ, & omnibus rebus humanis à nobis anteferatur.

SECUNDA PETITIO.

Adueniat regnum tuum.

REGNUM DEI in hac vita, est gubernatio Dei, qua non solum naturam vniuersam à se conditam, ac genus humanum in primis custodit & conseruat, & sceleratos punit, sed etiam per ministerium Evangelij propter Christum colligit sibi Ecclesiam omnibus temporib. mundi, & remittit ei peccata, liberat eam ab æterna morte, sanctificat eam dato Spiritu sancto, mirabiliter defendit & regit eam, oppressam cruce in hac vita, re-

M

primit

primit diabolos & tyrannos, & prauos naturæ impetus, & resuscitat eam ex morte ad vitam & gloriam æternam.

Hæc bona omnia, videlicet:

Collectio Ecclesiæ per vocem Evangelij, destructio regni diaboli, gubernatio Spiritus Sancti, defensio in hac vita, & regnum ac gloria cœlestis: petuntur hac oratione, Adueniat regnum tuum.

TERTIA PETITIO.

Fiat voluntas tua, sicut in cœlo & in terra.

Petimus, vt nostræ voluntates, nostræ consilia & actiones cum voluntate & verbo tuo congruant. Flecte nostras voluntates, vt tibi in tolerandis rebus aduersis, faciendis officijs vocationis, denique in omni vita obediamus, vt Angeli in cœlo tibi obediunt: da felices successus in vocatione Ecclesiastica, Politica & Oeconomica, vt tibi grata fiant.

QUARTA PETITIO.

Panem nostrum quotidianum da nobis hodiè.

Significat autem panis quotidianus ipsam vitam corporis, bonam valetudinem, victum, vestitum, pacem, honestam disciplinam, fertilitatem terræ, hospitia, domos,

domos, defensionem liberorum, coniugum, bonæ famæ.

Hæc bona omnia, ad sustentationem huius vitæ corporalis necessaria, vult Deus à se peti propter quatuor causas:

Primum, vt agnoscamus Deum datorem & conseruatorẽ esse huius vitæ corporalis, nec casu offerri panem quotidianum, sed certo Dei consilio distribui.

Secundò, vt sciamus Deum in hac vita velle seruare Ecclesiam, ipsum rectè agnoscentem, inuocantem, & in omni æternitate celebrantem.

Tertiò, vt Fides, Inuocatio & gratiarum actio, in petitione, expectatione, & usu Panis quotidiani exerceatur.

Quartò, vt commonefaciat nos de Christo, qui est panis vitæ æternæ, de remissione peccatorum, & bonis spiritalibus, quorum petitio semper præluce debet petitioni bonorum corporalium. Ideò statim additur:

Q V I N T A P E T I T I O.

Et remitte nobis debita nostra, sicut & nos remittimus debitoribus nostris.

Qua petitur remissio peccatorum, non propter nostram mansuetudinẽ seu misericordiam remittentem alijs offen-

siones & iniurias, sed propter solū Christum, vt tota Euāgelij doctrina restatur, ac vt cætera bona opera necessariò remissionem peccatorum comitantur vel sequuntur, ita vt non possit remissio peccatorum & gratia retineri, nisi adsint, nec tamen sunt causa remissionis peccatorum, sed effectus vel necessariò coniuncta, sic mansuetudo quoq; seu misericordia remittens alijs offensiones, necessaria est.

S E X T A P E T I T I O.

Et ne nos inducas in tentationem.

Tentatio significat aliās sollicitationem seu impulsione ad quæcunq; peccata seu lapsus: aliās calamitates & miseria, quibus vel punimur vel probamur.

Ne inducas, Id est, ne finas nos impelli à diabolo ad peccata & lapsus, sed gubernas nos Spiritu sancto tuo.

S E P T I M A P E T I T I O.

Sed libera nos à malo.

Liberato nos ex omnibus malis, præsentibus & æternis, à peccato, morte, tyrannide diaboli, calamitatibus publicis & priuatis, & donato nos vita & læticia æterna.

Quia

Quia tuum est regnum.

In fine adduntur causæ impulsivæ & finales, propter quas expectamus bona petita in septem petitionibus prioribus.

Tuum est regnum) Tu es Rex & pater noster, ideo vis bona promissa dare.

Et potentia) potes nobis dare bona promissa, quia es omnipotens.

Et gloria) Causa finalis, propter quam petuntur bona, sit Gloria Dei, videlicet, ut, cum Deus exaudit, testetur sibi curæ esse Ecclesiam: ut blasphemi refutentur, qui disputant, non esse Deo curæ res humanas, non exaudiri Ecclesiæ preces: ut Fides piorum confirmetur, ut cum hæc beneficia recitantur, multi agnoscant DEVM, & inuitentur ad Timorem Dei & Fidem: ut gratiarum actione Deus celebretur.

Amen) Certum sit & eueniat, quod petimus. Hæc nostra precatio non est inane murmur, sed certò statuimus exaudiri nostras preces, & certò impetrari optata bona iuxta promissiones, Amen.

Regula Vitæ.

PHILIP. MELANCH.

Nullus est felix conatus & utilis vnquam,
Consilium, si non det q³ iuuat q³ Deus.
Tunc iuuat ille autem, cum mens sibi conscia rectâ
Mandati officij munera iusta facit.
Et simul auxilium presenti à nomine Christi
Pescit, & expectat non dubitante fide.
Sic procedit opus faustum populisq³ tibi q³,
Nauis & aura tua vela secunda vehet :
Inuictamq³ Dei dextram vis nulla repellat,
Omnia cogentur credere prona Deo.
Ipsa etiam quamuis adamanti incisa feruntur,
Cum petimus, cedunt fata seuera Deo.
Nec Deus est nomen Parcarum carcere clausum,
Quale putabatur Stoicus esse Deus.
Ipse potest solus currus inhibere volantes,
Ipse velut scopulos flumina stare iubet.

PRECATIO EX

2. PARAL. 20.

In tenebris nostræ & densa caligine mentis,
Cum nihil est toto pectore consilij :
Turbati erigimus Deus ad te lumina cordis,
Nostra tuamq³ fides solius orat opem.
Tu rege consilijs actus, pater optime, nostros,
Nostrum opus vt laudi seruiat omne tua.

TE maneat semper seruante Ecclesia, Christe,
Insertosq; ipsi nos tua dextra tegat.
Tres velut in flamma testes Babylonide seruas,
Rex vbi praesentem te videt esse Deum.

PRECATIO SVMTA

EX DICTO GENESIS I.

Spiritus Dei fouebat aquas.

PHILIP. MELANCH.

Spiritus vt Domini nascentia corpora fouit,
Cum manus artificis conderet ipsa Dei.
Sic foueat cœtus, qui Christi oracula discunt,
Accendatq; igni pectora nostra suo.

F I N I S.



Tertia Consideratio e conversionis ad Deum. Dicitur
aliquis, quod petam eum scriptum sit: peccatores Deum
exaudiet. Hic tenenda e vox parentis: vivo ego dicitur
mortem peccatoris re

Atque Consideratio e promissionis. Neq conversio ad Deum
neq conversio ad Deum, neq invocatio fieri potest,
nisi simul promissione gratiae et fiducia mediatoris
congruatur, ut accedamus ad Deum, iuxta dictam ad Ephesios
per hunc autem accedere confidenter p. fide in Christum

4 Consideratio e de fide. Hic primum secunda est fide
qua potest remissionem, reconciliationem et vitam
aeternam, gubernationem animae, oportere in fide
haec bona petere et expectare sine conditione
sed fides q petat bona corporalia, ut David petens se
induci in regnum peti enim conditione: SADO

2. ACTE

6 Consideratio est rerum petendarum. Sicut Job. inq
Quidquid petentes petitis etiam voluntate eia
dabit vobis. Quid e gratia actio?

Et ergo gratiarum actio Erga Deum Veritas
que proficitur, accepta ee a Deo beneficium, et
vere esse Deum omnipotentem potentem et opitulante
toro. Et e opus iustitiae, qua obligas ad offitium
Deo grata Quare Ecclesia subiecta e crucis
causa a: praecipue sunt 8 p. quas Ecclesia
quam reliqua pars generis humani, sicut dicta e
iudicium a Deo deo recipit versg.

Peccatum, Sathanas. Crux factum iudicium
Doctrina, torus Christo similis de astutis

Balthazar Simon

Quilibet sui fortune fabricator.

Anno 1603

nas verfu fimgfu

le grande dague, frantz, oue, surcibans
Sua leonard

Correx orat, iuratum lingua laborat.

ULB Halle

004 971 094

3



